

王摩詰文集

表目一卷

北宋本 第一冊





進王摩詰文集表

臣縉言中使王承華奉宣進止令臣進士兄故尚書
右丞維文章恩命忽臨以驚以喜退因編錄又竊感
傷臣兄文詞立身行之餘力當官堅正秉操孤直縱
居要劇不忘清靜實見時輩許以高流至於晚年弥
加進道端坐虛室念茲無生乘興爲文未嘗廢業或
散朋友之上或留篋笥之中臣近搜求尚慮零落詩
筆共成十卷今且隨表奉進曲承天鑒下訪遺文塊
而有知荷寵光於幽窆歿而不朽成大名於聖朝臣
不勝感戴悲歡之至謹奉表以聞臣縉誠惓誠恐頓
首頓首謹言

銀青光祿大夫尚書兵部侍郎兼御史大夫臣王 綬表上

荅詔

勅卿之伯氏天下文宗位歷先朝名高希代抗行周
雅長揖楚詞調六氣於終篇正五音於逸韻泉飛藻
思雲散襟情詩家者流時論歸美誦於人口文鬱文
房謨以國風宜登樂府眎朝之後乙夜將觀石室所
藏歿而不朽栢梁之會今也則亡乃眷棣華克成編
錄聲猷益茂歎息良深



三摩詰文集目錄

第一卷

賦 歌 詩 讚

王 維 字摩詰

白鸚鵡賦

登樓歌

夷門歌

雙黃鸝歌

松樹歌

青雀歌 五首

望終南山歌

送友人歸山歌 二首

魚山神女祠歌 二首

迎神曲

送神曲

扶南曲歌詞 五首

隴頭吟

老將行

燕友行

從軍行



桃源行

隴西行

早春行

洛陽女兒行

少年行 四首

皇甫岳寫真讚

裴右丞寫真讚

白龜過

黃雀癡

贈裴迪

榆林群歌

問寇校書雙溪

寄崇梵僧

宋進馬哀詞 并序

獻壽詞

遊春詞 二首

愁思 二首

從軍辭

塞下曲 二首

平戎辭 二首

贈遠 二首

閨人春思

第二卷

書序記文讚

與李侍郎書

與裴秀才迪書

與魏居士書

逍遙谷讌集序

光師房花藥詩序

送朝監還日本國序

送高判官序

送李補闕序

送杜參軍序

送馮少府序

秋夜曲 二首

太平詞 二首

遊春曲 二首

送春辭

塞上曲 二首

從軍辭 二首

隴上行

閨人贈遠 五首

宴韋司戶南亭序

送鄭五赴任序

送從弟序

送衡嶽瑗公序

冬筍記

讚佛文

西方變畫讚并序

繡如意輪像讚并序

紫芝木瓜讚并序

畫阿彌陀變讚并序

祭李貞外文

祭房郎中文

祭李舍人文

祭沙陁鄯國夫人

祭武大將軍文

祭姜將軍文

祭王郎中文

為人祭某官文

第三卷

表狀 露布

賀古樂器表

賀立元皇帝見真容表

賀取石堡城表

謝賜物表

謝除太子中允表

謝集賢學士表

為畫人謝賜表

謝寫真表

謝御書集賢院額表

進注仁王經表

謝發州刺史表

謝御題塔額表

問下起赦書表

責躬薦弟表

請施莊為寺表

請上佛殿梁表

和勅詳帝皇龜鏡圖狀

帝皇龜鏡圖兩卷令簡擇訖進狀

請迴職田粟施貧人粥狀

兵部起請露布文

謝弟縉新授左散騎常侍狀

狀進荅詔

第四卷

應制 應教 唱和 訓荅

和聖製慶立元皇帝玉像之作

和聖製從蓬萊向興慶閣道中留

和聖製與太子諸王龍池春禊

和聖製上巳於望春亭觀楔飲

和聖製幸玉霄公主山莊

和聖製登降聖觀

和聖製賦樂賢詩

和聖製送朝集使歸郡

和聖製送不蒙都護兼鴻臚卿歸安西

曲江侍宴

和聖製十五夜燃燈

和聖製重陽節宰臣上壽

和聖製賜吏供奉曲江宴

勤政樓侍宴

因王芝慶雲賜宴樂

賜百官櫻桃

和聖製天長節賜宰臣歌

和聖製聖札賜宰臣連珠詞

五首

勅借岐王九成宮避暑應教

從岐王過楊氏別業應教

從岐王夜讌衛家山池應教

和尹諫議史館山池

和陳監四郎秋雨中思從弟據

和僕射晉公扈從溫湯

和宋中丞夏日遊福賢觀天長寺

和賈舍人早朝大明宮之作

瓜園詩

并序

同崔傳荅賢弟

秋霄寓直

有懷靜者李

沈拾遺新竹生讀經處

同盧拾遺韋給事東山別業

和西樓望遠思歸

和溫湯寓目

和秋夜即事

訓諸公見過

訓蘇貞外過藍田別業

訓楊貞外見贈

苑舍人能書梵字兼達梵音戲爲之贈

苑減荅

并序

重訓苑郎中

并序

訓郭給事

七言

訓嚴少尹徐舍人

暮容承見遇

訓暮容十一

訓張少府

喜祖三至留宿

祖諫荅

訓黎居士

訓賀四

訓故人張諲

荅張五弟

輞口遇雨

荅裴迪

第五卷

寄贈 山水

寄韋太守陟

林園即事寄舍弟

寄段十六

寄張丞相

寄諸弟妹

聞裴迪吟詩戲贈

贈從弟貞外綵

贈薛璩慕容損

贈李頎

贈劉藍田

贈房盧氏琯

贈祖三詠

輞川閑居

贈焦練師

春夜竹亭贈錢少府

贈藍田

贈韋穆十八

戲贈張五弟諲三首

贈裴旻將軍

贈焦道士

贈吳官

冬晚對雪

憶丁三寓

秋夜獨坐

雲中憶李揖

胡居士卧病遺米因贈

贈裴十迪

酌酒與裴迪

與胡居士皆病二首

九月九日憶兄弟

華嶽

山居秋暝

終南別業

皇甫岳雲溪五首

蓮花塢

上平田

第六卷

山水下

輞川集并序

裴迪酬

文杏館二首

藍田山石門精舍

青溪

崔濮陽災季里前山興

鳥鳴澗

鷓鴣堰

萍池

孟城坳

華子岡二首

斤竹嶺二首

鹿柴二首

茱萸泝二首

臨湖亭二首

歌湖二首

欒家瀨二首

白石灘二首

竹里館二首

漆園二首

歸嵩山作

授道一師蘭若宿

輞川別業

木蘭花二首

宮槐陌二首

南垞二首

柳浪二首

金屑泉二首

北垞二首

辛夷塢二首

椒園二首

歸輞川作

韋給事山居

山中示弟

戲題輞川別業

李處士山居

韋侍郎山居

山居即事

早秋山中作

戲題磐石

終南山行

田園樂七首

田家

丁禹田家有贈

輞川閑居

秋雨輞川莊作

春園即事

渭川田家

春中田園作

盧賁外宅飯僧

過李揖宅

過崔處士林亭

過趙叟家宴

與盧象集朱家

過福禪師蘭若

飯覆釜山僧

謁璿上人并序

青龍寺曇壁上人兄院集并序

秋夜對雨

嚴少尹見過

過乘如禪師蕭居士嵩丘蘭若

過曇興上人山院

謁操禪師

鄭果州相過

訪臣逸人不遇

春過賀遂樂園

過香積寺

過崔駙馬山池

河南嚴尹弟見宿契盧訪別

第七卷

碑

裴傑射濟州遺愛碑 并序

京兆尹張公德政碑 并序

魏郡太守苗公德政碑 并序

右豹韜衛長史任君神道碑 并序

臨汝郡太守韋公神道碑銘 并序

第八卷

碑墓誌

淨覺禪師碑銘 并序

能禪師碑 并序 道光禪師塔銘 并序

楊尚書夫人王氏墓誌銘 并序

韓府君墓誌銘 并序

第九卷

餞送 留別 遊覽

送李太守 送秘書朝監

祔郎中 送李判官

送康太守 送陸負外

送封太守 送王尊師

送崔五太守 送宇文太守

送嚴秀才 送李睢陽

送張判官

送源長史歸

送綦累秘書

送張道士

送元二使安西

送六舅

送方尊師

送瑗公

送錢少府

留別錢起

送丘爲

留別丘爲

送元中丞

送別

送張五歸山

送祖三

送別

送崔九興宗

送熊九赴任

送崔興宗

送苗太守

送李太守

送從弟蕃遊淮南

送平澹然判官

送孫秀才

送韋評事

送權二

送高道弟耽

送劉司直

送別

送從弟

送趙都督

送黎拾遺

送韋明府

送李真外

送李使君

送楊少府貶郴州

送張諶

送友人南歸

送賀遂真外

送楊長吏赴果州

送張舍人

送韋大夫赴留守

送邢桂州

送宇文三

山中送別

送甘二

送孫二

送崔三覲省

送丘為落第歸江東

送沈子

留別溫古上人

觀音者

別弟後登青龍寺

別輞川別業

別弟妹二首

崔九弟欲往南馬上口號與別

別綦母潛

新晴野望

漢江臨汎

登辨覺寺

涼州郊外遊望

觀獵

遊化感寺

遊悟真寺

寒食城東即事

春日上方即事

韋鄉城南別業

冬日遊覽

汎前

遊李山人所居

遊方文寺

登河北城樓作

登裴秀才小臺

第十卷

逆旅 雜題 哀傷

曉行巴峽

出塞作

見黃花川

被出濟州

休假還舊業

早入滎陽界

寒食汜上作

宿鄭州

千塔主人

使至塞上

渡河到清河作

苦熱

納涼

四賢詠三首

崔錄事

成文學

鄭霍二山人

偶然作六首

西施詠

李陵詠

燕子龕禪師詠

息夫人

班婕妤三首

晚春閨思

羽林騎閨人

戲題示蕭外甥

冬夜書懷

秋夜獨坐

不遇詠

侍儲光義不至

聽宮鶯

聽百舌

題友人雲母障

清如玉壺冰

劇朝史案

紅牡丹

左掖梨花詠

早朝二首

裴迪來相看說逆賊口號誦示裴迪

口號又示裴迪

直門下省早朝

愚公谷三首

寓言二首

雜詩五首

獻始興公

上張令公

崔興宗寫真詠

山茱萸詠

涼州賽神

哭殷遙二首

哭孟浩然

哭褚司馬

哭沈居士

哭祖六自虛

歎白髮二首

過始皇墓

徐太師挽歌四首

杜太守挽歌三首

南陽夫人挽歌二首

王摩詰文集目錄終

王摩詰文集卷第一

賦歌詩讚

白鸚鵡賦

登樓歌

夷門歌

雙黃鵠歌送別

新秦郡松樹歌

青雀歌共五首

贈徐中書望終南山歌

送友人歸山歌二首

魚山神女祠歌二首

迎神曲

送神曲

扶南曲歌詞五首

隴頭吟

老將行

燕友行



從軍行

桃源行

隴西行

早春行

洛陽女兒行

少年行 四首

皇甫岳寫真讚

裴右丞寫真讚

白鼈過

黃雀癡

贈裴迪

榆林群歌

問寇校書雙溪

寄崇梵僧

宋進馬哀詞 并序

獻壽詞

遊春詞 二首

愁思 二首

從軍辭

塞下曲 二首

平戍辭

贈遠 二首

閨人春思

秋夜曲 二首

太平詞 二首

遊春曲 二首

送春辭

塞上曲 二首

從軍辭

隴上行

閨人贈遠 五首

白鸚鵡賦

若夫名依西域族本南海同朱喙之清音變綠衣於
素彩惟茲鳥之可貴諒其美之斯在尔其入翫於人
見珍奇質狎蘭房之妓女去桂林之雲日易喬枝以
羅袖代危巢以瓊室慕侶方遠依人永畢託言語而
雖通顧形影而非匹經過珠網出入金鋪單鳴無應

隻影長孤偶白鵲於池側對皓鶴於庭隅愁混色而
難辨願知名而自呼明心有識懷思無極芳樹絕想
雕梁撫翼時銜花而不言每投人以方息慧性孤寡
雅容非飾含火德之明輝被金方之正色至如海鷺
呈瑞有玉筐之可依山雞學舞向寶鏡而知歸皆羽
毛之偉麗奉日月之光輝豈憐茲鳥地遠形微色凌
納質彩奪繒衣深籠夕閉喬木長違儻見借其羽翼
與遷鶯而共飛

登樓歌

聊上君兮高樓飛薨鱗次兮在下俯十二兮通衢綠
槐參差兮車馬却瞻兮龍首前眺兮宜春王畿鬱兮

千里山河壯兮咸秦舍人下兮書宮據胡牀兮書堂
執戟疲於下位老夫好隱兮牆東亦幸有張伯英草
聖兮龍騰虬躍擺長雲兮捩迴風琥珀酒兮彫胡飯
君不御兮日將晚秋風兮吹衣夕鳥兮爭返孤砧發
兮東城林薄暮兮蟬聲遠時不可兮再得君何為兮
偃蹇

夷門歌

七雄雄雌猶未分攻城殺將何紛紛秦兵益圍邯鄲
急魏王不救平原君公子爲嬴傳駟馬執轡愈恭意
愈下亥爲屠肆鼓刀人嬴乃夷門抱關者非但慷慨
獻奇謀意氣兼將身命酬向風刎頸送公子七十老

翁何所求

雙黃鵠歌送別

時爲節度判官在涼府作

天路來兮雙黃鵠雲上飛兮水上宿
撫翼和鳴整羽族不得已忽分飛
家在玉京朝紫微主人臨水送將
歸悲笳嘹唳垂舞衣賓欲散兮復
相依幾往返兮極浦尚徘徊兮落
暉岸上火兮相迎將夜入兮邊城
鞍馬歸兮佳人散悵離憂兮獨含
情

新秦郡松樹歌

青青山上松數里不見今更逢
不見君心相憶此心向君君應
識爲君顏色高且閑亭亭迥出浮
雲間

青雀歌

青雀翅羽短未能遠食玉山禾
猶勝黃雀爭上下鳴空倉復若何

同前

盧象

啾啾青雀兒飛來飛去仰天池
逍遙飲啄安涯分何假扶搖九萬爲

同前

王縉

林間青雀兒來往翩翩繞一枝
莫言不解銜環報但問君恩今若爲

同前

崔興宗

青崖繞青林翩翩陋弊一微禽
不應長在藩籬下他日凌雲誰見心

同前

裴迪

動息自適性不曾妄與鷺雀群
幸忝鴛鴦早相識何時提携致青雲

贈徐中書望終南山歌

晚下兮紫微悵塵事兮多違
駐馬兮雙樹望青山兮不歸

送友人歸山歌二首

山寂寂兮無人又蒼蒼兮多木
群龍兮蒲朝君何爲兮空谷
文寡和兮思深道難知兮行獨
悅石上兮流泉與松間兮草屋
入雲中兮養雞上山頭兮抱犢
神興素兮如瓜虎賣杏兮收穀
愧不才兮妨賢嫌旣老

兮貧祿誓解印兮相從向詹尹兮何卜

山中人兮欲歸雲冥冥兮雨霏霏
水驚收兮翠管靡白鷺忽兮翻翻
君不可兮褰衣山万重兮一雲混
天地兮不分樹晻曖兮氛氲猿不
見兮空聞忽山西兮夕陽見東臯
兮遠村平蕪綠兮二里眇惆悵兮
思君

魚山神女祠歌二首

迎神曲

伏坎擊鼓魚山之下吹洞簫望極浦
女巫進紛屢舞陳瑶席湛清醑風淒淒
兮夜雨神之來兮不來使我心兮苦復苦

送神曲

五
紛進拜兮堂前日暮暮兮瓊筵來不語兮意不傳作
暮雨兮愁空山悲急管思繁絃靈之駕兮儼欲旋修
雲收兮雨歇山青青兮水潺湲

扶南曲歌詞五首

翠羽流蘇帳春眠曙不開羞從面色起嬌逐語聲來
早向昭陽殿君王中使催
堂上青絃動堂前綺簾陳齊歌盧女曲雙舞洛陽人
傾國徒相看寧知心所親
香氣傳空滿粧華影箔通歌聞天仗外舞出御樓中
日暮歸何處花間長樂宮
宮女還金屋將眠復畏明入春輕衣好半夜薄粧成

拂曙朝前殿玉墀多珮聲

朝日照綺窓佳人坐臨鏡散黛恨猶輕挿釵嫌未正
同心勿遽遊幸待春粧竟

隴頭吟

長城少年遊俠客夜上戍樓看太白隴頭明月迴臨
關隴上行人夜吹笛關西老將不勝愁駐馬聽之雙
淚流身經大小百餘戰麾下偏裨万户侯蘇武才為
典屬國節旄空盡一作零落海西頭

老將行

少年十五二十時步行奪取胡馬騎射殺山中白額
虎肯數鄴下黃鬚兒一身轉戰三十里一劒曾當百

萬師漢兵奮迅如霹靂虜騎崩騰畏蒺藜衛青不敗
由天幸李廣無功緣數奇自從棄置便衰朽世事蹉
跎成白首昔時飛箭無全目今日垂楊生左肘路傍
時賣故侯瓜門前學種先生柳茫茫古木連窮巷淹
洛寒山對虛牖誓令疎勒出飛泉不似潁川空使酒
賀蘭山下陣如雲羽檄交馳日夕聞節使三河募年
少詔書五道出將軍試拂鐵衣如雪色聊持寶劍動
星文願得燕弓射天將耻令越甲鳴吳軍莫嫌舊日
雲中守猶堪一戰取功勲

燕友行 時年二十一

漢家天將才且雄來時謁帝明光宮
萬乘親推雙闕

下千官出餞五陵東誓辭甲第金門裏身作長城王
塞中衛霍才堪一騎將朝廷不數貳師功趙魏燕韓
多勁卒關西俠少何咆勃報讎只是聞膏膽飲酒不
曾妨刮骨盡戟雕戈白日寒連旗大旆黃塵沒疊鼓
遙翻逾海波鳴笳亂動天山月麒麟錦帶佩吳鉤颯
踏青驪躍紫騮拔劍已斷天驕臂歸鞍共飲月支頭
漢兵大呼一當百虜騎相看哭且愁教戰雖令赴湯
火終知上將先伐謀

從軍行

吹角動行人喧喧行人起
笳悲馬嘶亂爭渡金河水
日暮沙漠垂戰聲煙塵裏
盡繫名王頸歸來獻天子

桃源行 時年十九

漁舟逐水愛山春兩岸桃花夾去津坐看紅樹不知
遠行盡青溪不見人山口潛行始隈隩山開曠望旋
平陸遙看一處攢雲樹近入千家散花竹樵客初傳
漢姓名居人未改秦衣服居人共住武陵源還從物
外起田園月明松下房櫳靜日出雲中雞犬喧驚聞
俗客爭來集競引還家問都邑平明閭巷埽花開薄
暮漁樵寒水入初因避地去人間更問成仙遂不還
峽裏誰知有人事世中遙望空雲山不疑靈境難聞
見塵心未盡思鄉縣出洞無論隔山水辭家終擬長
游衍自謂經過舊不迷安知峯壑今來變常時只記

入山深青溪幾度到雲林春來遍是桃花水不辨仙
源何處尋

隴西行

十里一走馬五里一揚鞭都護軍書至匈奴圍酒泉
關山正飛雪烽戍斷無煙

早春行

紫梅發初遍黃鳥歌猶澁誰家折楊柳弄春如不及
愛水看粧坐羞人映花立香畏風吹散衣愁露晞濕
玉閨青門裏日落香車入游衍益相思含啼向綵帷
憶君長入夢歸晚更生疑不及紅簷驚雙栖綠草時
洛陽女兒行 時年十八

洛陽女兒對門居，纔可顏容十五餘。良人玉勒乘驄馬，侍女金盤膾鯉魚。畫閣朱樓盡相望，紅桃綠柳垂簷向。羅帷送上七香車，寶扇迎歸九華帳。狂夫富貴在青春，意氣驕奢劇等倫。自憐碧玉親教舞，不惜珊瑚持與人。春窗曙滅九微火，九微片片飛花璫。戲罷曾無理曲時，粧成祇是薰香坐。城中相識盡繁華，日夜經過趙李家。誰憐越女顏如玉，貧賤江頭自浣紗。

少年行四首

新豐美酒斗十千，咸陽遊俠多少年。相逢意氣爲君飲，繫馬高樓垂柳邊。

出身仕漢羽林郎，初隨驃騎戰漁陽。孰知不向邊庭

苦縱死，猶聞俠骨香。

一身能擘兩彫弧，虜騎千重只似無。偏坐金鞍調白羽，紛紛射殺五單于。

漢家君臣歡宴終，高議雲臺論戰功。天子臨軒賜侯印，將軍佩出明光宮。

皇甫岳寫真讚

有道者占其神，則清雙眸。卽暢四氣和平，長江月影太華松聲周而不器，獨也難名。且未婚嫁，猶寄簪纓。燒丹藥，就辟穀，將成雲漢之下法，本無生。

裴右丞寫真讚

澹尔清德，居然素風。氣和容衆，心靜如空。智以窮理。

才包至公大盜振駭群臣困蒙忘身徇節歷險能通
仁者之勇義無失忠疑情取像惟雅則同粉繪不及
清明在躬麟閣之上其誰比崇

白黿渦 雜言走筆

南山之瀑水兮激石瀑瀑似雷驚人相對兮不聞語
聲翻渦跳沫兮蒼苔濕癢老且厚春草爲之不生獸
不敢驚動鳥不敢飛鳴白黿渦濤戲瀨兮委身以縱
橫主人之仁兮不網不釣得遂性以生成

黃雀癡 雜言走筆

黃雀癡黃雀癡謂言青鵲是我兒一一口銜食養得
成毛衣到大喙秋解游颺各自東西南北飛薄暮空

巢上羈雌獨自歸鳳皇九雛亦如此慎莫愁思顛顛
損容輝

贈裴迪 雜言

不相見不相見來久月日泉水頭常憶同攜手攜手
本同心復歎忽分襟相憶今如此相思深不深

榆林群歌

山頭松柏林山下泉聲傷客心千里万里春草色黃
河東流流不息黃龍戍上游俠兒愁逢漢使不相識

問冠校書雙溪 雜言

君家少室西爲復少室東別來幾日今春風新買雙
溪定何以餘生欲寄白雲中

寄崇梵僧 雜言

崇梵僧崇梵僧秋歸覆金春不還落花啼鳥紛紛亂
澗戶山窗寂寂閑峽裏誰知有人事郡中遙望空雲
山

宋進馬哀詞 并序

宋進馬者中書舍人宋公之子也公無弟兄子一而
已交則有擇德亦惟肖忽疾修逝醫不及視宋公哀
之他人悲之故爲詞曰

背春涉夏兮衆木藹以繁陰連金華與玉堂兮宮閣
鬱其沈沈百官並入兮何語笑之亞亞君獨靜嘿以
傷心草王言兮不得辭裁悲減思兮少時僕夫命駕

兮出閭閻歷通達陌上人兮如故識不識兮往來眼
中不見兮吾兒驟紫駟兮從青驪低光垂彩兮況不
知其所之闢朱戶兮望華軒意斯子兮候門忽思痿
兮城南心瞀亂兮重昏仰訴天之不仁兮家唯一身
身止一子何胤嗣之不繁就單斟而又死將清白兮
遺誰問詩禮兮已矣變從中兮不可勝豈暇料餘年
兮復幾日黯黯兮積曄鳥翩翩言疾飛邈窮天兮不
返疑有日兮來歸靜言思兮永絕復號叫兮沾衣客
有弔之者曰觀未始兮有物同委蛻兮胡悲且延陵
兮未至況西河兮不知學無生兮庶可幸能聽於吾
師

翰林學士知制誥王涯

獻壽詞

宮殿參差列九重祥雲瑞氣捧堦濃微臣欲獻唐堯
壽遙指南山對宸龍

遊春詞二首

曲江絲柳變煙條寒谷冰隨暖氣銷纔見春光生綺
陌已聞清樂動雲韶
經過柳陌與桃溪尋逐春光着處迷鳥度時時衝絮
起花繁袞袞壓枝低

愁思二首

綢軒涼吹動輕衣夜聽更長玉漏稀月渡天河光轉

濕鵲驚秋樹葉頻飛

宮連太液見滄波暑氣微消秋意多一夜輕風蘋未
起露珠翻盡蒲池荷

從軍辭

毳頭夜落捷書飛來奏金門看賜衣白馬將軍頻破
敵黃龍戍卒幾時歸

塞下曲二首

辛勤幾出黃花戍迢遞初隨細柳營塞晚每愁殘月
苦邊愁更逐斷蓬驚

年少辭家從殺軍金裝寶劍去邀勳不知馬骨傷寒
水唯見龍城起暮雲

平戎辭二首

太白秋高助後兵長風夜卷虜塵清
男兒解却腰間劍喜見從王道化平

卷旆生風喜氣新
早持龍節靜邊塵
漢家天子圖麟閣
身是當今第一人

贈遠二首

當年只自守空帷
夢見關山覺別離
不見鄉書傳鴈足
唯看新月吐蛾眉

獸攀楊柳臨青閣
閑採芙蓉葉傍碧
潭走馬臺邊人不見
拂雲堆畔戰初酣

閨人春思

愁見遊空百丈絲
春風挽斷更傷離
閑花落盡青苔地
盡日無人誰得知

秋夜曲二首

丁丁漏水夜何長
漫漫輕雲露月光
秋逼暗蟲通夕響
寒衣未寄莫飛霜
桂魄初生秋露微
輕羅已薄未更衣
銀箏夜久殷勤弄
心怯空房不忍歸

太平詞二首

風俗今和厚
君王在穆清
行看採花曲
盡是太平聲
聖德超千古
皇威靜四方
蒼生今息戰
無事覺時長

遊春曲二首

萬樹江邊杏新開一夜風滿園深淺色照在綠波中
上苑何窮樹花開次第新香車與絲騎風靜亦生塵
送春辭

日日人空老年年春更歸相歡在樽酒不用惜花飛
塞上曲二首


天驕遠塞行出鞘寶刀鳴定是酬恩日今朝覺命輕
塞虜常爲敵邊風已報秋平生多志氣箭底覓封侯
從軍辭二首


葵甲從軍久風雲識陣難今朝拜韓信計日斬成安
驚領多奇相狼頭敢犯邊寄言班定遠正是立功年
隴上行

負羽到邊州鳴笳度隴頭雲黃知塞近草白見邊秋
閨人贈遠五首

花明綺陌春柳拂御溝新爲報遼陽客流芳不待人
遠戍功名薄幽閨年久傷粧成對春樹不語淚千行
啼鴛綠樹深語鶯雕梁晚不省出門行沙場知近遠
形影一朝別煙波千里分君看望君處祇是起行雲
洞房今夜月如練復如霜爲照離人恨亭亭到曉光

王摩詰文集卷第一





王摩詰文集

二卷

北宋本

第二冊





王摩詰文集卷第二

書序記文讚

與李侍郎書

與裴秀才迪書

與魏居士書

韋氏逍遙谷讌集序

光師房花藥詩序

送朝監序

送高判官序

送李補闕序

送杜叅軍序

送馮少府序

宴韋司戶南亭序

送鄭五赴任

送從弟惟祥序

送衡嶽瑗公序

冬筍記

讚佛文

西方變畫讚并序

繡如意輪像讚并序



紫芝木瓜讚并序

畫阿彌陀變讚并序

祭李貞外文

祭房郎中文

祭李舍人文

祭武大將軍文

祭牙門姜將軍文

祭王郎中文

與工部李侍郎書

一昨出後伏承令從官將軍騎至陋巷見命恨不得隨使者詣舍下謁才非張載枉傳立以車相迎德謝侯生辱信陵虛左見待士人有此今也未聞所以竦踴惕息通夕不寐維自結髮即枉眷顧侍郎素風維知之矣宿昔貴公子常下交布衣盡禮髦士絕甘分少致醴以飯急急於當世之士常如不及故夙著問

望爲孟嘗平原之儔及乎晚歲時危益見臣節草莽之中乘輿播越列郡或弃車走林畏賊顧望貢獻不至莫有聞心侍郎慨然枕戈泣血奮不顧命得衛隍主楊奉之以兵奉迎蕭何之運糧致饋曹洪之以良馬濟趙衰之以壺飧從收合亡騎繕完弃甲喻以大義慰而勉之然後以劒率卒執戈前驅決辰之間六軍響振以成興復之業豈非侍郎忠節蓋世義貫白日垂名竹帛爲一代宗臣誠可愛也或曰宗子與國同休不得尔也夫仁弱自愛者且奔竄伏匿偷延晷刻窮蹙既至即匹夫匹婦自經於溝瀆安能決命爭首慷慨大節死生以之乎而能不邀寵於上不干功

于下不急邦政不受私謁時與風流儒雅之士置酒
高會吟詠先王遺風脩然有東山之志善矣維雖老
賤沈跡無狀豈不知有忠義之士乎亦常延頸企踵
嚮風慕義無窮也然不敢自列於下執士者以爲賤
貴有倫等威有序以閑人持不急之務朝夕倚門窺
戶抑亦侍郎之所惡也而猥不見遺思曹公命吳質
將何以塞知己之望報厚顧之恩內省空虛流汗而
已輒先馳狀候涼時即躬詣門下奏謝王維頓首

迪山中與裴秀才書

近臘月下景氣和暢故山殊可過足下方溫經猥不
敢相煩輒便獨往山中慙感配寺與山僧飯訖而去

比涉玄灊清月映郭夜登華子岡輞水淪漣與月上
下寒生遠火明滅林外深巷寒犬吠聲如豹社墟夜
春復與疎鍾相聞此時獨坐僮僕靜默多思曩昔攜
手賦詩步仄遙臨清流也當待春中卉木蔓發春山
可望輕條出水白鷗矯翼靈濕青皋麥隴朝雉斯之
不遠儻能從我遊乎非子天機清廟者豈能以此不
急之務相邀然是中有深趣矣無忽因馭黃蘗人往
不二山中人王維白

與魏居士書

足下太師之後世有明德宜其四代五公克復舊業
而佐仲諸昆頃或早世唯有壽光復遭播越幼生弱

姪藐然諸孤布衣徒步降在阜隸足下不忍其親杖策入關降志屈軀託於所知身不衣帛而於六親孝慈終日一飯而以百口爲累攻苦食啖流汗霰霰爲之馳驅僕見足下裂裳毀冕二十餘年山棲谷飲高居深視造次不違於仁舉止必由於道高世之德欲蓋而彰又屬聖主搜揚仄陋束帛加璧被於巖穴相國急賢以副旁求朝聞夕拜片善一能垂章拖組況足下崇德茂緒清節冠世風高於黔婁善卷行獨於石門荷篠朝廷所以超拜右史思其入踐赤墀執牘珥筆羽儀當朝爲天子文明且又祿及其室養昆弟免於負薪晚襲柴門閉於積雪黎牀穿而未起若有

稱職上有致君之盛下有厚俗之化亦何顧影踞步行歌采薇是懷寶迷邦愛身賤物也豈謂足下利鍾釜之祿榮數尺之綬雖方丈盈前而蔬食菜羹雖高門甲第而畢竟空寂人莫不相愛而觀身如聚沫人莫不自厚而視財若浮雲於足下實何有哉聖人知身不足有也故曰欲挈其身而亂大倫知名無所著也故曰欲使如來名聲普聞故離身而返出其身知名空而返不避其名也古之高者曰許由挂瓢於樹風吹瓢惡而去之聞堯讓臨水而洗其耳耳非駐聲之地聲無染耳之跡惡外者垢內病物者自我此尚不能至於曠士豈入道者之門歟降及嵇康亦玄頓纓

狂顧逾思長林而憶豐草頓纓狂顧豈與免受維繫
有異乎長林豐草豈與官署門闌有異乎異見起而
正性隱色事礙而慧用微豈等同虛空無所不遍光
明遍照知見獨存之旨邪此又足下之所知也近有
陶潛不肯把板屈嘗見督郵解印綬弃官去後貧乞
食詩云叩門拙言詞是屢乞而多慙也當一見督郵
安食公田數頃一慙之不忍而終身慙乎此亦人我
攻中忘大守小不其後之累也孔宣父云我則異於
是無可無不可可者適意不可者不適意也君子以
布仁施義活國濟人爲適意縱其道不行亦無意爲
不適意也苟身心相離理事俱如則何仕而不適此

近於不易願足下思可不可之旨以種類俱生無行
作以爲大依無守嘿以爲絕塵以不動爲出世也僕
年俱六十足力不強上不能原本理躰禪補國朝下不
能殖貨聚穀賑施窮窘偷祿自活誠罪人也然才不
出衆德在人下存亡去就如九牛一毛耳實非欲引
尸祝以自助求分謗於高賢也略陳起予惟審圖之
暮春太師丞相諸公於韋氏逍遙谷讌集序

山有姑射人蓋方外海有蓬嬴地非字下逍遙谷天
都近者王官有之不廢大倫存乎小隱跡崆峒而身
拖朱紱朝承明而暮宿青靄故可尚也先天之君俾
人在宥歡心格于上帝喜氣降爲陽春時則有太子

太師徐國公左丞相稷山公右丞相始興公少師宜
陽公少保崔公特進鄧公吏部尚書武都公禮部尚
書杜公賓客王公黼衣方領垂璫珥筆詔有不名命
無下拜熙天工者坐而論道典邦教者官司其方相
察天地之和人神之泰聽於朝則雅頌矣問於野則
賡歌矣乃曰猗哉至理之代也吾徒可以酒合讌樂
考擊鍾鼓退於彤庭選辰擇地右班劍駿六駟畫輪
載轂羽鍾先路以詣夫逍遙焉神臯藉其綠草遠啓
於朱戶渭之美竹魯之嘉樹雲出其博水源於室瀨
陵下連乎菜地新豐半入於家林館層巔檻側趣師
古節儉惟新丹堊巖谷先曙羲和不能信其時丹木

後春勾芒不能一其令花遙窈窕衛臯漣荷驂御延
佇於叢薄珮玉升降於蒼翠於是外僕告次獸人獻
鮮搏以大疊烹用五鼎木器擁腫即天姿以為飾沼
毛蘋蘩在山羞而可薦伶人在位曼姬始穀齊瑟慷
慨於座右趙舞徘徊於白雲袞旒松風珠翠煙露日
在蒙汜群山夕嵐猶有濯纓清歌據梧高詠與松喬
為伍是羲皇上人且三代之後而其君帝舜九服之
內而其俗華胥上客則冠冕巢由主人則弟兄元愷
合是四美同乎一時廢而不書罪在司禮竊賢楚傳
常詣茅堂之居仰謝右軍忽序蘭亭之事蓋不獲命
豈曰賢能

薦福寺光師房花藥詩序

心舍於有無眼界於色空皆幻也離亦幻也至人者
不捨幻而過於色空有無之際故目可塵也而心未
始同心不世也而身未嘗物物方酌我於無眼之域
亦已殆矣上人順強陽之動與勞侶而作在雙樹之
道場以衆花爲佛事天上海外異卉奇藥齊諧未識
伯益未知者地始載於茲人始聞於我瓊蕤滋蔓侵
迴階而欲上寶庭盡蕪當露井而不合群豔耀日衆
香同風開敷次第連九冬之月種類若干多四天所
而至用楊枝已開貝葉高閣聞鍾外堂觀佛右繞七
匝卻坐一面則流芳忽起雜英亂飛焚香不俟於旃

檀散花奚取於優鉢漆園傲吏著書以拂稗爲言蓮
座大仙說法開藥草之品道無不在物何足忘故歌
之詠之者吾愈見其嘿也

送朝監還日本國序

舜見群后有苗不格禹會諸侯防風後至動于戚之
舞興斧鉞之誅然貢九牧之金始頒五瑞之玉我開
元天地大寶聖文神武應道皇帝大道之行先天布
化乾元廣運涵育無垠苦垂爲東道之標計勝爲西
門之候豈甘心於坏枚非微貢於苞茅亦由呼韓來
朝舍於蒲陶之館卑弭遣使報以蛟龍之錦犧牲玉
帛以將厚意服食器用不寶遠物百神受職五老告

期况乎載駸舍齒不稽顙屈膝海東國曰本爲大服
聖人之訓有君子之風正朔本乎夏時衣裳同乎漢
制歷歲方達繼舊好於人滔天無涯貢方物於天子
同儀加等位在王侯之先掌次改觀不居蠻夷之邸
我無尔詐尔無我虞彼以好來廢開弛禁止數文教
虛至實歸故人民雜居往來如市朝司馬結駟遊聖
負笈辭親問禮於老聃學詩於子夏魯借車馬孔丘
遂適於宗周鄭獻縞衣季扎始通於上國名成大學
官至客卿必齊之妻不歸娶於高國在楚猶晉亦何
獨於由餘遊官三年願以君羹遺母不居一國欲其
畫錦還鄉莊舄既顯而思歸關羽報恩而終去於是

地首北闕裏足東轉籃命賜之衣懷劬問之評金蘭
玉字傳道經於絡域之人方鼎彝樽致分器於異姓
之國琅邪臺上迴望龍門碣石館前復然鳥逝鯨魚
噴浪則方里倒迴鷁首乘雲則八風卻走扶桑若齊
鬱島如萍沃白日而歟三山浮蒼蒼天而吞九域黃雀
之風動地黑蜃之氣成雲祿不知其所之何相思之
可寄嘻去帝鄉之故舊謁本朝之君臣詠七子之詩
佩兩國之印布我王度諭彼蕃臣三寸猶存樂毅辭
燕而未老十年在外信陵歸魏而逾尊子其行乎餘
贈言者

送高判官從軍赴西河序

今上合大道以撫流外振長策以馭宇內故左言返踵穿骨沸膺騰白波驟輸碧砮之貢腹阻赤坂傳致紫琥之琛辯髮名王養馬於下廐椎結去帝獻珠於小臣而大戎不識罽角自大偷安也服之外謂天誅宰及自絕所國之後而王祭不供天子按劍謀臣切齒思以赤山爲城青海爲塹盡平其地悉虜其人而上將有哥舒大夫者名蓋四方身長八尺眼如紫石稜鬚如蝟毛磔拍撫而百蠻不守叱咤而萬人俱廢縣歸奮髯孝吼如虎裂背大怒磨牙欲吞不待成師固將身先士卒常思盡敵不以賊遺君父矢集曰窟劍斬天驕疏崑崙使西倒縛呼韓令北面豈直趙

人祭其東門匈奴不敢南牧而已開府之月辟書始下以爲踴躍用兵健將之事意氣跨馬俠少之態蓋欲謀夫起子哲士俾我殲黠虜以無類舉外國如拾遺待夷門而不食置廣武於上座始得我高子焉高子讀書五車運籌百勝慷慨謀議折天口之是非指畫山川知地形之要害嘗著七發曹王慕義每奏一篇漢文稱善緣情之製獨步當時主人橫挑而有餘墨客仰攻而不下公卿藉甚遍交歡於五侯孫吳暗合將建功於萬里徵以露版召見甘泉衣短後之衣帶櫛具之劍象弧服鞭弭橐鞬目無先零氣射西旅蒼頭宿將持漢節以臨戎白面書生坐胡牀而破

賊然孤烽遠戍黃雲千里嚴城落日而閉鐵騎升山
而出胡笳咽於塞下畫角發於軍中亦可悲也遲子
之獻凱雲臺奏事宣室紫綬曳地金印如斗列居東
第位爲通侯舊友拜塵群公書幣祁大夫老矣武安
侯問乎

送李補闕充河西支度營田判官序

漢張右極以備左衽西遮空道北護居延然天戎夜
獵於山外匈奴射鵰於塞下歲或有之我散騎常侍
曰王公勇能盡敵禮可用兵讀黃石書殺白馬將人
備顧問載以乘輿副車出命專征賜以內棧文馬將
軍幕府請命介於本朝天子瑣闥輟諫官以從士補

闕李公家世龍門詞場虎步五經在笥一言蔽詩廣
屯田之蓄度長府之羨以瞻邊人以弱敵國然後馳
檄識匿略地崑崙使麾下騎刃樓闌之腹發外國兵
繫郅支之頸五單于遁逃于漠北遺種羗不近于隴
上子之行也不謂是乎拜首漢庭驅傳而出窮塞沙
磧而西樂黃河混茫而東注胡風動地朔鴈成行拔
劍登車慷慨而別

送懷州杜叅軍赴京選集序

國自有初以節守西門者得自召吏選客故我常侍
崔公以貳車迎杜改於杜陵而咨之矣舍之門下衣
儒者之服立於軍中說諸侯之劍倚元帥之理也行

有貴育鐵馬成群而雄戟罕耀角弓載囊秉王者師
不邀奇功樓庭藉甚高冠長劍拜命雲臺在是行也
群公自出轅門驂駢滿路置酒欲飲高歌自懷寂寞
孤城惆悵胡管飛雪蔽野長河始水吾子勉之慷慨
而別

送鄆州須昌馮少府赴任序

少年明經試出補吏學通七義政習前典本之於德
輔之以才大官大邑可也不惟是歟子告任魯蓋嘗之
鄆書社万室帶以魚山濟水旗亭千隧雅以鄭唐周
客有鄆人之風以厚俗有汶陽之田以富農齊統在
司河魴登俎一都會也子其不寶貨不耽樂不弄法

不慢官無侮老成人無虐孤與幼上官奏課輶軒以
聞則繡衣方領垂璫珥筆子所得也誰敢有之子病
且憊歲晚弥獨窮巷衡門落日秋草趙服過我且東
其轅促飯中厨子不可以蔬食送車出郭吾不可以
徒行屨以及門拜於宇下猶且抱杖延頸送之以目
城迴樹轉悲其馬嘶云

洛陽鄭少府與兩省遺補宴韋司戶南亭序

惟帝克辟惟股肱克左右庶績允釐有司多暇舉無
違德孰獻其可雖列侍丹陛而罕伏青蒲懷致館瀨
陵南望四江左轉登一級而鄆杜如近盡三休而天
地始大凝氣向晦蒼蒼寒木式與汝歌多酌我酒墨

客既序親當獸炭膳夫交馳屢奏鮮食夫含德之厚
與時偕化拂衣爲放則野人於小隱之中束帶而朝
則君子於大夫之後何軌轍一境是非外物哉且驕
有羈繼徒有吹舍可以永日可以繼夜客非詩人之
徒歟奚其嘿也

送鄭五赴任新都序

邠人前京兆右扶風居上谷間與寢園接七月之什
蕩無遺風五陵之豪雜居其地故有點吏惡少犯命
干紀政寬則以茲病人操急則以事中吏鄭子爲邑
也絃歌之化洋溢四封雷霆之威燁赫百里下車按
捕盡致法焉繡衣不惟風俗之治苟以文墨抵罪除

名爲人削跡于野杜陵解印時賣故侯之瓜彭澤無
官詎有公田之黍牽衣肘見步雪履穿獲戾由忠是
貧非病屬聖朝龍旂鑾輅登封告成之事畢蒼玉黃
琮郊天祀地之禮備天下無事海內乂安盡登仁壽
之域猶下哀憐之詔萬方有罪與之更新百寮失職
使復其位降邑宰爲輿尉從館墨而解褐龍星始見
馬首欲西搢紳先生居多結友諸曹列署且有同時工
部侍郎蕭公詞幹之宗德義之府弱年筮仕一命聯
官於奉常幾日左遷六人同罪於外郡簞金盛業克
傳承指文儒萬石高風弥重故人賓客賦詩寵別贈
言誠行騎登棧道館于板屋劔門中斷蜀國滿於二

川銅梁下臨巴江入於萬井鸛黃欲語夏木成陰悲
哉此時相送千里

送從弟惟祥宰海陵序

天子若曰咨尔三事百辟冠賊茲宄震驚朕師其舉
吏二千石至墨綬予將大命於朝以撫方夏群從曰
惟祥舊有令聞克衣成焉往踐乃職無恫于人獄貨
非寶農食滋頌浮于淮泗浩然天波油潮唾於乾坤
江城入於泱泱彼有美錦尔嘗操刀學古入官倚法
爲吏上官奏課國將大選尔勞勉哉行乎唱子和汝
送衡嶽瑗公南歸詩序

衡嶽瑗上人者學道於五峯陰松棲雲與狼虎雜處

得無所得矣天寶癸巳歲始遊于長安手提瓶笠至
自萬里宴居吐論緇屬高之初給事中房公謫居宜
春與上人風吐相接因爲道友伏明往來房公既海
內盛名上人亦以此增價秋九月杖錫南返扣門來
別秦地草木撼然已黃蒼梧白雲不日而見滄陽有
曹溪學者爲我謝之

冬筍記

會心者行會行者祥故行藏於密而祥發於外欲人
不知不可得也夫孝於人爲和德其應爲陽氣筍陽
物也而以陰出斯其効歟重冰開運密雪滔天而綠
籜包生不日盈尺公之家執德底人仗義藩國忘身

於王室不家於朱戶公世載盛德人文冠冕人天姿
大賢庭訓括羽之曰諸季式亦克用訓我尔身也共
被為踈禮底身焉禦侮無所花萼韓韓爛其盈門兄
弟怡怡穆然映女且孝有上和下睦之難尊賢容衆
之難厚人薄己之難自家刑國之難加行之以忠信
又之以禮樂斯其大者遠者况承順顏色乎况溫清
枕蓆乎如是故天高聽卑神鑒孔明不然荀彧為出
哉視諸故府則昔之人亦以孝致斯瑞也

讚佛文

竊以真如妙宰具十方而無成涅槃至功滿四生而
不度故無邊天照不照得空有之深萬法偕行無行

為滿足之地惟茲化佛即具三身不捨凡夫本無五
蘊實藉津梁法相脫落塵容始於度門漸於空舍然
後金剛道後為三界大師玉毫光相得一生補處左
散騎常侍攝御史中丞崔公第十五娘子於多劫來
植衆德本於般若力生菩提家舍哺則外軍羶勝衣
而片珠翠教從半字便會聖言戲則翦花而為佛事
常侍公頃以入朝天闕上簡帝心雖功在於生人深
辭拜命賴賞延於愛女密啓出家白法宿修紫書方
降即令某月日劄對三世諸佛十方賢聖稽首合掌
奉詔落髮久清三業素成菩提之心新下雙轡如見
如來之頂綺襦方解樹神獻無價之衣香飯當消天

王持衆寶之鉢惟娘子舍諸珍寶塗彼成香在微塵
中見億佛刹如獻珠須臾六神通伏願以度人設齋
功德上奉皇帝聖壽無量記椿樹以爲年土宇無垠
包蓮花而爲界又用莊嚴常侍公出爲法將入拜台
臣身在百官中尊心超十地之上夫人以文殊智本
是法王在普賢心長爲佛母即君娘子等住誠性爲
孝順用德爲道場將遍衆生之慈迥同一子之想又
願普同法界盡及有情共此勝因俱登聖果

西方變書讚并序

法身無對非東西也淨土無所離空有也若依佛慧
既洗垢於六塵未捨法求猷如幻於三有故大雄以

不思議力開方便門我子猶疑未認寶藏商人既倦
且息化城究竟達於無生因地從於有相西方淨土
變者左常侍攝御史中丞崔公夫人李氏奉爲亡考
故某官中祥之所作也夫人門爲士族之先道爲梵
行之首大師繼踵望塵而理印命婦盈朝聞風而素
履心王自在萬有皆如頂法真空一乘不立以示見
故菩薩爲勝變夫人同解脫因夫人女讚維摩長者
陟岵何至哀哀繞經順有漏法泣血以居念罔極思
滅性非報唯茲十乃所護豈與百身之贖不寶纓絡
資於繪素圖極樂國象無上樂法王安詳聖衆圍繞
湛然不動疑過於往來寂尔無聞若離於言說林分

寶欄七重遶於香城衣捧天花六時散於金地迦陵
欲語曼陀未落衆善普會諸相具美於是竭誠稽首
墮涕焚香願玄功德以備梯航得彼佛身常以慈悲
爲女存乎法性還在菩提之家偈曰
稽首十方大導師能於一法見多法以種種相導群
生其心本來無所動稽首無邊法性海功德無量不
思義於已不色等無導不住有無亦不捨我今深達
真實空知此色相體清淨願以西方爲道首往生極
樂性自在

繡如意輪像讚并序

寂等於空非心量尋如則不動離意識界實無所住

常遍群生不捨有爲懸超萬行法性如是豈可說邪
如意輪者觀世音菩薩陀羅尼三昧門現方便於幻
眼六臂色身以究竟爲佛心體真相隨念即誰乃無
繡之慈應度而來斯不共之力衆生如意菩薩何心
崇敬寺尼無疑道登等貴族出家梵筵上首久積淨
業三世皆空長在道場一乘自立亡兄故河南少尹
雖明世典深達實相以不二法處於百官花萼相連
恩深女弟旃檀舊繞塋絕仁兄雖曰如夢無寧爽我
煩惱性淨示有同凡之悲菩提路空強爲助道之相
選妓惟絜底功加斲針鋒線縷日就月將五粒相宣
千光欲發金蓮捧足寶珠垂髫原夫審像於淨心成

形於纖手珊瑚掌內疑現不動如來頻婆口中同乎
無法可說焚香讚嘆散花瞻仰有情苦業滅而不生
無土法輪轉而恒寂願以此福冥用莊嚴乃為偈曰

菩薩神力不思議

能以一身遍一切

常轉法輪無所轉

衆生隨念得解脫

色即是空非空有

是故以色像觀音

願以淨斯六趣福

迴向過去不可得

為相國王公紫芝木瓜讚并序

孝悌之至通於神明天為之降和地為之嘉植發書
占之推理可得何者人心本於元氣元氣被於造物
心善者氣應氣應者物美故呈祥於魚鳥或發揮於

草木示神明之陰騭與天地之嘉會今中書侍郎相
公先生左丞府君沈潛上德遐尚絕軌江海潏沔嬰
孩杏壇高門長軌隱几含素蓋鳳皇之高逝薄龍虎
之逶迤積有淳德誕敷餘慶而我相公生而英姿河
目海口量與太素而無端倪應會神速動若發括事
遣理盡澹然虛空亦猶太清雲無處所重玄之旨達
而有餘奧大白之明漫而不及理文可以經邦訓俗
武可以保大定功故天子咨之以布元化昔者高堂
德聞扇枕無所歐血長號禮不能制其哭泣之度終
身巨痛時無以加其霜露之惕攻苦食啖寢苦枕塊
淚少於血骨餘於形風泪起而裂其心烏悲鳴而感

哭俄而紫芝生棟菜成仙人之蓋色奪齊侯之衣又有木瓜在林味苦楚王之萍大如安期之棗枯木無生物之理而有護滋蔓時果有常形之分而碩大殊亢鄰里駭之郡縣聞之公泣而不敢言州司遽表以獻或曰因心而致人之祥也或曰率土所生國之瑞也有識君子曰至孝所感物為人之祥大賢佐時人為國之瑞二物者雖感曩時之純至亦符今日之崇高也公尤不敢當歸美加今上以為震位先非孝德動天至乾元二年乃書圖以進詔報曰紫芝者延壽之徵也木瓜者投報之應也蓋至誠所感有開必先朕與卿道契雲龍義同水石位崇台衮寄重股肱故

得嘉瑞荐臻靈物昭格君臣同德區宇克寧覽其進圖可為嘉應請宣付史館若既光史策亦藏書府讚紫芝三秀則生於梁木瓜一實其大盈筐嘉應荐至其故何祥哀哀孝思漣漣泣血終身致毀每慟將絕雲為徘徊風為慘切依仁據德移孝為忠經自盡理任心便公其道橐籥虛而不窮公位先非聖人斯觀賜以詔書藏之秘府邦家之光哀榮終古

給事中竇紹為亡弟故駙馬都尉於孝義寺

浮圖書西方阿彌陀變讚并序

易曰遊魂為變傳曰魂氣則無不之固知神明更生矣輔之以道則變為妙身之於樂十大覺曰聖離妄

摩言二
曰性克脩其業以正其命得無法者即六塵爲淨域
繫有祖者憑十念以往生西方變者給事中竇紹劼
爲二弟故駙馬都尉某官之所書也天理之愛加入
數等悲讓侯而無所痛殞身而莫贖傾無長之工不
平分於我生將厚貲於泉路尚茲繪事滌彼染業寶
樹成列金砂自映迦陵欲曼陀末落墜此中年登乎
上品池蓮寶座將踰棠棣之榮水鳥法音當悟鵲鳩
之力得曰生因妄念沒有遺識憑化而遷轉身不息
將免六趣唯茲十力哀此仁兄友于後生不知世界
畢意經營傍熏獲悟自性當成

爲楊郎中祭李貞外文

維載月日朔行尚書司勳郎中賜緋魚袋楊玄璋等
謹以清酌少牢之奠敬祭于故左司貞外郎李公之
靈嗚呼大朴難名大辯若訥治兮無兆汎然隨物直
而好學敏以從事行隱於寡言文成於沈酣澡身浴
德唯仁與義讀書甚解作賦弼工麗詞秀務奧義立
通記言西掖起草南宮第五將姪伏波事嫂食先與
甘衣必讓好口嘗其糲身席於藁結友一言同官一
日徇我朋好忘其身恤豈惟攜手亦將加膝明明天
子惟賢異思恨馮唐之已老喜相如之同時罷利書
於虎觀將載筆於鳳池嗚呼病時六啓卧內一訣痛
乾坤而忽窮嘆古今而長絕永言此首返葬東周何

夫子之適去同衆人之若休歷千門而行哭動九陌而增愁馬悲鳴而笳咽雲寡色而風秋玄璋等或結髮舊遊比肩同列悲薤歌之首路哀柳車之就輓嗟無見而空來痛不知而成別嗚呼哀哉尚饗

祭兵部房郎中文

爲人作

維載月日朔某官某乙謹以酒脯之奠敬祭于故兵部郎中房公之靈嗚呼君子之才周而不器苟求行道未嘗私身沈靜好謀話言必雅往歲穀貴關輔阻飢眷命自天發廩以賑中朝乏使屬之鄙夫不敢自賢請子爲介匹夫嫠婦黃口之孤鍾釜之施罔不必當舉無弃粒野有頌聲國家馭兵革苦徵戍大召浮

食以靖國之單車諭旨萬里窮殲西度赤坂館於烏孫形勞者病神勞則天弃成功於末路未復命而言謝死不廢命忠也尸而加紼寵也我盥而撫子瞑受含求何得仁而誰不死玉關之下素車威遲愁雲晝聚白雪春下絳旌從風車徒行哭至上京而不駐將返葬於關東河活活而東注天慘慘而悲風道路猶長子實途窮人世如舊子實成空我有旨酒以歆以餞想像明德獻敬出涕尚饗

爲人祭李舍人文

年月日某以茶藥之奠祭于故舍人李公之靈嗚呼見人多矣未有如子生於德門長於貴里名高江夏

之童顏奪河陽之美行比曾顏才兼文史含恣輕肥仰
偃紉綺惡如涕唾弃如塵滓比布衣以同年甘蔬食而
沒齒嗚呼深入度門高居道源獨一靜處寂嘿無言待
草誠之真性歸化光之法尊曠無淨染頓離塵根豈
期昨日分首別離未久万法皆空一生何有無餘涅
槃應無所受無漏智慧斯為不朽子以凡情哀哀其
後世相謂然道心斯醜敢不從俗子其無言尚饗

為王侍郎祭沙陁鄯國夫人

維年月日朔河西節度使左散騎常侍王公遣總管
石抱玉以酒牢之奠致祭于故沙陁鄯國夫人之靈
嗚呼惟此叔德降于異域至性不師天姿靡飾禮容

詎假於環珮工藝非因於組織行閨訓於穹廬成母
儀於蕃國欽此清範夫人之則沙陁令門外家之力
嗚呼大人歸命于戈遂寢子孫扞城國家高柳居之
右地革其左衽散辮垂鬟解裘衣錦嗚呼降年不永
遠日方臨寂矣高堂飲珠含玉哀哉貴女刃面摧心
嗚呼聖朝命我護此諸蕃夫人所出天子加恩能守
漢制不効夷言馬無北首車必南轅教義所及忠信
彌敦寶嘉內訓用絜斯樽尚饗

為羽林將軍祭武大將軍文

維年月日將軍某等謹以清酌少牢之奠祭于故大
將軍武公之靈嗚呼武公命代出群氣蓋朔方勇冠

六軍生長下國聲聞上天天子壯之命居北門北門
伊何國之重寄羽林孤兒旄頭突騎因不畢勸爲之
元帥帝在紫微與君爲衛身怕被堅手不捨鏡出乘
天駟入虛東弟同官爲僚出入五官顧我軍制凜然
遺風一日之長萬夫之雄身雖有極德不可窮嗚呼
門館蒼黃風景悽涼攬馬悲鳴角弓不張弔客接武
哭聲滿堂嗚呼凡人有喪匍匐斯救況我武侯屢及
其靈盟而撫之嗟王當受敢不嗣事如公之舊尚饗
爲崔常侍祭牙門姜將軍文


維大唐開元二十五年歲次丁丑十一月辛未朔四
日甲戌左散騎常侍河西節度副大使攝御史中丞


崔公致祭于故姜公之靈嗚呼天子命之建旗西門
帶甲十萬鐵騎雲屯橫挑強胡飲馬河源嗟尔勇健
表爲牙門牙門伊何全齊大族四方有事葬死鳴轂前
有血刃後有飛鏃其氣益振大呼馳逐翩翩白馬象
孤雕服戈春其喉矢誌其目嗚呼天不無事今上好
文尔有餘勇莫敢邀勲腰鞬白首蹉跎塞雲死於裨
將誰統前軍家本秦人靈車東騖長天積雪邊城欲
暮麾下行哭前旌抗路身有寶劍不佩而去轅有代
馬悲鳴踟顧嗚呼我誠車吏令送尔歸旣素我服亦
朱其衣黠虜未滅壯士長辭牢醴以祭太息歔歔尚饗
爲兵部祭庫部王郎中文

惟公弘量碩德寡言敏行直而能婉和不競以儒
墨爲鋒鏑在顏冉之季孟白雲刑官繡衣使者時無
冤人路多避馬既踐文昌來同武庫與翟車之高足
爲鳳池之先路豈其位薄德崇才遠途窮拜命之時
初一朝於北闕移疾于外不再入於南宮嗚呼哀挽
悲笳寒天踈靈宅不卜地祔於故塋豕無餘財歛以
時服弟難會葬兒未及哭其幾護而奠遣唯甥姪與
姻族某嘗同官實喜良友仰德弥高立言不朽居常
接膝未忍分手况永訣兮無期向空筵而灑酒尚饗
爲人祭其官文

惟公碩德弘量抱義戴仁早離我見常守吾真朝稱
端士世謂淳人夏官之職惟賢是寄既節五官兼選
騎士宿衛扶城必由茲地速應爲敏平分是責決遣
先馳曹無留事嗚呼積善無慶寢疾弥留唐肆求馬
夜壑藏舟深悟約境獨與道遊死而不忘魂兮若休
嗚呼某等何幸得備官屬泰然若春溫兮如玉去德
何永事生何促五情如喪百身不贖苟薦醴牢哀哀
慟哭尚饗







王摩詰文集

三卷

四卷

北宋本

第三冊



王摩詰文集卷第三

表狀

賀古樂器表

賀玄元皇帝見真容表

賀神兵表

為崔常侍謝賜物表

謝除太子表

謝集賢學士表

為畫人謝賜表

為人謝寫真表

謝御書額表

為人進注人王經表

為薛使君謝表

為謝御題塔額表

門下起赦書表

責躬薦弟表

請施莊為寺表

請上佛殿樑表

帝皇龜鏡圖兩卷進狀



請迴粟施貧人粥狀

兵部起請露布文

謝弟新授常侍狀

賀古樂器表

臣某言伏見今月七日中書門下勅牒道士申太芝奏稱伏奉恩旨令臣往名山修功德去六月二十日於南海葛洪居處至誠祈請中夜恍惚見一老人云是茅山羅浮神人常於七曜洞來往昔曾九疑山於桂陽石室中藏天樂一部歲月久遠變為五野猪彼郡百姓捉獲汝可往取獻皇帝每祈祭但依方安置奏之即五音自和天仙百神應聲降福所求必遂壽命延長臣奉神言即往桂陽尋問百姓云天寶二載

村人常見有五野猪逐之便走入石室就裏尋覓化為古物五枚衆共驚異臣取以扣之音律相和與神人言不異今將奉進者臣聞陰陽不測之謂神變化無方之謂聖唯神與聖感而遂通伏惟

開元天寶聖文神武應道皇帝陛下居皇建之極中得混成之大道奉先天之聖祖玄化協於無為育率土之群生至仁侔於陰陽然猶精意不倦聖祀逾崇遍禮群仙思祐九服故得老眉皓髮遥同入昴之人真訣玄言來告馭風之客棲身七曜以俟唐堯截樂九疑不傳虞舜留兹石室思獻玉墀憑野豕以呈形表洞仙之屬意且神物思變古亦有之龍躍平津實

爲寶劍鳬飛葉縣空餘素履器非上品人纔下仙猶能精誠聿修神變浚若况殊庭致貺天老効祥願授至尊以享上帝亦旣考擊動諧律呂韶護勲其九奏雲咸失其八音翠鳳入於洞簫殊非雅韻朱露傳於鼗鼓敢比仙聲天地同和神祇降福無窮之壽永撫寶圖無疆之休以康庶績實由至德斯感大道玄通神人親告於休徵靈仙不祕其空樂稽之古昔實未見聞臣等限以留司不獲隨例拊舞不任踴躍喜慶之至

賀玄元皇帝見真容表

臣某言伏見中書門下奏上黨郡奏啓聖宮聖祖大

道玄元皇帝玉石真容主上聖容今月十五日三元齋開光明其日戊戌後道士陳希王等十三人同朝禮見殿內有光非常照曜及開殿門其光弥盛滿堂如晝久之方散其時檢校官及押官等皆共瞻覩者臣聞仙祖行化真氣臨關聖人降生祥光滿室固知仙聖必有景光伏惟

開元天地大寶聖文神武應道皇帝陛下大道爲心上元同體扶風雲之質尙想猶龍寫日月之儀欽承大象仍迴舊邸以奉清都真容聖容旣明四日照殿照室忽類三光藥宮自明初謂上天無夜桂殿如晝還疑就日而朝琪樹韜華瑤池奪映實由陛下弘敷

本際大啓玄宗明君潤色於真源聖祖和光於帝載
表文明之社御六合以清知臨照之無疆億載多慶
臣等限以留司不獲隨例拊舞無任踴躍喜慶之至
賀神兵助取石堡城表

臣某等言伏奉中書門下牒伏見絳郡太平縣百姓
王英杞狀稱去載七月於萬春鄉界頻見聖祖空中
有言曰我以神兵助取石堡城當時具經郡縣陳說
並有文狀申奏訖今載正月又於舊處再見云我昔
於梓州威洞造一龕尊像在獨坐山東北公成山左
側年代已遠其處傾陷像在土中可報吾孫令人往
取斯乃蒼生之福國祚無疆者近奉進止差一直省

往彼求覓昨見梓潼郡奏稱去年某月二十六日郡
縣官吏并道士父老百姓等一千餘人與直省李萬
德依此尋求其日諸山盡皆晴朗唯公成山上雲霧
暗合遍尋不知所在遂結壇齋戒祈請經宿至二十
七日辰時有五色雲見於霧合之處遂即分人子細
尋覓乃見山半腹有少土傾廽其上竹樹非常蒙密
并見一石角出土一寸便穿掘深三尺已來乃是一
石龕龕中有尊像一左右真人六并師子崑崙各二
遂以水洗沃儀相儼然事實吐符並如真誥其石龕
重大非人力所能運轉今於龕上造屋宇便差精誠
道士三人專修香火供養謹畫圖奉進者臣聞立德

外聞與至降監必錫靈貺彰厥有成不祕祥符昭其克享伏惟

開元天地大寶聖文神武應道皇帝陛下以道理國以奇用兵先天而法自然終日不離輜重故得仙君居九霄之上屢降中州聖祖在千古之前還臨後葉視之不見者今見聽之不聞者今聞仍勅神兵以助王旅天下力士潛結鸛鵒星釁雲旗暗充貔虎遂殲逆命之虜果屠難拔之城加以言必有徵德無不報指尊像之所在爲寶祚之休徵周流六虛言於晉而驗於蜀混成一氣出於有而入於無未達齋心初迷三里之霧旣符真氣俄成五色之雲山腹洞開仙容

儼若萬物今覩千劫未逢昔河啓錄圖山輸玄女尚謂得天之助藏爲受命之符况真誥人聞聖容神造照臨下士不住大羅之天保佑群生爰居小有之洞實感明主縮地而來豈比漢時棄空而去元后欽崇之福遠至邇安聖祖昭報之心天長地久臣等限以留司不獲隨例抃舞不勝踴躍喜慶之至

爲崔常侍謝賜物表

臣某言惣管關劄之至奉九月十五日勅吐蕃贊普公正信物金胡瓶等七事伏蒙恩旨特以賜臣捧戴慙惶以抃以躍臣幸居無事待罪西門恭守嘉謨欽承成憲王師不戰無用兵之勞堯俗可封何理人之

有實無異効特降殊恩竊用勤以忘家忠不顧命分
毫草野以報萬一無任感戴戰越之至

謝除太子中允表

臣某稽首言伏奉某月日制除臣太子中允詔出宸衷
恩過望表捧戴惶懼不知所裁臣聞食君之祿死君
之難當逆胡干紀上皇出宮臣進不得從行退不能
自殺情雖可察罪不容誅伏惟

元天文武至聖皇帝陛下孝德動天聖功冠古復宗
社於墜地救塗炭於橫流少康不及君親光武出於
支庶今上皇返正陛下御乾歷數前王曾無比德萬
靈抃躍六合歡康仍開祝網之恩必免臣釁鼓之戮

投書削罪端在立朝穢汙殘體死滅餘氣伏謁明主
豈不自媿於心仰廁勲臣亦復何施其面蹈天內省
無地自容且政化之源刑當為急陷身凶虜尚沐官
榮陳力興王將何寵異况臣夙有誠願伏願陛下中
興逆賊殄滅臣即出家修道極其精勤庶裨萬一頃
者身方待罪國未書刑若慕龍象之儔是避魑魅之
地所以鉗口不敢助心今聖澤含弘天波昭洗朝容
罪人食祿必招屈法之嫌臣得奉佛報恩自寬不死
之痛謹詣鉗臺門冒死陳請以聞無任惶恐戰越之
至

謝集賢學士表

朝議大夫試太子中允臣維稽首言伏奉今月十八日勅令臣充集賢殿學士擢及無能恩加非望忤躍慙懼不知所裁且謂之集賢非賢莫集固當宣其五德列在四科逖聽衆推方紆聖鑒臣抽毫作賦非古詩之流挾策讀書無專經之業伏惟陛下文思超明哲之后書契踰畫卦之君龜圖不能比其詞龍甲不足究其義問相如在蜀畏不同時徵枚乘於齊惜其已老急賢之旨欲賜追鋒如臣不才豈宜濫吹將何以編次漆簡刊定石經東堂則詩將招不成之罰北面待詔必無善對之才以榮爲憂席寵知懼無任感恩踴躍戰越之至謹詣延英門陳謝以聞

爲畫人謝賜表

臣某言臣猥以賤伎得備衆工誤點屏風之成蠅之巧偶持團扇無事特之能徒以職官不敢貳事顧惟時論有慙三絕伏惟皇帝陛下撥亂反正受命中興俯協龜圖傍觀鳥跡卦因於畫畫始生書知微知章惟聖體聖臣奉詔旨令寫功臣運偶鳳翔之初無非鷹揚之士鵠鵠援臂裂袂奮髯衝鵠冠力舉龍鼎骨風猛毅眸子分明皆就筆端別生身外傳神寫照雖非巧心審象求形或皆暗識妖虫無枉敢顧黃金取捨惟精時憑白粉且如曰碑下泣知其孝思于禁懷慙媿此忠節乃無聲之箴頌亦何賤於丹青宣父

之似臯繇元子之類越石不待或人之說無煩故妓之言此又一奇誠為可尚臣得紙筆麟閣繼踵虎頭類蒙獎教之恩益用精誠自勵勤以補拙雖未仙飛感而遂通實因聖訓况賜衣服累問官資中使相望屢加宣慰微臣戰灼無荅恩私之至

為曹將軍謝寫真表

臣某言天幸微臣身逢大聖得為列卒以備戎行於臣一生已為萬足況建旗為將裂組受官蒙推食之恩辱賜衣之寵匹夫之勇雖不顧身長策無聞未能盡敵仰慙介冑俯愧橐鞬加以弓不重於六鈞箭不穿於七札詐申雀目誠慙後臂似劉琨而恨小非關

羽之絕倫何以廁跡虎臣儀形麟閣伏惟皇帝陛下昭格天地懸超七十二家微臣託附風雲不如二十八將而蒙垂聖旨特命圖工盡植戟之黃鸞圖石稜之紫色才如過隙顧侯已得其神不待臨淄鄒子自知其醜豈可藏之祕府以示後人將謂飛龍之時無侯如貌之士寵過其効力不稱恩願死藝於伏弋誓殺身於鳴轂無任感激欣戴之至

謝御書集賢院額表

臣某言伏奉今月某日聖禮題集賢殿御書院額捧戴抃舞不知所裁竊以先聖微言前王令典所以典行禮義訓正人倫頃羯胡兇頑不識經籍恣行毀裂

有甚焚燒伏惟陛下御極統天功成理定愍其墜簡
旁搜古壁發求書之使置寫書之官於是九流百家
韋編緇帙爛然虎觀盛彼鴻都加以親重儒門將為
教首俯題金榜自運銀鈎龍鳳翔於煙雲日月照於
天地曾無以論誰敢強名況乎方丈之書七分入木
仲將虛為白首羲之狂在墨池將使率土之人知陛
下寵茲書府晉天之下敦陛下敦彼儒風政化之源
實始於此臣今忝編次漆簡刊校石經載光載輝誠
歡誠喜

為幹和尚進注仁王經表

沙門惠幹言法離言說了言說即解脫者終日可言

法無名相知名相即真如者何嘗壞相實際以無際
可示無生以不生相傳非夫自得性空密印心地見
聞自在宗說皆通者何以證玉毫之光辨金口之義
伏惟乾元光天皇帝陛下高登十地降撫九天弘濟
群生濡蓮花之足示行世法屈金粟之身心淨超禪
頂法懸解廣釋門之六度包儒行之五常老僧空空
復何語語以無見之見不言之言淺智勝疑水之虫
微戒愈溺泥之象以自覺離念注先聖微言如麻何
足盡思食木偶然成字豈堪上塵慧眼仰稱聖心有
命自天藏拙無地伏以集解仁王般若經十卷謹隨
表奉進無任慙惶然本注經先發大願釋第一義開

不二門與四十九僧離一百八句六時禪誦三載懇
祈俾廓妖氛得瞻慧日三千世界悉奉仁王五千善
神常衛樂土令果盪定無量安寧緇服蒼生不勝慶
躍

爲薛使君謝婺州刺史表

臣某言伏奉今月日制除臣某官拜命若驚稽首無
地臣聞洪波退流必盪其溷穢慶雲所潤不遺於荆
棘伏惟陛下孝悌之至通於神明馨香之德格於天
地故指旗而黑祲旋靜揮戈而白刃中豈臣虫僻鼠
肝所能談天述聖臣之本末強欲自陳擢髮數罪臣
戮餘也剖心自明天知足矣臣素書生少爲文吏折

衝禦侮幾何不亡奉法守文一日之長當賊逼溫洛
兵接河潼拜臣陝州催臣上道驅馬才至長圍已合未
暇施力旋復陷城戟枝刺頭刀環築口身關木索縛
就虎狼臣實驚狂自恨驚怯脫身雖則無計自刃有
何不可而折節兇頑偷生廁溷縱齒盤水之釵未消
臣惡空題墓門之石豈解臣悲令於抱釁之中寄以
分憂之重且天兵討賊曾無汗馬之勞天命興王得
返屠羊之肆免其釁鼓之戮仍聞祝網之恩臣縱粉
骨糜軀不報萬分之一況褰帷露冕是去歲之縲囚
洗垢滌瑕爲聖朝之岳牧臣欲殺身滅媿刎首謝恩
生無益於一毛死何異於腐鼠謹當閉閣以思政酌

泉以勵心親畢力於平人無煩八部誓不負於明主
非畏四知用釋愆誅敢求課最

為舜閣梨謝御題大通大照和上塔額表

沙門僧某等言伏蒙聖禮題二大師塔額及度僧抽
僧等並畢伏喜天心俯從人欲恩光至重抃舞難勝
臣聞聖者正也住正法者為聖人佛者覺也得覺蒲
者入佛慧伏惟光天皇帝陛下登滿足地超究竟天
入三解脫門過九次第定見聞自在不住無為理事
皆如終非有漏復皇圖而馭宇尊白法以教人百穀
順成六氣時若不加兵而賊破不擾物以人和緇侶
勝緣蒼生厚幸昨蒙書額度僧等龍騰金榜鳳轉銀

鈎河漢照回煙雲飛動韋誕恥其遺法梁鵠慙為古
人降出天門外於寶塔玉繩綴於重級珠斗挂於露
盤以方宸翰實多慙德又宿修梵行願在法流者覆
以慙媿之衣落其煩惱之髮異成寶器仁王為琢玉
之因廣運佛心聖主受恒沙之祐沙門等叨承禪訓
幸偶昌期御札賜書足報本師之德梵筵邀福願酬
大聖之恩不勝戴荷之至

門下起赦書表

伏奉制書如右好生之德洽于人心奉天之時以行
春令體元作則惟聖則成伏惟乾元大聖皇帝陛下
道疑庶績功深廣運極孝敬於至誠致雍和於允穆

狹其祝網陋彼盡衣寧失不經況乎輕繫大赦戮餘之罪益寬流宥之典人謂無冤何如捨而不問殺而有禮豈若至於無刑加以親減庶羞無祭肺之膳下除冗食贍糊口之人買犢設藏彼無歸之骨歲取畝收本乎盡徹之稅巨猾止於一惡貧人免於十夫思折券者寬其暴征嘗書勲者貫其宿負導德齊禮成其有恥之心悔咎思愆開其自新之路道之一變將使比屋可封守在四夷庶夫外戶不閉風俗忠厚禮讓興行六府孔修萬代永賴臣等忝居門下不任鳬藻并躍之至

責躬薦弟表

臣維稽首言臣年老力衰心昏眼暗自料涯分其能幾何久竊天官每慙尸素湏又沒於逆賊不能殺身負國偷生以至今日陛下矜其愚弱託病彼囚不賜疵瑕累遷省閣昭失罪累免負惡名在於微臣百生萬足昔在賊地泣血自思一日得見聖朝即願出家修道及奉明主伏戀仁恩貪冒官榮荏苒歲月不知止足尚忝簪裾始願屢達私心自各臣聞用不才之士才臣不來賞無功之人功臣不勸有國大體為政本源非敢議論他人竊以兄弟自比臣弟蜀州刺史縉本原五年撫養百姓盡心為國竭力守城臣即陷在賊中苟且延命臣忠不如弟一也縉前後歷任所

在著聲臣忝職其多曾無裨益臣政不如第二也臣
項負累繫在三司縉上表祈哀請代臣罪臣之於縉
一無憂伶臣義不如第三也縉之判策屢登甲科衆
推才名素在臣上小言淺學不足謂文臣才不如弟
四也縉言不忤物無不上人植性謙和執心平直臣
無度量實自空疎臣德不如第五也臣之五短羞之
五長加以有功又能爲政顧臣謬官華省而弟遠守
方州外媿妨賢內慙比義痛心疾首以日爲年臣又
逼近懸車朝暮入地闐然孤獨迥無子孫弟之與臣
更相爲命兩人又俱白首一別恐隔黃泉僅得同居
相視而沒泯滅之際魂魄有依伏乞盡削臣官放歸

田里賜弟散職今在朝廷臣當苦行齋心弟自竭誠
盡節並願肝腦塗地隕越爲期葵藿之心庶知向日
大馬之意何足動天不勝私情懇迫之至

請施莊爲寺表

臣維稽首臣聞罔極之恩豈有能報終天不返何堪
永思然要欲強有所爲自寬其痛釋教有崇聞功德
弘濟幽冥臣亡母故博陵縣君崔氏師事六照禪師
三十餘歲褐衣蔬食持戒安禪樂住山林志求寂靜
臣遂於藍田縣營山居一所草堂精舍竹林果園並
是亡親宴坐之餘經行之所臣往丁凶讞寡當即發心
願爲伽藍永劫追福比雖未敢陳請終日常積懇誠

又屬元聖中興群生受福臣至庸朽得備周行無以謝生將何荅施願獻如天之壽長為率土之君唯佛之力可憑施寺之心轉切効微塵於大地固先國而後家敢以鳥鼠私情冒觸天聽伏乞施此莊為一小寺兼望抽諸寺名行僧十人精勤禪誦齋戒住持上報聖恩下酬慈愛無任懇款之至

為僧等請上佛殿樑表

僧某言天地之大未滿法身紺殿朱宮豈云光宅陛下尊崇像教大捨外財白法利人黃金布地不役一人之力不費一家之產崇崇寶坊雲構將畢所營其寺以某月日上佛殿樑伏望天恩內賜一傘庶使大

千世界悉入蓋中六合人天共歸宇下然後以無昇慧大化群物將使四生皆度豈唯比屋可封則中天之臺才留幻士盡雲之觀徒俟神人以古況今前王何陋謹詣右銀臺門奉表陳請以聞

奉勅詳帝皇龜鏡圖狀

帝皇龜鏡圖兩卷令簡擇訖進狀

右某官宣口勅語看可否者臣愚何足以知謹與某等議竊以名為帝皇圖者蓋龜可以卜也鏡可以照也以前代帝王行事善惡以卜後代以前代帝王行事善惡以照後代可以知盛衰興亡故其行事似堯舜者必盛似湯武者必興似秦皇漢武者必衰似夏

禁彫紂者必滅如卜之必知如照之必見故謂之龜鏡圖伏如所示之圖謂之自古帝皇圖即可矣謂之龜鏡圖伏恐稍乖名實又多不出於正經或取諸子之說又取曹植飛龍篇摯虞庖犧讚等是一時文章之語非正經本傳之事至如堯之茅茨不翦土階三尺就之如日望之如雲舜之逐竄四凶舉十六族臣歌九德君撫五弦等善事夏桀之瑤臺瓊室彫紂之肉林酒池等惡事蓋盡如此之類乃成龜鏡之圖至於伏犧生時伏犧之墓女媧賜化搏土爲人如此之流豈爲龜鏡若記帝皇之事摠載無妨若爲龜鏡之圖恐須簡擇又論元氣已後其圖以重太初與太始無

殊有形與有質不異易之乾元通利貞即未有物者乾之始也乾者元之體也元者乾之用也上猶道家言道生一一生二二生三三生萬物又近佛經八識是清淨無所有第八識即合藏一切種子第六識即分別成五陰十八界此圖從元氣已下名曰稍多臣識用愚淺不知忌諱敢率鄙見無任戰越伏惟聖心裁擇謹狀

請迴前任一司職田粟施貧人粥狀

右臣比見道路之上凍餒之人朝尚呻吟暮填溝壑陛下聖慈怜愍者公粥施之頃年已來多有全濟至仁之德感動上天故得年穀頗登逆賊皆滅報施之

應福祐昭然臣前任中書舍人給事中兩任職田並合交納近奉恩勅不許併請望將一司職田迴與施粥之所於國家不減數粒在窮窘或得再生庶以上福聖躬永弘寶祚仍望令劉晏分付所由訖具數奏聞如聖恩允許請降墨勅

兵部起請露布文

天地之心無不覆載鳥鼠之性自私巢穴國家非徒疆理其地臣妾其人思欲一車書混聲教變毒螫之俗爲禮義之鄉伏惟皇帝陛下大道先天至德冠古武功則我有七德文教則舞干兩階億兆廣堯封之時郡縣加禹服之外而犬戎小醜蝸角偷安動搖遠

邊遮漢使之路脇從小國絕蕃臣之禮四鎮節度使高仙芝等虔奉聖策肅將天誅因識之且憎尋勃律之舊好暨諸胡國悉會王師万里風馳六軍電掃氈裘之長思嚮風以無階毳幕之人唯塗地而可獲遂通重譯罔不來庭實賴聖謀曷惟帝力無攻不克百蠻皆墮於計中無遠不賓萬方若在於宇下臣等不勝喜慶之至

謝弟縉新授左散騎常侍狀

右臣之兄弟皆迫桑榆每至一別恐難再見匪躬之節誠不顧家臨老之年實悲遠道陛下均平布政中外遞遷尚錄前勞仍收舊齒使備顧問載珥貂蝉超

侍玉墀從容璫闥不材之衣跼蹐聯芳斷行之鴈飛
鳴接翼當天之命特出宸衷塗地之心難酬聖造不
勝戴荷踴躍之至

王摩詰文集卷第三



王摩詰文集卷第四

應制 應教 唱和 訓荅

奉和 聖製慶玄元皇帝玉像之作應制

明君夢帝先寶命上齊天秦后徒聞樂周王耻卜年
玉京移大像金籙會群仙承露調天供臨空敞御筵
斗迴迎壽酒山近起爐煙願奉無爲化齊心學自然
奉和 聖製從蓬萊向興慶閣道中留春雨
中春望之作應制

渭水自縈秦塞曲黃山舊遶漢宮斜鑿輿迴出仙門
柳閣道迴看上苑花雲裏帝城雙鳳闕雨中春樹萬
人家爲乘陽氣行時令不是宸遊重物華

奉和 聖製與太子諸王三月三日龍池春
楔應制

故事修春楔新宮展豫遊明君移鳳輦太子出龍樓
賦掩陳王作盃如洛水流金人來捧劍畫鷁去迴舟
苑樹浮宮闕天池照冕旒宸章在雲漢垂象滿皇州

奉和 聖製上巳於望春亭觀楔飲應制

長樂青門外宜春小苑東樓開万户上輦過百花中
畫鷁移仙妓余昭列上公清歌邀落日妙舞向春風
渭水明秦甸黃山入漢宮君王來被楔灞漣亦朝宗
奉和 聖製幸王霄公主山莊因題石壁十
韻之作應制

碧落風煙外瑤臺道路賒如何連帝苑別自有仙家
此地迴鑾駕緣溪轉翠華洞中開日月窻裏發雲霞
庭養冲天鶴溪留二漢查種田生白玉泥竈化丹砂
谷靜泉逾響山深日易斜銜羹和石髓香飯進胡麻
大道今無外長生詎有涯還瞻九霄上來往五雲車

奉和 聖製登降聖觀與宰臣等同望應制

鳳袞朝碧落龍圖耀金鏡維岳降二臣戴天臨萬姓
山川八校蒲井邑三農竟比屋皆可封誰家不相慶
林疎遠村出野曠寒山靜帝城雲裏深渭水天邊映
喜氣含風景頌聲溢歌詠端拱能任賢弼彰聖君聖
奉和 聖製御春明樓臨右相園亭賦樂賢

詩應制

複道通長樂青門上坦路遙聞鳳吹喧
閣識龍輿度褰旒明四日伏檻紆三顧
小苑接侯家飛甍映宮樹商山原上碧
漣水林端素銀漢下天章瓊筵承湛露
將非富人寵信以平戎故從來簡帝心
詎得迴天步

奉和

聖製暮春送朝集使歸郡應制

方國仰宗周衣冠拜冕旒王乘迎大客
金節送諸侯袒席傾三省褰帷向九州
楊花飛上路槐色蔭通溝來預鈞天樂
歸分漢主憂宸章類河漢垂象滿中州

奉和

聖製送不蒙都護兼鴻臚卿歸安西

應制

上卿增命服都護揚歸旆雜虜盡朝周
諸胡皆自鄩鳴笳澣海曲安節陽關外
落日下河源寒山靜秋塞万方氛祲息
六合軋坤大無物是天心天心同覆載

三月三日曲江侍宴應制

萬乘親齊祭千官喜豫遊奉迎從上苑
袂褱向中流草樹連容衛山河對冕旒
畫旗搖浦淑春服滿汀洲仙樂龍媒下
神臯鳳蹕留從今億萬歲天寶紹春秋

奉和

聖製十五夜燃燈繼以醺宴應制

上路笙歌滿春城漏刻長遊人多晝日
明月讓燈光魚鑰通翔鳳龍輿出建章
九衢陳廣樂百福透名香伸效來金殿
都人遶玉堂定應偷妙舞從此學新粧

奉引迎三事司儀列万方願將天地壽同以獻君王
奉和 聖製重陽節宰臣及群官上壽應制
四海方無事三秋大有年百生逸此日萬壽願齊天
芍藥如金鼎茱萸插玳筵玉堂開右个天樂動宮懸
御柳踈秋景城鴟拂曙煙無窮菊節長奉和梁篇
奉和 聖製賜史供奉曲江宴應制
侍從有鄒枚瓊筵就水開言陪柏梁宴新下建章來
對酒山河蒲移舟草樹迴天文同麗日駐景惜行盃
三月三日勤政樓侍宴應制
綵仗連霄合瓊樓拂曙通年光三月裏宮殿百花中
不數秦王日誰將洛水同酒筵嫌落絮舞袖怯春風

天保無爲德人歡不戰功仍臨九衢宴更達四門聰
大同殿生玉芝龍池上有慶雲百官共覩聖
恩便賜宴樂敢書即事

欲笑周文歌宴鎬遙輕漢武樂橫汾豈如玉殿生三
秀詎有銅池出五雲陌上堯樽傾北斗樓前舜樂動
南薰共歡天意同人意萬歲千秋奉聖君

勅賜百官櫻桃 時爲文部郎中

芙蓉闕下會千官紫禁朱櫻出上蘭纔是寢園春薦
後非關御苑鳥銜殘歸鞍競帶青絲籠中使頻傾赤
玉盤飽食不須愁內熱太宮還有蔗漿寒

和前

右補闕崔興宗

未央朝謁正逶迤天上櫻桃錫此時朱實初傳九華
殿繁花舊雜万年枝全勝晏子江南橘莫比潘家大
谷梨聞道令人好顏色神農本草自應知

奉和 聖製天長節賜宰臣歌應制

太陽升兮照万方開闔闔兮臨玉堂儼冕旒兮垂衣
裳金天淨兮麗三光彤庭曙兮延八荒德合天兮禮
神遍靈芝生兮慶雲見唐堯后兮稷卨臣匝宇宙兮
華胥人盡九服兮皆四鄰軋降瑞兮坤獻珍

奉和 聖製聖扎賜宰臣連珠詞五首應制
時爲庫部員外

臣聞大明馭寓天地同符間氣佐時君臣協德故干

年聖主唐帝撫其實圖七德諸侯周公爲之元老
臣聞有其才者効其職重其任者竭其能故樂播大
風乃能調四氣身騎列宿於是運三光

臣聞先天不違德合於上事君盡力功濟於下故君
臣同體於大道庶人以康億兆宅心於至仁万邦乃
固

臣聞形之端者影必隨焉聲之善者響必應焉故偃
武修文皇天降之善氣薄賦省役后土報以豐年
蓋聞宣至理者文懸之於日月表聖言者字動之以
煙雲故虞舜作歌徒施於典策伏羲書卦未類於昭
回

勅借岐王九成宮避暑應教

帝子遠辭丹鳳闕
天書遙借翠微宮
隔窗雲霧生衣上
卷幔山泉入鏡中
林下水聲喧語笑
巖間樹色隱房櫳
仙家未必能勝此
何事吹笙向碧空

從岐王過楊氏別業應教

楊子談經所
淮王載酒過
興闌啼鳥換
坐久落花多
逕轉迴銀燭
林開散玉珂
嚴城時未啓
前路擁笙歌

從岐王夜讌衛家山池應教

座客香貂滿
宮娃綺幔張
澗花輕粉色
山月少燈光
積翠紗窓暗
飛泉繡戶涼
還將歌舞出
歸路莫愁長

和尹諫議史館山池

雲館接天居
霓裳侍玉除
春池百子外
芳樹万年餘
洞有仙人錄
山藏太史書
君恩深漢帝
且莫上空虛

和陳監四郎秋雨中思從弟據

嫋嫋秋風動
淒淒煙雨繁
聲連鵲觀色
暗鳳皇原
細柳疎高閣
輕槐落洞門
九衢行欲斷
萬井寂無喧
忽有愁霖唱
更陳多露言
平原思令弟
康樂謝賢昆
逸興方三接
衰顏強七奔
相如今老病
歸守茂陵園

和僕射晉公扈從溫湯 時爲右補闕

天子幸新豐
旌旗渭水東
寒山天仗裏
溫谷幔城中
奠玉群仙座
焚香太一宮
出遊逢牧馬
罷獵有非熊
上宰無爲化
明持太古同
靈芝三秀紫
陳粟萬箱紅

王禮尊儒教天兵小戰功謀猷歸哲匠詞賦屬文宗
司諫方無闕陳詩且未工長吟吉甫頌朝夕仰清風
和宋中丞夏日遊福賢觀天長寺 即陳左
相宅所施之作

已相殷王國空餘尚父溪釣磯開月殿築道出雲梯
積水浮香象深山鳴白雞虛空陳妓樂衣服製虹霓
墨點三千界丹飛六一泥排源勿遽返再訪恐君迷
和賈舍人早朝大明宮之作

絳幘雞人送曉籌尚衣方進翠雲裘九天閭闔開宮
殿萬國衣冠拜冕旒日色絕臨仙掌動香煙欲傍袞
龍浮朝罷須裁五色詔珮聲歸向鳳池頭

瓜園詩 并序

維瓜園高齋俯視南山形勝二三時輩同賦是詩兼
命詞英數公同用園字爲韻韻任多少時太子司議
郎薛璩發此題遂同諸公云

余適欲鋤瓜倚鋤聽叩門鳴騶導驄馬常從夾朱軒
窮巷正傳呼故人儻相存攜手追涼風放心望乾坤
藹藹帝王州宮觀一何繁林端出綺道殿頂搖華幡
素懷在青山若值白雲屯迴風城西雨返景原上村
前酌盈樽酒往往聞清言黃鸝轉深木朱槿照中園
猶羨松下客石上聞清猿

同崔傳荅賢弟

洛陽才子姑蘇客桂苑殊非故鄉陌九江楓樹幾回
青一片楊州五湖白楊州時有下江兵蘭陵鎮前吹
笛聲夜火人歸當春郭秋風鶴唳石頭城周郎陸弟
爲儔侶對舞前溪歌白紵曲机書留小史家草堂基
賭山陰墅衣冠若話外臺臣先數夫君席上珍更聞
臺閣求三語遙想風流第一人

同崔員外秋霄寓直

建禮高秋夜承明候曉過九門寒漏徹万井曙鍾多
月迫藏珠斗雲消出絳河更慙衰朽質南陌共鳴珂
同比部楊員外十五夜遊有懷靜者季雜言
承明少休沐建禮省文書夜漏行人息歸鞍落日餘

置知三五夕万户千門闕夜出曙翻歸傾城滿南陌
陌頭馳騁盡繁華王孫公子五侯家由來月明如白
日共道春燈勝百花聊看侍中千餘騎強識小婦七
香車香車寶馬共喧闐箇裏多情俠少年競向長楊
柳市北肯過精舍竹林前獨有仙郎心寂寞却將宴
坐爲行樂儻覺忘懷共往來幸霑同舍甘藜藿

沈十四拾遺新竹生讀經處同諸公之作

閑居日清靜脩竹自檀欒嫩節留餘籜新叢出舊欄
細枝風響亂疎影月光寒樂府裁龍笛漁家伐釣竿
何如道門裏青翠拂仙壇

同盧拾遺章給事東山別業二十韻給事首

春休沐維已陪遊及乎是行亦預聞命會無
車馬不果斯諾

託身侍雲陛昧早趨華軒遂陪鵷鴻侶霄漢同飛翻
君子垂惠顧期我於田園側聞景龍際親降南面尊
万乘駐山外順風祈一言高陽多變龍荆山積璵璠
盛德啓前烈大賢鍾後昆侍郎文昌宮給事東掖垣
謁帝俱來下冠蓋盈立樊閨風首邦族庭訓延鄉村
菜地包山河樹井貢川原巖端迴綺檻谷口開朱門
階下群峯首雲中瀑水源鳴玉滿春山列筵先朝暎
會舞何颯踏擊鍾弥朝昏是時陽和節清晝猶未暄
藹藹樹色深嚶嚶鳥聲繁顧已負宿諾延頸慙芳蓀

蹇步守窮巷高駕難攀援素是獨徃客脫冠情弥敦
和使君五郎西樓望遠思歸

高樓望所思目極情未畢枕上見千里窓中窺万室
悠悠長路人曖曖遠郊日惆悵極浦外迢遞孤煙出
能賦属上才思歸同下秩故鄉不可見雲水空如一
和太常韋主簿五郎温湯寓目

漢主離宮接露臺秦川一半夕陽開青山盡是朱旗
繞碧澗翻從玉殿來新豐樹裏行人度小苑城邊獵
騎迴聞道甘泉能獻賦懸知獨有子雲才

奉和楊駙馬六郎秋夜即事

高樓月似霜秋夜鬱金堂對坐彈盧女同看舞鳳皇

少兒多送酒小玉更焚香結束平陽騎明朝入建章
訓諸公見過 四言時官未出在輞川座

嗟余未喪哀此孤生屑居藍田薄地躬耕歲晏輸稅
以奉粢盛晨往東皇草露未晞暮看煙火魚擔來歸
我聞有客足掃荆扉簞食伊何副孤孤棗仰厠羣賢
皤然一老愧無莞蕘班荆席豪汎汎登陂折枝作花
淨觀素鮪俯映白沙山鳥羣飛日隱輕霞登車上馬
倏忽雨散雀噪荒村雞鳴空館還復幽獨重歎累歎
訓虞部蘇負外遇藍田別業不見留之作

貧居依谷口喬木帶荒村石路枉迴駕山家誰候門
漁舟膠凍浦獵犬繞寒原唯有白雲外踈鍾聞夜猿

訓比部楊負外暮宿琴臺朝躋書閣率尔見
贈之作

舊簡拂塵看鳴琴候月彈桃源迷漢姓松樹有秦官
空谷歸人少青山背日寒羨君棲隱處遙望白雲端
苑舍人能書梵字兼達梵音皆曲盡其妙戲
爲之贈

名儒待詔滿公車才子爲郎典石渠蓮花法藏心懸
悟貝葉經文手自書梵詞共許勝楊馬梵字何人辨
魯魚故舊相望在三事願君莫厭承明廬

苑咸荅并序

王負外兄以予嘗學天竺書有戲題見贈然王兄當

代詩匠又精禪理狂採知音形於雅作輒走筆以訓
焉且久未遷因而嘲及一

蓮花梵字本從天華省仙郎早悟禪三點成伊猶有
想一觀如幻自忘筌爲文已變當時體入用還推間
氣賢應同羅漢無名欲故作馮唐老歲年

重訓苑郎中

并序

時爲庫部員外

頃輒奉贈忽枉見訓叙末云且久不遷因而嘲及詩
落句云應同羅漢無名欲故作馮唐老歲年亦解嘲
之類也

何幸含香奉

至尊多慙未報主人恩草木盡能酬

雨露榮枯安敢問乾坤仙郎有意憐同舍丞相無私

斷掃門楊子解嘲徒自遣馮唐已老復何論

訓郭給事 七言

洞門高閣霽餘輝桃李陰陰柳絮飛禁裏疏鐘官舍
晚省中啼鳥吏人稀晨搖玉珮趨金殿名奉天書拜
瑣闥強欲從君無那老將因卧病解朝衣

訓嚴少尹徐舍人見過不遇

公門暇日少窮巷故人稀偶值乘藍輦非關避白衣
不知炊黍否誰解掃荆扉君但傾茶碗無妨騎馬歸
慕容承携素饌見過

紗帽烏皮几閑居嬾賦詩門看五柳識年筭六身知
靈壽君王賜彫胡弟子炊空勞酒食饌持底解人歸

訓慕容十一

行行西陌返駙憶文車公挾轂雙官騎應門五尺僮
若思如塞北強起離牆東爲報壺丘子來人道姓蒙
訓張少府

晚年惟好靜万事不關心自顧無長策空知返舊林
松風吹解帶山月照彈琴苦問窮通理漁歌入浦深
喜祖三至留宿

門前洛陽客下馬拂征衣不枉故人駕平生多掩扉
行人返深巷積雪帶餘暉早歲同袍者高車何處歸
祖詠答

四年不相見相見復何爲握手言未畢却令傷別離

升堂還駐馬酌醴便呼兒語默自相對安用傍人知

訓黎居士浙川作 曇壁上人院走筆成

儂家真个去公定隨儂否著處是蓮花無心變楊柳
松龕藏藥裏石唇安茶臼氣味當共知那能不攜手
訓賀四贈葛巾之作

野巾傳惠好茲貺重兼金嘉此幽栖物能齊隱吏心
早朝方慙挂晚末復來簪坐覺躡塵遠思君共入林
故人張諶工詩善易卜兼能丹青草隸頃以
詩見贈聊獲訓之

不逐城東遊俠兒隱囊紗帽坐彈碁蜀中夫子時開
卦洛下書生解詠詩藥欄花逕衡門裏時復據梧聊

隱几屏風誤點惑孫郎團扇草書輕內史故園高枕
度三春永日垂帷絕四鄰自想蔡邕今已老更將書
籍與何人

荅張五弟 雜言

終南有茅屋前對終南山終年無客長閉關終日無
心長自閑不妨飲酒復垂釣君但能來相往還


輞口遇雨憶終南山因獻絕句 裴迪


積雨晦空曲平沙滅浮彩輞水去悠悠南山復何在

荅裴迪

淅淅寒流廣蒼蒼秋雨晦君門終南山心知白雲外

王摩詰文集卷第四





王摩詰文集

五卷

六卷

北宋本

第四冊





王摩詰文集卷第五

雜詩



奉寄韋太守陟

荒城自蕭索
万里山河空
天高秋日迥
嘹唳聞歸鴻
寒塘映衰草
高館落疎桐
臨此歲方晏
顧景詠悲翁
故人不可見
寂寞平陵東

林園即事寄舍弟統

寓目一蕭散
消憂冀俄頃
青草肅澄陂
白雲移翠嶺
後沔通河渭
前山包鄢郢
松含風裏聲
花對池中影
地多齊后瘠
人帶荆州癭
徒思赤筆書
詎有丹砂井
心悲常欲絕
賤亂不能整
青簞日何長
閑門晝方靜



顏思茅簷下弥傷好風景

寄河上段十六

與君相見即相親聞道君家在孟津爲見行舟試借
問客中時有洛陽人

寄荊州張丞相

所思竟何在悵望深荆門舉世無相識終身思舊恩
方將與農圃藝植老丘園目盡南無鳥何由寄一言
山中寄諸弟妹

山中多法侶禪誦自爲羣城郭遙相望唯應見白雲
聞裴秀才迪吟詩因戲贈

猿吟一何苦愁朝復悲夕莫作巫峽聲腸斷秋江客

旣蒙宥罪旋復拜官伏感聖恩竊書鄙意兼
奉簡新除使君等諸公

忽蒙漢詔還冠冕始覺新王解網羅日比皇朝猶自
暗天齊聖壽未太多花迎喜氣皆知笑鳥識歡心亦
解歌聞道日城新佩印還來雙闕共鳴珂

贈從弟司庫貞外綵

少年識事淺強學干名利徒聞躍馬年苦無出人智
即事豈徒言累官非不試旣寡遂性歡恐招負時累
清冬見遠山積雪疑蒼翠皓然出東林發我遺世意
惠連素清賞夙語塵外事欲緩携手期流年一何駛
座上走筆贈薛璩慕容損

希世無高節絕跡有卑棲君徒視人文吾固和天倪
緬然万物始及與群牧齊分地依后稷用天信重黎
春風向豫人令我思東溪草色有佳意花枝稍含萼
更待風景好與君藉萋萋

贈李頎

聞君餌丹砂甚有好顏色不知從今去幾持生羽翼
王母翳華芝望尔崑崙側文螭從赤豹万里走方息
悲哉世上人甘此羶腥食

贈劉藍田

離中大迎吠出屋候柴扉歲晏輸井稅山村人夜歸
晚田始家食餘布成我衣誰肯無公事煩君問是非

贈房盧氏琯

達人無不可忘已愛蒼生豈復少十室絃歌在兩楹
浮人日已歸但坐事農耕桑榆鬱相望星里夕雞鳴
秋山一何淨蒼翠臨寒城視事兼偃卧對書不簪纓
蕭條人吏疎鳥雀下空庭鄙夫心所尚晚節異平生
將從海岳居守靜解天刑或可累安邑茅茨君試營

贈祖三詠 濟州官舍作

蟪蛄挂虛牖蟋蟀鳴前除歲晏涼風至君子復何如
高館閒無人離居不可道閑門寂已閉落日照秋草
誰有近音信千里阻河關中復客汝潁去年歸舊山
結交二十載不得一日展貧病子旣深契闊余不淺

摩詰五
三
仲秋雖未歸暮秋以爲期良會詎幾日終日長相思
輞川閑居贈裴秀才迪

寒山轉蒼翠秋水日潺湲倚杖柴門外臨風聽暮蟬
渡頭餘落日墟里上孤煙復值接輿醉狂歌五柳前
春夜竹亭贈錢少府歸藍田

夜靜群動息時聞隔林犬却憶山中時人家澗西遠
羨君明發去采薇輕軒冕

訓前

錢起

山月隨客來主人興不淺今宵竹林下誰覺花源遠
惆悵曙鸞啼孤雲還絕巘

贈東岳焦練師

先生千歲餘五岳遍曾居遙識齊侯鼎新過王母廬
不能師孔墨何事問長沮玉管時來鳳銅盤即釣魚
竦身空裏語明日夜中書自有還丹術時論太素初
頻蒙露版詔時降軟輪車山靜泉逾響松高枝轉踈
支頤問樵客出山復何如

贈韋穆十八

與君青眼客共有白雲心不向東山去日暮春草深
戲贈張五弟諶三首時在常樂東園走筆成
吾弟東山時心尚一何遠日高猶自卧鍾動始能飯
領上髮未梳牀頭書不卷清川與悠悠空林對偃蹇
青苔石上淨細草松下軟窓外鳥聲閑啗前虎心善

徒然万象多澹尔天虚緬一知與物平自顧爲人淺
對君忽自得浮念不煩遣

張弟五車書讀書仍隱居深翰過草聖賦詩輕子虛
閉門一室下隱几十年餘宛是野人野時從漁父漁
秋風日蕭索五柳高且踈望此去人出渡水向吾廬
歲晏同攜手只應君與予

設置守篋兒垂鈎伺游鱗此是安口腹非關慕隱倫
吾生好清靜蔬食去情塵今子方豪蕩思爲鼎食人
我家南山下動息自遺身入鳥不相亂見獸皆相親
雲霞成伴侶虛白侍衣巾何事湏夫子邀子谷口真

贈裴旻將軍

嘗聞寶劒七星文臂上瑀弓百戰勲見說雲中擒點
虜始知天上有將軍

贈焦道士

海上遊三島淮南預八公坐知千里外跳向一壺中
縮地朝珠闕行天使玉童飲人聊割酒送客乍分風
天老能行氣吾師不養空謝君徒雀躍無可問鵝鴻

贈吳官

長安客舍熱如煮無箇茗藤難御暑空搖白團其諦
苦欲向縹囊還歸旅江鄉鯖鮓不寄來秦人湯餅那
堪許不如農家任挑達草屨鰲鰕富春渚

冬晚對雪憶胡居士家

寒更傳曉碧清鏡覽衰顏隔隔風驚竹開門雪蒲山
灑空深巷靜積素廣庭閑借問素安舍脩然尚閉關
至滑州隔河望黎陽憶丁三寓

隔河見桑柘藹藹黎陽川望望行漸遠孤峯沒雲煙
故人不可見河水復悠然賴有政聲遠時聞行路傳
秋夜獨坐懷內弟崔興宗

夜靜群動息蟋蟀聲悠悠庭槐北風響日夕方高秋
思子整羽翰及時當雲浮吾生將白首歲晏思滄州
高足在旦暮肯爲南畝儔

雲中憶李梅 雜言

積雪滿阡陌故人不可期長安千門復萬戶何處蹊

踈黃金羈

胡居士卧病遺米因贈

了觀四大因根性何所有妄計苟不生是身孰休咎
色聲何謂客蔭界復誰守徒言蓮花目豈惡楊枝肘
既飽香積飯不醉聲聞酒有無斷常見生滅幻夢受
即病即實相超空定狂走無有一法真無有一法垢
居上素通達隨宜善斗擲牀上無氈卧鐺中有粥否
齋時不乞食定應空漱口聊持數斗米且救浮生取

贈裴十迪

風景日夕佳與君賦新詩澹然望遠空如意方支頤
春風動百草蘭蕙生我雛暖曖日暖閨田家來致詞

欣欣春還皇淡淡水生陂桃李雖未開萸萸滿芳枝
請君理還策敢告將農時

酌酒與裴迪

酌酒與君君自寬人情醺覆似波瀾白首相知猶按
劍朱門先達笑彈冠草色全經細雨濕花枝欲動春
風寒世事浮雲何足問不如高卧且加餐

與胡居士皆病寄此詩兼示學人二首

一興微塵念橫有朝露身如是觀蔭界何方置我人
凝有固為主趣空寧捨賓洗心詎懸解悟道正迷津
因愛果生病從貪始覺貧色聲非彼妄浮幻即吾真
四達竟何遣万殊安可塵胡生但高枕寂寞與誰鄰

戰勝不謀食理齊甘負薪予若未始異詎論疎與親
浮空徒漫漫汎有定悠悠無乘及乘者所謂智人舟
詎捨貧病域不疲生死流無煩君喻馬任以我爲牛
植福詞迦葉求仁笑孔丘何津不鼓棹何路不摧輶
念此聞思者胡爲多阻脩空虛花聚散煩惱樹稀稠
滅想成無記生心坐有求降吳復歸蜀不到莫相尤
九月九日憶山東兄弟 時年十七

獨在異鄉爲異客每逢嘉節倍思親遙知兄弟登高
處遍插茱萸少一人

華岳

西岳出浮雲積翠在太清連天疑黛色百里遙青冥

白日爲之寒森沈華陰城昔聞乾坤開變化生巨靈
右足踏方山左手推削成天地忽開折大河注東溟
遂爲西峙岳雄雄鎮秦京大君包覆載至德被群生
上帝佇昭告金天思奉迎人祇望幸久何獨禪云亭
藍田山石門精舍

落日山水好漾舟信歸風玩奇不覺遠因以緣源窮
遙愛雲木秀初疑路不同安知清流轉偶與前山通
捨舟理輕策果然愜所適老僧四五人逍遙蔭松折
朝梵休未曙夜禪山更寂道心及牧童世士文惟必
暝宿長林下焚香卧瑤席澗芳襲人衣山月映石壁
再尋畏迷誤明發更登歷笑謝桃源人花紅復來覲

一古澗風吹人衣

山居秋暝

空山新雨後天氣晚來秋明月松間照清泉石上流
竹喧歸浣女蓮動下漁舟隨意春芳歇王孫自可留

青溪

言入黃花川每逐青溪水隨山將萬轉趣途無百里
聲喧亂石中色靜深松裏漾漾沉菱荇澄澄映葭葦
我心素已閑清朋澹如此請留磐石上垂釣將已矣
崔濮陽災季重前山興山西去亦對維門
秋色有佳興况君池上閑悠然西林衣自識門前山
千里橫黛色數峯出雲間戔戔對秦國合省藏荆關

殘雨斜日照夕嵐飛鳥還故人今尚爾歎息此顏顏
終南別業

中歲頗好道晚家南山陲興來每獨往勝事空自知
行到水窮處坐看雲起時偶然值林叟談笑無還期
皇甫岳雲溪雜題五首

鳥鳴澗

人閑佳花落夜靜春山空月出空山鳥時鳴春澗中
蓮花塢

日日採蓮去洲長多暮歸弄篙莫濺水畏濕紅蓮衣
鷓鴣塢

乍向紅蓮沒復出青蒲颺獨立何離樵銜魚古查上

上平田

朝耕上平田暮耕上平田借問問津者寧知沮溺賢
萍池

春池深且廣會待輕舟迴靡靡綠萍合垂楊掃復開

王摩詰文集卷第五



王摩詰文集卷第六

雜詩

輞川集并序

余別業在輞川山谷其遊止有孟城坳華子岡文杏館斤竹嶺鹿柴去木蘭花茱萸泝上官槐陌臨湖亭南垞繡歌湖柳浪藥家瀨金屑泉白石灘北垞竹里館辛夷塢漆園柰園等與裴迪閑暇各賦絕句云尔

孟城坳

新家孟城口古木餘衰柳來者復爲誰空悲昔人有

同前

裴迪

結廬古城下時登古城上古城非疇昔今人自來往

袁宏觀



華子岡

飛鳥去不窮連山復秋色上下華子岡惆悵情何極
同前

落日松風起還家草露晞雲光侵履跡山翠拂人衣
文杏館

文杏裁爲梁香茅結爲宇不知棟裏雲去作人間雨
同前

迢迢文杏館躋攀日已屢南嶺與北湖前看復迴顧
斤竹嶺

檀欒映空曲青翠淒漣漪暗入商山路樵人不可知
同前

明流紆且直綠篠密復深一逕通山路行歌望舊岑
鹿柴

空山不見人但聞人語響返景入深林復照青苔上
同前

日夕見寒山便爲獨往客不知深林事但有麝麝迹
木蘭花

秋山斂餘照飛鳥逐前侶彩峯時分明夕嵐無處所
同前

蒼蒼落日時鳥聲亂溪水綠溪路轉深幽興何時已
茱萸泚

結實紅且綠復如花更開山中儻留客置此芙蓉盃

同前

飄香亂椒桂布葉間檀藥雲日雖迴照森沈猶自寒
宮槐陌

同前

仄延蔭宮槐幽陰多綠苔應門但迴掃畏有山僧來
臨湖亭

同前

輕舸迎上客悠悠湖上來當軒對樽酒四面芙蓉開
當軒弭滉漾孤月正徘徊谷口猿聲發風傳入戶來
南宅

同前

輕舟南垞去北垞森難即隔浦望人家遥遥不相識
孤舟信一泊南垞湖水岸落日下崦嵫清波殊淼漫
歆湖

同前

吹簫凌極酒日暮送夫君湖上一回首青山卷白雲
空闊湖水廣青熒天色同艤舟一長嘯四面來清風
柳浪

同前

分行接綺樹倒影入清漪不學御溝上春風傷別離
映池同一色逐吹散如絲結陰旣得地何謝陶家時

藥家類

颯颯秋雨中淺淺石溜瀉跳波自相濺白露驚復下
同前

瀨聲喧極浦公涉向南津汎汎鳬鷗渡時時欲近人
金屑泉

日飲金屑泉少當千餘歲翠鳳翊文螭羽節朝玉帝
同前

紫潭澹不流金碧如可拾迎晨含素華獨徃事朝及
白石灘

清淺白石灘綠蒲向堪把家住水東西浣紗明月下
同前

跂石復臨水弄波情未極日下川上寒浮雲澹無色

北垞

北垞湖水北雜樹映朱欄逶迤南川水明滅青林端
同前

南山北垞下結宇臨歌湖每欲採樵去扁舟出菰蒲
竹里館

獨坐幽篁裏彈琴復長嘯深林人不知明月來相照
同前

來過竹里館日與道相親出入唯山鳥幽深無世人
辛夷塢

木末芙蓉花山中發紅萼澗戶寂無人紛紛開且落

同前

緣堤春草合王孫自留翫况有辛夷花色與芙蓉亂
漆園

同前

好閑早成性果此諧宿諾今日漆園遊還同莊叟樂
椒園

同前

桂樽迎帝子杜若贈佳人椒漿奠瑶席欲下雲中君
丹刺翳人衣芳香留過客幸堪調鼎用願君垂採摘
歸嵩山作

清川帶長薄車馬去閑閑流水如有意暮禽相與還
荒城臨古渡落日滿秋山迢遞嵩高下歸來且閉關
歸輞川作

合口踈鍾動魚樵稍欲稀悠然遠山暮獨向白雲歸
菱蔓弱難定楊花輕易飛東臯春草色惆悵掩柴扉
投道一師蘭若宿

一公栖太白高頂出雲煙梵流諸壑遍花雨一峯偏
迹爲無心隱名因立教傳鳥來還語法客去更安禪
晝涉松路盡暮投蘭若邊洞房隱深竹清夜聞遙泉
向是雲霞裏今成枕席前豈惟暫留宿服事將窮年
韋給事山居

幽尋得此地詎有一人曾大壑隨階轉群山入戶登
庖厨出深竹印綬隔垂藤即事辭軒冕誰云病未能
輞川別業

不到東山向一年歸來纔及種春田雨中草色綠堪
染水上桃花紅欲燃優婁比丘經論學偃僂文人鄉
里賢披衣倒屣且相見相歡語笑衡門前

山中示弟

山林吾喪我冠帶尔成人莫學嵇康懶且安原憲貧
山陰多北戶泉水在東鄰緣合妄相有性空無所親
安知廣成子不是老夫身

戲題輞川別業

柳條拂地不須折松樹梢雲從更長藤花欲暗藏桄
子栢葉初齊養麝香

李處士山居

君子盈天階小人甘自免方隨鍊金客林上家絕巘
背嶺花未開入雲樹深淺清晝猶自眠山鳥時一轉
韋侍郎山居

幸忝君子顧遂陪塵外蹤閑花滿巖谷瀑水映杉松
啼鳥忽臨澗歸雲時抱峯良遊盛簪紱繼迹多夔龍
詎枉青門道胡聞長樂鍾清晨去朝謁車騎何從容
山居即事

寂寞掩柴扉蒼茫對落暉鸛巢松樹遍人訪葦門稀

綠竹含新粉紅蓮落故衣渡頭煙火起處處採菱歸

早秋山中作

無才不敢累明時思向東溪守故籬豈厭尚平婚嫁
早却嫌陶令去官遲草間蛩響臨秋急山裏蟬聲薄
暮悲寂寞柴門人不到空林獨與白雲歸

戲題磐石

可憐磐石臨泉水復有垂楊拂酒杯若道春風不解
意何因吹送落花來

終南山行

太一近天都連山到海隅白雲回望合青靄入看無
分野中峯變陰晴衆壑殊欲投人處宿隔水問樵夫

田園樂七首 六言走筆立成

厭見千門万户經過北里南鄰官府鳴珂有底崆峒
散髮何人

再見封侯万户立談賜璧一雙詎勝耦耕南畝何如
高卧東窓

採菱渡頭風急策杖林西日斜杏樹壇邊漁父桃花
源裏人家

萋萋春草秋綠落落長松夏寒牛羊自歸村巷童稚
不識衣冠

山下孤煙遠村天邊獨樹高原一瓢顏回陋巷五柳
先生對門

桃紅復含秋雨柳綠更帶春煙花落家童未掃鶯啼
山客猶眠

酌酒會臨泉水抱琴好倚長松南園露葵朝折東舍
黃梁夜春

田家

舊穀行將盡良田未可希老年方愛粥卒歲且無衣
雀乳青苔井雞鳴白板扉柴車駕羸犂草屨收豪猪
多雨紅榴折新秋綠芋肥餉田桑下懸旁舍草中歸
住處名愚谷何煩問是非

丁禹田家有贈

君心尚棲隱久欲傍歸路在朝每爲言解印果成趣

晨雞鳴陽里群動徒所務農夫行餉田閨妾起縫素
開軒御衣服散帙理章句持吟招隱詩或製閑居賦
新晴望郊郭日映桑榆暮陰盡小苑城微明渭川樹
揆子宅閭井幽賞何由屢道存終不忘迹異難相遇
此時惜離別再來芳菲度

輞川閑居

一從歸白社不復到青門時倚簷前樹遠看原上村
青菰臨水披白鳥向山翻寂寞於陵子桔槔方灌園

秋雨輞川莊作

積雨空林煙火遲蒸藜炊黍餉東菑漠漠水田飛白
鷺陰陰夏日轉黃鸝山中習靜觀朝槿松下清齋折

露葵野老與人爭帝寵海鷗何處更相疑

春園即事

宿雨乘輕屐春寒着弊袍開畦分白水間柳發紅桃
草際成基局林端舉桔槔還持鹿皮几日暮隱蓬蒿

渭川田家

斜光照墟落窮巷牛羊歸野老念牧童倚杖候荆扉
雉雊麥苗秀蜚眠桑葉稀田夫荷鋤至相見語依依
即此羨閑逸悵然吟式微

春中田園作二首

屋上春鳩鳴村邊杏花白持斧伐遠楊荷鋤覘泉脉
歸鷺識舊巢舊人看新曆臨觴忽不御惆悵逐行客

屏居淇水上東野曠無山日隱桑柘外河明閭井間
牧童望村去獵犬隨人還靜者亦何事荆扉乘晝關
過廬四負外宅看飯僧共題七韻

三賢異七賢清眼慕清蓮乞飯從香積裁衣學水田
上人飛錫杖檀越施金錢趺坐簷前日焚香竹下煙
寒空法雲地秋色淨居天身逐因緣法心過次第禪
不須愁日暮自有一燈燃

過李揖宅

閑門秋草色終日無車馬客來深巷中大吠寒林下
散髮時未簪道書行尚把與我心同人樂道安貧者
一罷宜城酌還歸洛陽社

與盧貞外象過崔處士興宗林亭

綠樹重陰蓋四鄰青苔日厚自無塵科頭箕踞長松下白眼看君是甚人

同前

盧象

映竹時聞轉轡轡當窓只見網蜘蛛主人非病常高卧環堵蒙籠一巷儒

同前

三縉

身名不問十年餘老大誰能更讀書林中獨酌鄰家酒門外時聞長者車

同前

裴迪

喬柯門裏自成陰散髮窓中曾不簪逍遙且喜從吾

事榮寵從來非我心

訓前

崔興宗

窮巷空林常閉關悠然獨卧對前山今朝忽枉嵇生駕倒屣開門遙解顏

濟州過趙叟家宴

雖與人境接閉門成隱居道言莊叟事儒行魯人餘深巷斜暉靜閉門高柳疎荷鋤修藥圃散帙曝農書上客搖芳翰中厨饋野蔬夫君弟高飲景晏出林閭與盧象集朱家

主人能愛客終日有逢迎貫得新豐酒復聞秦女箏柳條疎客舍槐葉下秋城語笑且爲樂吾將達此生

過福禪師蘭若

巖壑轉微逕雲林隱法堂羽人飛奏樂天女跪焚香
竹外峯偏曙藤陰水更涼欲知禪坐久行路長春芳
飯覆釜山僧

晚知清靜理日與人羣疎將候遠山僧先期掃弊廬
果從雲峯裏顧我蓬蒿居藉草飯松屑焚香看道書
然燈晝欲盡鳴磬夜方初已悟寂爲樂此生閑有餘
思歸何必深身世猶空虛

謁璿上人

并序

上人外人为天不定不亂捨法而淵泊無心而雲動
色空無得不物物也嘿語無際不言言也故吾徒得

神交焉玄關大啓德海群泳時雨旣降春物具美序
於詩者人百其言

少年不足言識道年已長事往安可悔餘生幸能養
誓從斷臂血不復嬰世網浮名寄纓珮空性無羈鞅
夙承大導師焚香此瞻仰頽然居一室覆載紛万象
高柳早鶯啼長廊春雨響牀下阮家屐窓前筇竹杖
方將見身雲陋彼示天壤一心在法要願以無生獎

青龍寺曇壁上人兄院集

并序

吾兄天開蔭中明徹物外以定力勝敵以惠用解嚴
深居僧坊傍俯人里高原陸地下映芙蓉之池竹林
菓園中秀菩提之樹八極氛霽萬彙塵息太虛寥廓

南山爲之端倪皇州蒼茫渭水貫於天地經行之後
跌坐而閑外堂梵筵餌客香飯不起而遊覽不風而
清涼得世界於蓮花記文章於貝葉時江寧大兄持
片石命維序之詩五韻座上成
高處敞招提虛空記有倪坐看南陌騎下聽秦城雞
眇眇孤煙起芊芊遠樹齊青山万井外落日五陵西
眼界今無染心空安可迷

同前

王昌齡

本來清淨所竹樹引幽陰簷外舍山翠人間出世心
圓通無有象聖境不能侵真是吾兄法何妨友弟深
天香自然會靈異識鍾音

同前

王縉

林中空寂舍階下終南山高卧一牀地迴看六合間
浮雲幾處滅飛鳥何時還問義天人接無心世界閑
誰知大隱客兄弟自追攀

同前

裴迪

靈境信爲絕法堂出塵氛自然成高致向下看浮雲
迤邐峯岫列參差閭井分林端遠樹見風末疎鍾聞
吾師久禪寂在世超人羣

黎拾遺昕裴秀才迪見遇秋夜對雨之作

足我已急輕衣行向重寒燈坐高館秋雨聞疎鍾
白法調狂象玄言問老龍何人顧蓬逕空愧牛羊蹤

晚春嚴少尹與諸公見過

松菊荒三逕圖書共五車
烹葵邀上客看竹到貧家
鵲乳先春草鶯啼過落花
自憐黃髮暮一倍惜年華
過乘如禪師蕭居士嵩丘蘭若

無著天親弟與兄嵩丘蘭若一峯晴
食隨鳴磬巢鳥下行踏空林落葉聲
阗水定侵香案濕雨花應共石林
平深洞長松何所有儼然天竺古先生

過感配寺曇興上人山院

暮持筇竹杖相待虎溪頭
催客聞山響歸房逐水流
野花叢發好谷鳥一聲幽
夜坐空林寂松風直似秋

司前

裴迪

不遠灊陵邊安居向十年
入門穿竹逕留客畎山泉
鳥轉深林裏心閑落照前
浮名竟何益從此願棲禪
夏日過青龍寺謁操禪師

龍鍾一老翁徐步謁禪宮
欲問義心義遙知空病空
山河天眼裏世界法身中
莫恠銷炎熱能生大地風
同前 裴迪

安禪一室內左右竹君幽
有法知不染無言誰敢訓
鳥飛爭向夕蟬噪已先秋
煩暑自茲通清源何所求
鄭果州相過

麗日照殘春初晴草木新
牀前澹鏡客樹裏灌園人
五馬驚窮巷雙童逐老身
中厨辨麤飯當恕阮家貧

春日與裴迪過新昌里訪呂逸人不遇
桃源一向絕風塵
柳市南頭訪隱淪
到門不敢題凡
鳥看竹何須問
主人城外青山如
屋裏東家流水入
西鄰開戶著書多
歲月種松皆作老
龍鱗

同前

裴迪

恨不逢君出荷蓑
青松白屋更無他
陶令五男曾不
有
蔣生三逕枉相過
芙蓉曲沼春流滿
薜荔成帷晚
靄多聞說桃源好
迷客不如高卧
眎庭柯

春過賀遂貞外藥園

前年槿籬故新作
藥欄成香草爲君
子名花是長卿
水穿盤石透藤繫
古松生書畏開厨
走來蒙倒屣迎

薺漿菰米飯
蒟醬露葵羹
頗識灌園意
於陵不自輕
過香積寺

不知香積寺數里入雲峯
古木無人逕深山何處鍾
泉聲咽危石日色冷青松
薄暮空潭曲安禪制毒龍
過崔駙馬山池


書樓吹笛妓金宛酒家胡錦石
稱身女青松學大夫
脫貂貫桂醕射鴈與山厨
聞道高陽會愚公谷正愚
河南嚴尹弟見宿弊廬訪
別人賦十韻

上客能論道吾生學養蒙
貧交世情外才子古人中
兒上方安采車邊已盡熊
拂衣迎五馬垂手憑雙童
花醪和松膾茶香透竹叢
薄霜澄夜月殘雪帶春風

古壁蒼苔黑寒山遠燒紅眼看東侯別心事北川同
若學輕先輩何能訪老翁欲知今日後不樂爲車公

王摩詰文集卷第六





王摩詰文集

七卷

八卷

北宋本

第五冊





王摩詰文集卷第七

碑

裴僕射濟州遺愛碑并序

京兆尹張公德政碑并序

魏郡太守河北採訪處置使上黨苗公德政碑

并序

故右豹韜衛長史賜丹州刺史任君神道碑并序

大唐故臨汝郡太守贈秘書監京兆韋公神道

碑銘并序

裴僕射濟州遺愛碑并序

夫為政以德必世而後仁齊之以刑苟免而無恥則



刑禁者難久百年安可勝殘德化者効遲三載如何
考績刑以佐德猛以濟寬月期政成成而不朽者惟
裴公能之公名耀卿字煥之河東聞喜人也益爲帝
虞實相帝舜非子其胄而邑諸裴在漢者爲水衡在
魏者守代郡十三代祖徽魏益豫雍充徐五州刺史
蘭陵武公源於大賢派以俊德世濟其美不殞其名
矣曾祖正隋散騎常侍長平郡贊理祖春皇朝洛南
南鄭二縣令著族斯茂衣冠未敢爭雄繼世皆賢英
彥無出其右故有常侍縣君遞輝迭映父守忠太常
博士判駕部夏官員外今上楚王府諮議參軍邠寧
二州刺史贈晉兗沂三州刺史文儒之宗伯禮樂之

本源藉業雖曰承家復始由乎種德再興大郡二爲
仙郎舉士大夫是則是數且年不及壽而位未稱德
朝多其能歿而獨贈公則晉州之第三子也語而能
能文有識便智爲兒則量過備後未壯而心在蒼生
伯建試經子琰應詔古之人也我不後之八歲神童
舉試毛詩尚書論語及第解褐補秘書省校書郎歷
中宗安國相王府典籤東觀載筆班固名香西園賦
詠劉楨氣逸轉國子主簿檢校詹事府丞學識亘在
儒林風度雅膺諸宋河南府士曹參軍考功員外郎
公府屈廊廟之才曾無留事仙郎明黜陟之法野無
遺賢右司兵部二郎中長安縣令其在含香一臺推

妙以之製錦四海是儀公之斷獄也必原情以定罪
不阿意以侮法是以小失大旨 出爲此州刺史公
推善於國不稱無罪思利於人忘其屈已戮豪右以
懲惡一至無刑旌孝悌以勸善洪惟見德然後務材
訓農通商惠工苛教勸學授方任能行之一年郡乃
大理裨負而至何憂乎蕩神之人路不拾遺何畏乎
穿踰之盜旣富之矣汲黯奚取於開倉使無訟乎仲
由何施其折獄居無何詔封東嶽關東列郡頗當馳
道至於犧牲玉帛資糧靡屨其或不供爲有司所劾
因而厚斂非天子之意豐省之度多不得中故二千
石有不能受事於宰旅者矣季孫請魯視邾滕濤塗

恐師出周鄭抑爲是也公盡事君之心且曰從人之
欲万斯廂之粟茲乃如京百執事之人於我乎館四
封之境二爲帝庭一郡之賦再粒天下士卒林會焉
牛谷量皆投足獲安端拱取給無虞燥濕不畏寇盜
草莽之中用能使其體羈紲之外無所勞其力天朝
中貴持權用事厚爲之禮則生我羽毛小不如意則
成是貝錦公享有常牢覲無私幣冒貨賄者我以爲
仇淫芻蕘者吾所能禦至於急宣中旨暴征庶物或
命嘉蔬先春當薦錫貢珍果非士所生舉是一隅其
徒千計皆曾不旋踵若取諸懷又不知其備預之所
以然也謂餽牽竭矣而家有餘糧謂罷勞甚矣而人

有餘力豈非積年之儲用之有度終身之逸使之有
時不然班貢藝事輕重以列我視子男之國而倍公
侯之征今日之事我爲上也大駕還都分遣中丞蔣
欽緒御史劉曰政宋珣等巡按皆嘉公之能奏課第
一公未受賞朝而歸藩天災流行河水決溢蝗虫避
境雖馬援之化能然洪水滔天固帝堯之時且尔高
崖萃以雲斷平郊豁其地裂噴薄雷吼冲融天迴百
姓巢居泉客有其家室五稼波殄沼毛荒於畎畝公
急人之虞分帝之憂御衣假寐對案輟食不候駕而
星邁不入門而雨行議隄防也至則平板榦具糗糧
揆形略趾量功命曰而亦岸成谷白濤亘山雖有

呂梁之人盡下淇園之竹無能爲也乃有壞防之餘
衝波且盡僅在而危同累卵將墜而間不容髮公累
露其上爲人請命風伯屏氣以遷跡陽侯整波而退
舍又王尊至誠未足加也然後下密捷塞長茭土簣
雲積金鎚電散公親巡而撫之慰而勉之千夫畢飯
始就食一人未息不歸遽廬惰者發憤以躐勤懦者
自疆以齊壯成之不日金隄戕戕下截重泉上可方
軌北河迴其竹箭東郡不之爲桑田先是朝廷除公
宣州刺史公惜九仞之垂成恐衆心之或怠懷絲綸
之詔密金玉之音率負薪而益勤親執撲而弥勵旣
成乃發書示之皆捨番攀轅廢歌成泣淚雨濟澤袂

陰魯郊哀哀號呼不崇朝而達四境嘻公之視人也
如子人之去公也如父宜其外聞於天司我五教公
之富人也以簡簡則不擾而人得肆其業非富歟公
之愛吏也以嚴嚴則畏威而吏不陷於罪非愛歟是
其大旨也至若沛郡謂爲神明淮陽謝其清靜尊經
於學校魯風載儒加信於兒童齊人不詐明閑視聽
其察姦也無全曉習文法於決事乎何有六義之製
文在於斯五車之書學半於我其爲身討保乎忠貞
將爲孫謀賜以清白熊軾之貴子弟夷於平人龍門
別高賓客不遺下士非禮不動出言有章語曰愷弟
君子人之父母其是之謂乎維也不才嘗備官屬公

之行事豈不然乎維實知之維能言之况夫婦男女
思我遺愛者吟詠成風耆艾人吏願頌清德者道路
如市則王襄所講奚斯之頌美政盛德綴詞之士固
未嘗闕如也維敢拒之哉頌曰

童子何知兮公邁成人大不必佳兮公德曰新天生
德於公兮遺此下民天子命我兮守茲東郡人謂公
以謫去兮不能致訓公曾不私已兮政聲益振惟歲
十月兮帝封岱宗千乘萬騎兮行幸山東小郡之賦
兮再粒萬邦豐不盈儉不陋兮公之舉也得中河爲
不道兮離常流以痛毒不用一牲兮不沈一玉身當
中流兮馮夷感而避賢勃陽侯兮使却走夫洪漣板

築旣具兮薪又屬庶人欣以就役兮高岸崛起於深
谷人降丘宅土兮桑田鬱以載綠行無五馬兮食不
載味惠恤鰥寡兮威讐黠吏公之德兮曾無與二人
思遺愛兮浚滔滔歲久不衰兮至今性與天道吾不
得聞兮誌其小者近者兮已是過人之德音

京兆尹張公德政碑

并序

雲從龍風從虎氣應也聖人作賢人輔德同也君臣
同德天地通氣以康九有以遂萬類惟皇御極二十
載光格四表至于海隅日出越小大邦蠻貊師長罔
不欽于成憲以承天休然天子猶曰省三揖列辟曰
聽万方輿頌懼人有未化賢有未登故敷仄陋兼乎

十等選宗室及乎九族任事以觀材精時以觀行乃
得我賢京兆焉夫京兆號爲難理清靜病於不給刀
筆拘於守文或以輒弱廢或以賊殺効把宿負淺爲
丈夫用鉤距蓋非長者我則異於是大道難名大理
無法閉關於任數巧筭不能知堅壁於畫一善政不
能下摧宿豪如薙草無愠色視大權如歷塊無撥容
百司之駭惚以奇而得正五方之人雜異教而同理
受命之始先聲已振黠吏惡少聞風族行及乎鳴驪
詣府登堂坐定縣尹掾史以次上謁守正之人其氣
高含章之人其詞大見容色而聞號令小人戚而君
子泰曰者櫟陽男子閭里爲豪借客報仇聚人爲盜

或白日手刃或黃塵袖鎚政寬則以身先諸偷操急則以事中長吏貳過不已萬計自脫公命吏縛之立死領下於是人入閭室若遇大賓焉前年不登人賴太甚野無遺秉路有委骨天子不忍征於不粒賦於無衣六軍從衛以臨東諸侯息關中也帝曰咨天其降威人罔畏罪台恐寇益乃邑矧曰蕩析離居惟尔克濟撫茲凡公拜稽首思塞休命布慈惠之政不以利淫振雷霆之威其或宥過饗人減雙雞之膳圉人省五馬之秣陶不獻服塢不填館自身已往振廩同食雖人煙不動道殣相望不思濫以苟生咸守教以就死是不可能也先是王公或專南山之利司農涸

昆明之池收岸澤將爲田以便官至是悉奏罷之舟鮫衡麓之守廢蒲荷薪蒸之產入自郊徂邑室有魚殮斬陰伐陽市多山木人得以贍唯涇有防比歲多決近縣疲於書役池山匱於度材公命刮朽壤填巨石辨大木去編管其始告勞乃終有慶匠石曰減功萬藏史曰省錢億農始音禾女始安織於是貽背黃髮之老曰我有田疇鍾秉其畝我有子弟顏閔其行鄉黨以睦悫失其獨道路有禮汰無與爭酒先養老賄不問吏旣無吠犬亦無姦人臨年餘資幸蒙惠化其曷以臻茲君子曰此天子至公內舉不避親錫汝明尹張公之力也夫公於國爲外戚於帝爲外弟

重組累印珥香貂者七葉奉車駙馬乘朱輪者十人
勝衣則綺襦紵袴通藉則玉墀青瑣動則兩驂如舞
坐則五鼎成列文軒楚製素女趙舞而公儼兮其若
客淡兮其無味心在四教語稱七德目視六籍口誦
九歌懷君子令德之忠保詩人錫類之孝悌有過於
共被慈有踰於含食惡衣以居公服不敢降也屈軼
下士王綱不敢替也恊二姓之好以正人倫旁無嬖
御分一人之憂以審官政下多英傑若夫皇帝勤問
之詔御札自書天王命賜之衣上宮所製勞勤則中
使接武計議則走馬來朝豈唯衆臣重其經術爲吏
難以儒雅而已且公之外聞于天非一朝一夕之漸

也亦所以稱職於累官著聲於所在其丞相秘書也闕
文遺簡多在大家深爲子孫之藏密有緘滕之固公
不憚權貴或抵或誘盡歸天閣官書備焉其牧郢也
人有不若德戮之不爲累人有不保居撫之不爲誼
存者老其事壯其食以畜之行者緝其宮藝其樹以
待之此邦之人旣優他邦之人又重焉未盈一歲遂
增万户其守汾也仍歲大旱郡祠介推雖屢舞僊僊
而靈應未若公命束蘊取火伐樹寘薪釃酒而祝曰
有功于人祀爲明神無德而祿禍亦覆餗自絳已來
人實祀子純犧大璧不敢愛必以薦也童兒季女不
敢黷必以敬也神旣靡吝人將安仰若亭午而雨則

樹其鷺羽執此駢毛不然者火燎將至燠天鑠地靈
衣且爲煨燼豐屋將爲茂草尔其圖之言未畢而雲
興拜未起而雨降周於闔境不及他郡雖封疆咫尺
而彼竭我盈嘻若記能亡載盛德渭川之竹不足簡
終南之木不足軸夫訓人至於禮義曰德安人免於
阡危曰功德者上賞於下下頌於上長老孜孜願刊
千石以予學於舊史來即我謀且維與人編戶與人
爲伍與人出入與人言語知風俗之淳弊識政化之
源本屬詞愧文書事蓋實詞曰

五代相韓七葉侍漢及我聖朝亦生邦翰大道無形
貞蠱以幹含章不耀在割能斷情僞万端吾道一貫

帝選賢尹無以易張金印紫綬京兆之章佩我鳴玉
冠我兩梁天子休命拜手以將寬而愛人立滅暴強
明明天子哀此南畝將息西人遂覲東后我教我訓
我鎮我守茫茫三秦則罔餽口守死以義徇生不苟
王曰外弟視人不佻何以寵之手書以詔何以問之
賜衣而朝俾人華胥致君帝堯刻石作頌永世弥昭
魏郡太守河北採訪處置使上黨苗公德政

碑并序

五方殊俗魏風婉而其人舒九士異宜異田壤而其
賦錯前政有寬猛之異時令有班藝之差非夫酌舊
典於可行啓新圖於必當多方而不失正一貫而或

從權曲成便人大抵厚俗選衆而舉非公而誰公先
自吏部侍郎出爲安康郡太守某載月日詔以公爲
魏郡太守河北道採訪處置使公諱某字某某郡縣
人也其出處本末弁世冠冕國史家謀詳焉凡邦伯
到官詔使按部或閉閣思政或下車作威或劾吏爲
明或移書示禁公異於是可略而言公素號鮮明積
有治行宿訟不決之務餘地剖分疑獄自誣之枉容
光立照故陋其思政也安全長吏不遂老丞成就諸
生先教小史導德齊禮有耻且格故鄙其作威也謝
亭長之問勞野次之賢吏悉謂爲神明人不隱其豪
駭故無事劾吏也列郡供職清節銷其過求諸曹報

簿直筆破其巧抵故不待移書也山東古之七雄河
北有其四國地方數千里人蓋億萬計獻子三歎之
饋滋無舊德平原十日之飲顧有遺風朱亥袖鉞豪
雄扼腕曹王拂局輕薄爲心奢泰擬都護之堂遲緩
學邯鄲之步公抑末技以敦本斥浮食以歸業督課
八政擇良吏以遣行講求六藉置學官於便坐於是
橫經左塾力穡先疇盡業農桑大興庠序家知禮義
更式段干之廬戶有京坻增修史起之趨叢臺歌舞
成市鄴郡帝王舊都衽眼靚粧挾筑怙屣淇上留客
河間數錢公課其組紉之庸制其婚嫁之節冶容絕
四方之袖織室致五匹之工刑於上官訓及處子鄭

聲衛樂共奔師襄趙帶燕裾思齊漆室漁陽騎客奏
報本朝鰥海樓船運漕絕域郊迎館給不敢淫其躬
蕘水路陸衢盡若安於枕席其載月日詔賜紫袍玉
帶金魚袋衣若干副方伯十聰賴其澄清之轡天子
七命賜以安吉之衣緹油屏車璽書增秩夫是過也
勝殘之化既成觀俗之風允穆優遊無士學官思歸
况乎父母之邦近在嬰兒之國表請拜掃有詔許焉
預約守宰幸無偵候至郡則投刺上謁至邑則捨車
而徒展禮先坐惟心泣血迴趨長老稽顙緒言宗人
族姻姑黨姪行覲以重幣篚篚徧於里閭享有加牢
牛酒溢於衢陌朱軒駟馬耀於衡門紫綬雙龜出入

編戶蘇公佩印始歸鄉里盡歡踈傳散金不與子孫
爲計迨乎將去仍以餘資一置里社備養生送死之
具一置鄉校開閱禮敦詩之本相如衣錦且飛大漢
檄書買臣懷紱不待長安廐吏故使巴蜀太守負弩
前驅會稽守丞引章下拜此蓋恨不禮於他日思釋
憾於故鄉是輕桑梓之人適騁斗筭之志豈若公自
心而至率禮無違來悅去思推才降幹平陽傳舍不
許望塵山陰吏卒詎聞治道富貴還鄉榮之至也揚
名顯親孝之終也凡百君子無一至焉公當九伯之
官兼八使之任深惣大幹不求於無虞於草切政成
德舉風動神行湏有勲臣旁典屬郡曩者風雲際會

攀附騰驥貪天之功以爲己力謂國不忘尚嘉乃勲
宋父宣驕倏倨貴當關常從橫恣不法帷帳狗馬
僭侈踰制公効之則重傷國恩置之則大廢邦典於
是喻以禍福告之話言昔有不愛趙城將蹈滄海旣
尊漢室願遂赤松功成不居道家所躋至於折珪分
組跨壤連州懷四術而自疑見九重而失望或冤家
上變司敗受辭朝享膏粱寧知獄吏暮成菹醢適賜
諸侯難恃白馬之盟徒思黃犬之樂彫牆峻宇万乘
猶憚十讐紫衣狐裘一朝而數三罪雖嫌絳灌等列
不逾梁楚爲墟於是翕肩振驚折節受教杜門謝絕
賓客終身不紊紀綱以寬服人實在有德厥有挾左

道飛訛言南國青珠之符東海赤刀之術分風送客
割水飲人僞辯而納之於邪善誘而濟之以惡戶外
多保乳之履恐爲亂階門前無長者之車知其惑衆
公奉誅首惡悉宥面從丕弊要囚惟良折獄議士以
制不徵於書副丕仁之納隍用輕典於平國刑期不
濫人乃大安奏理計功天下小察責吏以實則舉其
不矜欲人自新則貫其宿負官以德舉政以禮成至
於賞善勸能正源端本齊風變魯蓋以悉禮名儒晉
盜奔秦豈俟多誅惡少納貢獻賦則唯恐居後疇庸
命賞則義不敢先布以聖恩奉宣明王之詔問其理
狀對用議曹之言邦家之光其斯謂矣年若干秀才

擢弟應制舉第若干等授其官歷其官若夫明眸白
皙玉潤珠耀美秀備於儀形風流發於言笑行之方
也留如守司智之圓也速若發括量包群有思入無
間壤壁古文曲臺遺禮淮王九師之易漢氏三家之
詩傳僻書淫鷹揚學府比文園入室之武同丞相登
科之策奏甚平讞詩窮綺靡硯燭紙貴虎視詞林嘗
奉和聖製雨中春望詩云雨後山川光正發雲端花
柳意無窮又奉和行幸詩云接仗風雲動迎軍鳥獸
無時人以爲鮑參軍謝吏部爲更生曰某年月日詔
除公河東太守兼採訪使官吏百姓等或守闕乞留
或遮道更借淚增時雨思結仁風親愛之深謹名而

號爲父歌詠不足取姓以命其兒公旣去官多歷年
所人思愈甚共立生祠異邑居而瓦合無契約而麀
至恐不預於聚財懼不任乎輸力棠樹勿翦何如審
像圖形桐鄉置祠豈比耳聞身及以此觀德何德之
深乃建豐碑立於祠宇匍匐千里前後百輩求綴詞
之客爲頌德之文維也竊比老農不知舊史衆心所
至難抑與於輿人予病未能不獲已於求我乃爲

頌曰

禹別九州漢分八使寔爲方伯且曰連帥建節乘輶
觀風察吏山東河北全趙大魏授方任能惟名與器
蓋非其才孰享斯位天子命我導揚皇風斯教勸學

通商惠工法去太甚政貴得中守丞老病小吏童蒙
督郵不遂博士成功遂安賢者大啓儒宮四國之翰
一都之會平原舊俗信陵遺態博寒以遊推埋爲害
叢臺淇水燕裾趙帶淳化旁屬貞風俶載劈繡卷綃
橫經秉耒清節峻邈碩量弘深投書置水酌酒捐金
樹德滋蔓持刑不淫訛言免坐倨貴懷音繡衣罷斧
墨綬停琴旣比時雨當閭作霖申哀松柏致敬桑梓
伏謁公門徒行故里推心馬驢啓顙鯢齒身紆紫綬
禮及童穉帝賜黃金盡於筐篚社養宗人學招邑子
能事具舉令問允穆璽書改印緹油轉轂壁挂胡牀
舍留官犢人吏老幼涕泗號哭頌德豐碑圖形華屋

閱實數美移晷更僕

故右豹韜衛長史賜丹州刺史任君神道碑
并序

君諱某字某某其先奚仲之後於周爲卜正世有薛列
於諸侯氏則任鬱爲著族後有官於京兆者子孫因
家焉今爲万年縣人也遠祖某漢河東太守曾祖某
周清河太守先復舊職異世而同符祖某隋梁州南
鄭縣令父某皇石州離石縣令不墜象賢一門而二
鳬舄皆爲政以德遺愛在人能高其門必有興者雖
不當代果生達人君離石府君之弟某子也膺一賢
之期鍾累葉之善忠孝自得稟乎天姿詩禮輔成潤

以庭訓文含四始雕虫之技附庸武有七德啼猿之
術居外明經者皓首弱歲成儒達法者腐脣端居曉
吏以鄉貢明經擢弟解褐益州新都縣尉居無何丁
母憂廬以長號淚少於血杖而後起骨節於形彈琴
不成從先王之禮捧筐便慟有終身之哀服闋授左
金吾衛兵曹參軍轉左衛錄事參軍又遷右豹韜衛
長史王樂爲用率武夫以扞城人愛其才稱君子之
爲衛方將冠章甫之冠衣縫掖之衣奏議雲臺論政
赤墀一見天子必爲之前席三說大臣必爲之解印
若端委以相六合盡宅心於帝庭授鉞董戎八蠻可
傳首於魏闕然後挂冠東都拂衣五湖高蹈煙虹笑

謝珪組天命不祐沮我良策春秋若干以其年月日
寢疾卒於永興里第某年月日葬於京兆神和原禮
也嗣子曰某善繼先志克成厥家多藝多才實英實
選匪實寶十城之價不以力聞萬夫之敵命同御座
漢帝以恩待故人超將中軍先軫以才登元帥以其
年月日從駕謁五陵天子苦曰自古明王因心以孝
待人由已以施物故休戚共憂樂同也其贈羽林將
軍任某父使持節丹州諸軍士丹州刺史敬其士則
命以始寵其身以及其親明主所以盡心忠臣所以
盡力故羊舌職悅是賞也陳力異代官成聖朝修文
下泉名在大爵前賢陰德雖貽慶於後昆胤子揚名

乃大顯於先父養則致樂沒而有稱昔也爲士享唯
將軍之食今則典邦葬亦諸侯之禮皇帝命之太史
書之報昊天之恩曾舉世未有豈與夫手樹行櫝躬
廬長松負土成墳傭身以葬匹夫之孝同年而語哉
君少有大略長而能賢安於仁樂於善厚生以儉守
智以愚視是所及筆硯盈庭其力文也容膝之外圖
書滿屋其嗜學也八紘之能右軍曾未知翰五弦之
妙中散何擅於琴以禮庇身以清守官惟邦之彥惟
國之翰夫人河東裴氏始以其爲光祿也封河東郡
君及是又贈河東郡太君子之忠母之教母以子貴
不亦宜乎司文者執簡以往刊石旌德其詞曰

薛侯之裔
兮代齊其美不殞其名是生碩德兮爲
世作程忠不祐孝不福兮早謝休明身爲士兮子爲
卿又將羽林兮統天兵天子寵兮爲崇榮贈我武符
兮賜我專城青松寂寂兮晝無人聲狗不吠雞不鳴
蒼茫千古兮孰云旌賴孝子兮揚音英

大唐故臨汝郡太守贈祕書監京兆韋公神

道碑銘

并序

亢士族而不顧赴五鼎而知歸徇千載之名輕一朝
之命烈士之勇也隱身流涕獄急不見南冠而繫遜
詞以免北風忽起刎頸送君智士之勇也種族其家
則廢先君之嗣戮辱及室則累天子之姻非苟免以

全其生思得當有以報漢棄身為餌俛首入橐僞就
以亂其謀佯愚以折其僭謝安伺桓溫之亟蔡邕制
董卓之邪然後吞藥自裁嘔血而死仁者之勇夫子
爲之公諱某字某京兆杜陵人也昔豕韋氏主盟於
商後扶陽侯重世相漢高祖某官父某某官並勲德
茂著史謀詳焉公即文貞公之仲子也初以宰相子
并髦署吏抱拜授封加朝散大夫封平樂郡公累拜
某官丁文貞公憂又丁某國夫人憂無容顧禮殆不
勝喪終身之痛歷稔猶毀幼無童心長積純氣抱其
天素立于人紀先聖微言宿儒未辨貫穿精義總括
旁說文言蔚於輿表筆態托於方外子虛上林敢云

雄似黃庭圖扇方議鴈行鸛望之姿羊車奪映曾選
公壻詔婚王室天家焜耀獨任素風時論騰踊宜在
右職乃拜中書舍人動朔風之詠啓迪古詩下流水
之書敦崇雅誥轉太常少卿六宗九奏悉具其儀天
神地祇可得而禮俄又親累貶巴陵太守稍遷壽春
太守又遷臨汝太守其理務教訓其政尚寬簡謂其
叙在六官又踐三事疇咨帝載必歌九功之德式和
人則必復三代之英天子避其用親蒞臣惡其異已
馮衍竟廢楊雄不遷抑古人而有之何夫子之命也
逆賊安祿山吠堯之犬驅彼六騾憑武之狐猶威百
獸藉天子之寵稱天子之官徵天子之兵逆天子之

命始反幽薊稍逼溫洛云誅君側尚惑人心列郡無
備百司安堵變折衝爲賊矣兼法令而盜之將進者
已落穀中謝病者先之死地密布羅網遙施宮穽舉
足便跌奮飛即佳智不能自謀勇無所致力賊使其
騎劫之以兵署之以職以拏爲質遣吏挾行公潰其
腹心俟其間隙義覆元惡以雪大恥嗚呼上京旣駭
法駕大遷天地不仁穀洛方鬪鑿齒入國磨牙食人
君子爲投檻之援小臣若喪家之狗僞疾將遁以清
見囚勺飲不入者一旬穢溺不離者十月白刃臨者
四至赤棒辱者五人刀環築口戟被义頸縛送賊庭
實賴天幸上帝不降罪疾逆賊惘穰在身無暇戮人

自憂爲厲公哀予微節私予以誠推食飯我致館休
我畢今日歡汔數行下示予佩玦斫手長吁座客更
衣附耳而語指其心曰積憤攻中流痛成疾恨不見
戮專車之骨梟枕鼓之頭焚骸四衢然臍三日見子
而死知余此心之明日而卒某年月日絕於洛陽某
之私第以某月日返葬於某源禮也皇帝中興悲憐
其意下詔褒美贈祕書監制曰云云天下之人謂之
賞不失德矣公敦穆孝友明允篤誠高居化源濡跡
物軌元昆曰陟伯與仲居愛之欲無方視之若不足
薄其私而厚其室抑而已而讓其名故有靈芝聳蓋
嘉木連理時人以爲孝悌之祥而公昆季謙而不以

聞也維稚弱之契曠年弥篤吾實知之能言者乃為
銘曰 銘亡

王摩詰文集卷第七



王摩詰文集卷第八

墓誌

大唐大安國寺故大德淨覺禪師碑銘 并序
能禪師碑 并序 為人作

大薦福寺大德道先禪師塔銘 并序

工部楊尚書夫人贈太原郡夫人京兆王氏墓
誌銘 并序

故唐京兆尹長山公韓府君墓誌銘 并序

唐故潞州刺史王府君夫人榮國夫人墓誌銘
并序

沂陽郡太守王公夫人安喜縣君成氏墓誌銘

并序

故任城縣尉裴府君墓誌銘序

天唐大安國寺故大德淨覺禪師碑銘

并序

光宅真空心王之四履建功無得法將之百勝故大
瑰群籟無絃出法化之聲恒沙衆形爲寶嚴之色至
如六師北亂四諦徂征開甘露狹小之門出臭煙朽
故之宅踞寶牀而搖白拂徐誘草庵沃金瓶而繫素
繒遂登蓮座足使天口雄辯刮語燒書何目大儒摠
仁擊義斯爲究竟孰不掃依禪師法名淨覺俗姓韋
氏孝和皇帝庶人之弟中宗之時後宮用事女謁寢
盛主柄潛移戚里之親固分珪組屬籍之外亦絀銀

黃況乎天倫將議封拜促尚方今鑄印命尚書使備
策詰朝而五土開國信宿而駟馬朝天禪師歎曰昔
我大師尚以菩提釋位今我小子欲以恩澤爲侯仁
遠乎哉行之即是裂裳裹足以宵遁乞食飲口以兼
行入太行山削髮受具尋其禪師故蘭若居焉猛虎
故足毒地燠體山神獻果天女散花澹尔宴安曾無
喜懼先有涸泉枯栢至是布菜跳波東魏神泉應焚
香而忽湧北天衆果候飛錫而還生禪枝必復之徵
法水再興之象聞東京有頤大師乃脫屣戶前樞衣
座下天資義性半字敵於多聞宿植聖胎一瞬超於
累劫九次弟定乘風雲而不留三解脫門揭日月而

常照雪山童子不顧芭蕉之身雲地比丘欲成甘蔗
之種大師委運遂廣化緣海澄而龍額珠明雷震而
象牙花發外家公主長跪獻衣薦紳先生却行擁篲
乞言於無說請益於又損天池盃水遍舍秋月之輝
草萊樹根皆霑宿雨之潤不窺世典門人與宣父中
分不受人爵廩食與封君相比至於律儀細行虫米
護持經典深宗毫釐剖析窮其二翼即入佛乘趣得
一毛亦成僧寶於是夜當入無餘開口万言音和水馬
有疑皆問我於是夜當入無餘開口万言音和水馬
踴身七樹光映天人如暫出行泯然跏坐以某載月
日歸大寂滅某月日遷神於少陵原赤谷蘭若香

油細氎用以茶毗合璧連珠爲之葬貝城門至於谷
口幡蓋相連法侶之與都人縞素相半叩膺拔髮灑
水盆塵外堂入室之徒數踰七十破山澍海之哭聲
振三千則有僧某乙尼某乙故惠莊某氏某郡主賢
者某乙等各在衆中爲其上首或行如白雪或名亞
紅蓮或爲勝鬪夫人或是毗邪居士二空法外何處
進求七覺分中誰當決釋猶依舍利翼獲菩提身塔
不出虎溪溪碑有同羊祜表心成相相非離於真如
叙德以言言豈著於文字乃爲銘曰

小三千界後五百年空乘玉膝莫覩金仙無量義處
如來之禪皆同目論誰契心傳其弟在人間姊歸鳳

闕去日留釧別時翦髮累錫金錢將加印紱忽尔霄
遁終然兩絕_{其二}救頭學道裏足尋師一花寶樹八水
香池戒生忍草定長禪枝不疑少父更似嬰兒_{其三}既
立勝幡併摧邪網利眼金翅圓身寶掌巧撮死龍能
調老象魔種敗壤聖胎長養_{其四}生滅度五陰虛空
無說非異非同此身何處彼岸成功當觀水月莫怨
松風_{其五}

能禪師碑并序為人作

無有可捨是達有源無空可住是知空本離寂非動
乘化用常在百法而無得周万物而不殆訖世海師
不知菩提之行散花天女能變聲聞之身則知法本

不生因心起見見無可取法則常如世之至人有證
於此得無漏不盡漏度有為非無為者其惟我曹溪
禪師俗姓盧氏某郡某縣人也名是虛假不生族姓
之家法無中邊不居華夏之地善習表於兒戲利根
發於童心不私其身臭味於耕桑之侶苟行其道羶
行於蠻貊之鄉年若干事黃梅忍太師願竭其力即
安於井曰素剗其心獲悟於梯稗每大師登座學衆
盈庭中有三乘之根共聽一音之法禪師默然受教
曾不起予退省其私迴超無我其有猶懷渴鹿之想
尚求飛鳥之跡香飯未消弊衣仍覆皆曰外堂入室
測海肩天謂得黃帝之珠堪受法正之印大師心知

獨得謙而不鳴回何言哉聖與仁豈敢子曰賜也吾與汝弗如臨終遂密授以祖師袈裟而謂之曰物忌獨賢人惡出已予已死矣汝其行乎禪師遂懷寶迷邦銷聲異域衆生爲淨土雜居止於編人世事是度門混農商於勞侶如此積十六載南海有印宗法師講涅槃經禪師聽於座下因問大義質以真乘旣不能酬翻從請益乃歎曰比身菩薩在此色身肉眼凡大願開惠眼送領其屬盡詣禪居奉爲挂衣親自削髮於是大與法雨普灑密塵乃教人以忍曰忍者無生方得無我始成於初發心以爲教首至於定無所入慧無所依大身過於十方本覺超於三世根塵不

滅非色滅空行願無成即凡成聖舉足下足長在道場是心是情同歸性海告倦自息化城窮子無疑直開寶藏其有不植德本難入頓門妄繫空花之往曾非惠日之咎常歎曰七寶布施等恒河沙億劫修行盡大地墨不如無爲之運無礙之慈弘濟四天生庇三有旣而道德遍覆名聲普聞泉館卉服之人去聖歷劫塗身穿耳之國航海窮年皆願拭目於龍象之姿忘身於鯨鯢之口駢立於戶外趺坐於牀前林是旃檀更無雜樹花惟薝蔔不嗅餘香皆以實歸多離妄執九重延想万里馳誠思布髮以奉迎願义手而作禮則天太后孝和皇帝並勅書勸諭徵赴京

城禪師子牟之心敢忘鳳闕遠公之足不過虎溪固
以此辭竟不奉詔遂送百納袈裟及錢帛等供養天
王厚禮獻玉衣於幼人女后宿因施金錢於化佛尚
德貴物異代同符至某載月日中忽謂門人曰吾將
行矣俄而異香滿室白虹屬地飯食訖而敷坐沐浴
畢而更衣彈指不留水流燈焰全身永謝薪盡火滅
山明川竭鳥哭猿啼諸人唱言人無眼目列郡慟哭
世且空虛某月日遷神於曹溪安座於其所釋吉祥
之地不待情烏變功德之林皆成白鶴嗚呼大師至
性淳一天姿貞素百福成相衆妙會心經行宴息皆
在正受談笑語言者無戲論故能五天重跡百越稽

首脩蛇雄虺毒螫之氣銷跳及彎弓猜得之日變改
漁悉罷蠱醢知非多絕羶腥効桑門之食悉棄罟網
襲稻田之衣永惟浮圖之法實助皇王之化弟子曰
神會遇師於晚景聞道於長年廣量出於凡心利智
踰於宿學雖末後供樂最上乘光師所明有類獻珠
之願世人未識猶多抱玉之悲謂余知道以頌見託
偈曰

五蘊本空六塵非有衆生倒計不知正受蓮花承足
楊枝生肘苟利身心孰爲休咎其至人達觀與佛齊
功無心捨有何處依空不著三界徒勞八風以茲利
智遂與宗通其悠彼偏方不聞正法俯同惡類將興

善業教忍斷嗔脩慈捨獵世界一花祖宗六葉其大開寶藏明示衣珠本源常在妄轍遂殊過動不動離俱不俱吾道如是道豈在吾其道遍四生常依六趣有漏聖智無義章句六十二種一百八喻悉無所得應如是住其五

大薦福寺大德道光禪師塔銘并序

禪師諱道光本姓李縣州巴西人其先有特有雄者實有蜀蓋子孫爲民大父懷節隱峨嵋山行無轍跡其季父榮爲道士有文知名禪師幼孤在諸兒中其神獨不俾家領苦之絕去詣鄉校見周孔書曰世教耳誓苦行求佛道入山林割肉施鳥獸鍊指燒臂入

般般道場百日晝夜經行遇五臺寶豔祖師曰吾周行天下未有如尔可教遂密授頓教得解脫知見舍利掌止斷置世界不覩非咎應度方知其門者寡故道俗之煩而息化城恒盡謂窮性海而已焉足知恒沙德用法界真有哉春秋五十二凡三十二夏以大唐開元二十七年五月二十三日入般涅槃於薦福僧坊門人明空等建塔於長安城南畢原人天會葬涕泗如兩禪師之不可得法如此其世行遺教如一切賢聖維十年座下俯伏受教欲以毫末度量虛空無有是處誌其舍利所在而已銘曰

嗚呼人天尊全身舍利在畢原

工部楊尚書夫人贈太原郡夫人京兆王氏

墓誌銘

并序

夫人諱某京兆霸城人也晉出三家公子尊於魏國
秦亡六國時人謂之王家河南則分人華陰
則老能當道高沮德真皇左僕射祖九思京兆府三
原縣令父潜河南府郃城縣令大名之後重光不替
夫人令儀淑德發於天姿閱禮明詩傳乎世業言成
女誠可著於縑緗行爲女師詎資於行待豈止彈琴
吐論誦賦二詩而已及乎有行嬪于君子事姑至孝
旁穆六姻爲母深慈均養七子男以無雙令德降帝

子於鳳樓女則第一解空歸法王之象教閨門之訓
朝野稱多旣而家列公侯地連妃主珠翠滿座不御
采衣方丈盈前唯甘素食問德大師大照和上覩如
來之奧昭群有之源夫人一入空門便蒙法即牛車
紺轡無復飾乘龍藏寶紅悉通了義惠用圓滿誠力
堅嚴藥藉茹葷雖愈疾而不受心已久淨縱沒齒而
常安以某年月日奄歸大寂於長興里之私第厥初
寢疾弥曠旬時駙馬上人柴毀骨立憚淚嘗藥身不
解衣泣血持經手不釋卷晝夜懺悔非上六時身命
供養寧唯七寶御醫繼踵中使重跡竟兮不反空焚
外國之香生也有涯非無上天之樂某月日有詔追

贈太原郡夫人襄城石宛增寵其榮名翟茀魚軒空
悲於象設以某月日安厝于某原禮也功德之至散
花天女不留釋梵之筵勝鬘夫人何在嗚呼哀哉乃
爲銘曰

天生淑德實俾寫家恃能柔順深弃嬌奢詎離環珮
不御鈿華其婦道允諧母儀貞美每仕誠夫停食訓
子賦掩西京書教內史其門容高憲庭列長筵男乘
翠鳳女比紅蓮繁華貴里寂寞安禪其食必單笥衣
無重采已庶愛河長游法海石寫虛封玉顏如在其
繁霜密雪碎菊摧蘭山花喜靜
春寒平原松柏
誰忍迴看其

唐故京兆尹長山公韓府君墓誌銘

并序

嗚呼謂天未喪斯文宣尼去魯而無祿謂天果輔有
德樂毅辭燕而不歸夫子處順而終穆伯猶毀以請
飾棺置塋返葬於周公諱某字某本出昌黎今爲京
兆人也其先或方一衣赤舄介圭覲王朱英綠滕執
評擣敵周末謂侯相王始啓宜陽漢初功臣定封亦
荒岱郡曾祖某某官某乙祖某隱居不仕父某御史
大夫太子賓客封長山公遁世者名高善卷黔婁事
君者位至倪寬卜式公即長山府君之長子也神言
有公侯之徵兒戲陳俎豆之法學成孫叔狀類咎繇
工若于應文以經國舉甲科試右拾遺天祿閣校文

獻子雲之賦句馬生驟諫稱公高之官拜監察御史
兵部員外郎埋輪憲府奏記効大將軍賜筆禮闈董
戎從小司馬轉度支郎中除給事中度錢穀之盈虛
以均九賦執制詔之可否以辨五書置王令於水源
豐國財於天府尋知吏部選事興廢繼絕不遏前人
之光選賢授能必當庶尹之任旌乎淑慝御以清通
除許州刺史荊州大都督府長史山南採訪使坐南
陽令貶洪州都督遷蒲州刺史所履之官政皆尤異
黜陟使奏課第一徵爲京兆尹外家公主敢縱蒼頭
廬兒黠吏惡少自擒赭衣偷長恥用鉤距得情好以
春秋輔議奏事盡成律令爲吏飾以文儒上悅其純

方委以政頃坐營谷口別業貶高平太守又坐長安
令有罪貶吳興郡別駕諸葛田園未啓明主華陰傾
巧卒敗名儒天寶九載六月二十一日寢疾薨於官
舍享年六十有五暨國家推五運之紀按千歲之統
開釋天地與之更始宥万方之未招蘇叙百官之卒
爵秩苟有位者咸得預焉而公淚然不見及也虛蒙
大賴重以爲哀夫人河東柳氏父某某官言妃齊侯
實惟宋子人傳夫人之禮家有大家之書以開元五
年六月五日先公而卒以天寶十載十月二十四日
合祔陪於藍田鹿原長山公先塋禮也長子曰某居
憂而卒次子某嗣子其前殿中侍御史貶晉陵郡司

戶次子某等倚廬野次方銜枕言之哀輿視歸來尚
抱長沙之譴公子之輸力王室公之紀勲太常言於
國竭情無私理於家陳信無愧降年不永非命而何
誌則有由或題季子之墓宅不改卜素有滕公之銘
銘曰

帝問發之苗裔兮受介圭以建侯中裂土以分晉又
王韓兮呂既有此內美幼忠信兮爲乘登麒麟兮刑
白虎冠獬豸兮奮蒼鷹朝含香兮禮闈夕青瑣兮黃
扉方天公兮密啓建出牧兮高麾俄入守兮京兆賜
黃金兮被皂衣捐余珮兮江中隱思若兮不可窮歌
泰山兮不返夢濟洹兮遂空素車兮逶遲宛鄉關兮

故侍望國門兮不入到秦山兮不知瞻舊域兮松楸
平原夕兮素漣愁魂兮歸來江南不可以人留

唐故潞州刺史王府君夫人榮國夫人墓誌

銘并序

夫人姓盧氏范陽人也昔堯命伯夷典秩宗號太常
爲尚父桓襄之祭公子食盧卽金故人王於大國越
石從事官至中郎曾祖士會隋行臺侍御史祖某皇
朝奉禮郎父某豪淄卽等三州刺史持斧衣繡威加
不法黃玉瘞帛舉無違禮守臨淄而齊兒不詐去臨
卽而蜀物盡留夫人卽府君之長女積累世之德鍾
二門之美儀表秀整進止詳閑不咨保傳動由詩禮

既以士旋冠時遂歸齊大之偶入持門戶內事舅姑
枕席溫清於堂上環珮逶迤於堂下不脫簪珥親當
澣濯玄纁可實於筐篚粢盛可獻於宗廟魚軒或駕
翟茀而朝衆婦於是脩容天人專之以禮克贊君子
累至大官雅政清德實多左右潞州早世深秉義方
母儀而則庭訓不替女史之學多讚大家之書衆婦
之儀盡稟夫人之法天與盛德不降永年以某月日
寢疾薨於長安善和里享年若干以某月日合祔某
山原禮也子某某官淳孝之性泣血待盡永惟令德
固不可泯彰示後爲刊于石銘曰
有姜之後或色於廬歷代種德示有稱狐從事文府

恨轡長途其一憲府持法奉常秉禮皇考專城晉章郡
卹厚德重跡深仁繼躋其二降生哲人其行惟惇儀形
衆庶門冠諸姻齊姜宋子敢望清塵其三君子之貳實
聞高義乃躬澣濯先晨簪珥穆及外親敬是中饋其四
珠儀既峻庭訓載揚子以才貴煌煌寵章馳暉難駐
令問空長其五壽宮既啓高堂永寂千秋萬古山川松
栢紀德誌行唯茲貞石其六

汧陽郡太守王公夫人安喜縣君成氏墓誌

銘并序

夫人字某某郡人也其先周成王之後古之錫姓命
氏或以先父之識官或因始祖之名謚漢魏以降史

謀詳焉曾祖休寧某官祖某某官襲封常山公貳公
執帛調護儲闈九伯剖符典司方岳漢雄左輔實拜
翁歸周命僕臣惟茲伯固夫人即太僕府君之弟二
女也世有明訓家無遺德蕙心紈質豈曰師成螭首
蛾眉柳雅天與同雲降雪常聞柳絮之詩獻歲發春
即賦椒花之頌言事姑舅宜其家室寢門纔闢笄六
珈而問安擊鍾未晞具入遵而獻饋滌朱與綠不愆
公子之衣采藻及蘋有甚季姜之祭魚軒翟茀爲諸
侯之夫人鳴珮垂環對有國之君子綺疏寓目助選
賢人青帳藩身用酬高論善持門戶能睦族姻誠良
人之從畋不啻原獸訓愛子之爲政遂返池魚言成

大家之書行爲衆婦之法至於彈琴製賦纂組攻書
具舉百事之能仍居四德之外嗚呼降年不求春秋
五十以某載月日薨於長安平康里之私第某月日
祔于咸陽淇濱原之先塋禮也不獲偕老空傷奉倩
之神未始有生誰達莊周之理長子濡前某官次子
澄某官次曰某某官及女等連連泣血勞勞在疚哀
纏聖善痛七子之無依文叙塞淵與九原之可識乃
爲銘曰

齊侯之子兮衛侯之妻膚如凝脂兮手如柔荑奉初
之嘉訓兮淑德曰躋供養兮姑舅簪珥問安兮先夜
漏
兮玄纁具五獻兮遵豆翟茀兮錦衣駕魚

軒方來歸從如雲兮滿中闈忽形沈兮影絕夫傷神
兮子泣血悲餘澤兮猶在怨迴紋兮未滅返葬兮咸
陽寒天暮兮渭水長嗟梧桐兮半死無雙飛兮鳳皇
故任城縣尉裴府君墓碑銘

天寶二年正月十二日唐故魯郡任城縣尉河東裴
府君卒於西京新昌坊私第享年三十九嗚呼哀哉
君諱回字玉溫河東聞喜人也曾祖弘春皇雍州錄
事參軍贈上黨長史祖思義皇侍御史吏部員外左
司郎中戶部吏部侍郎河東郡太守晉城縣開國子
父敷珍皇薛王府騎曹參軍自晉已降世爲冠族令
德不替以至於君夫其事親孝兄弟順與朋友信其

從政公平而壽不中年官才一命慈母在堂諸弟未
仕兒未有識女且嬰孩妻夭於前身歿於後天可問
邪其若老親何其若季仲諸孤何生人之悲莫甚於
是家貧祭以棗脯殮以時服以某年月日祔葬於鳳
樓原先府君之塋嗚呼有河東裴子之墓誌之蓋古
有之繼後之知者亦何有哉銘曰

一死兮紀終天不復爲之奈何哀哀慟哭覆載至廣
庶類繁育万物去春

就于木溫時何之山川陵陵

門纔闢笄六珈而問安擊鍾未
晞具入遵而獻饋漆朱與綠不愆公子之衣採藻及
蘋有甚季姜之祭魚軒轍爲諸侯之夫人鳴珮垂環


對有國之君子綺䟽寓目助選長取用鈞拒得情好
以春秋輔義奏事盡成律令爲吏飾以文儒上悅其
純方倚以政須坐營谷口別業貶高平太守又坐安
令有罪貶吳興郡別駕諸葛田園未啓明主華陰傾
巧卒敗名儒天寶九載六月二十一日寢疾薨於官
舍享年六十有五暨國家推五運之紀按千歲之純
開釋天地與之更始有万方之未昭蘇叙百官之喪
職秩苟有位者咸得預焉而公泯然不良及也虛蒙
大賴重以爲哀夫人河東柳氏祖某某官言配齊侯
實惟來子人傳夫人之禮家有大家之書以開元五
年五月六日先公而卒至是以天寶十載十月二十

四日合祔塋藍田白鹿原長山公先塋禮也長子曰
某官居憂而卒子某嗣子某前殿中侍御史貶晉陵
郡司戶次子某等倚廬野以方銜枕野之哀興櫬歸
來尚抱長沙之謫公之輸力王室公之紀勲太常官
於國竭情無私理於家陳信無媿降年不永非命而
何誌則有由或題季子之墓長改上素有滕公之銘
銘曰闕



王摩詰文集卷第八





王摩詰文集

九卷

十卷

北宋本

第六冊



王摩詰文集卷第九

雜詩

送魏郡李太守赴任

與君伯氏別又欲與君離君行無幾日當復隔山陂
蒼茫秦川盡日落桃林塞獨樹臨關門黃河向天外
前經洛陽陌宛洛故人稀故人離別盡淇上轉驂駟
企予悲送遠惆悵睢陽路古木官渡平秋城鄴宮故
想君行縣日其出從如雲遙思魏公子復憶李將軍
送祕書朝監還日本國

積水不可極安知滄海東九州何處遠万里若乘空
向國惟看日歸帆但信風鼉身映晚黑魚眼射波紅



鄉樹扶桑外主人孤島中別離方異域音信若爲通
祢郎中

東郊春草色驅馬去悠悠况復鄉山外猿啼湘水流
島夷傳露坂江館候鳴騶卉服爲諸吏珠官拜本州
孤鶯吟遠墅野杏發山郵早晚方歸奏南中纔忌秋
送李判官赴江東

聞道皇華使方隨皂蓋臣封章通左語冠冕化文身
樹色分楊子潮聲滿富春遙知辨壁吏恩到泣珠人
送康太守

城下滄江水江邊黃鸝樓朱欄將粉堞江水映悠悠
鐃吹發夏口使君居上頭郭門隱楓岸候吏趨蘆洲

何異臨川郡還勞康樂侯

送陸貞外

郎署有伊人居然古人風天子顧河北詔書除征東
拜手辭上官緩步出南宮九河平原外七國薊門中
陰風悲枯桑古塞多飛蓬万里不見虜蕭條胡地空
無爲費中國更欲邀奇功遲遲前相送握手詰異同
行當封侯歸肯訪商山翁

送封太守

忽解羊頭削聊馳熊首轡揚舲發夏口按節向吳門
帆映丹陽郭楓藏赤岸村百成多候吏露冕一何尊
送王尊師歸蜀中拜掃

大羅天上神仙客濯錦江頭花柳春不爲碧雞稱使者唯令白鶴報鄉人

送崔五太守

長安廐吏來到門未央露網動行軒黃花縣西九折坂玉樹南宮五丈原褒斜谷中不容幘唯有白雲當露冕子午山裏杜鵑啼嘉陵水頭行客飯劔門忽斷蜀川開萬井雙流蒲眼來露中遠樹刀州出天際澄江巴字迴使君年幾三十餘少年白晢專城居欲持畫省郎官草迴與臨邛父老書

送宇文太守赴宣城

遼落雲外山迢遙舟中賞鐃吹發西江秋空多清響

地迴古城蕪月明寒潮廣時賽荀亭神復解罟師網何處寄相思南風搖五兩

送嚴秀才還蜀

寧親爲令子似舅即賢甥別路經花縣還鄉入錦城山臨青塞斷江向白雲平獻賦何時至明君憶長卿

送李睢陽

將置酒思悲翁使君去出成東麥漸漸雉子班槐陰陰到童關騎連連

車連連心中悲宋又遠周間之南淮夷東齊兒碎碎織練與素絲遊人賈客信難時五穀前熟方可爲下車閉閣君當思天子當殿儼衣裳太官尚食陳羽觴

彤庭散綬垂鳴璫黃紙詔書出東廂輕紉疊綺爛生
光宗室子弟君最賢分憂當爲百辟先布衣一言相
爲死何況聖主恩如天鸞聲噦噦魯侯旂明年上計
朝京師湏憶今日斗酒別慎勿富貴忘我爲

送張判官赴河西

單車曾出塞報國敢邀勲見逐張征虜今思霍冠軍
沙平連白雪蓬卷入黃雲慷慨倚長劍高歌一送君

送岐州源長史歸

同在崔常侍幕中時常侍已歿

握手一相送心悲安可論秋風正蕭索客散孟嘗門
故驛通槐里長亭下堇原征西舊從此旌節向河源
送綦累祕書弃官還江東

明時久不達弃置與君同天命無怨色人生有素風
念君拂衣去四海將安窮秋天万里淨日暮澄江空
清夜何悠悠扣舷明月中和光魚鳥際澹尔蒹葭叢
無庸客昭世衰鬢白如蓬頑踈暗人事僻陋遠天聰
微物縱可採其誰爲至公余亦從此去歸耕爲老農

送張道士歸山

先生何處去玉屋訪茅君別婦留丹訣驅雞入白雲
人間若剩住天上復離群當作遼城鶴仙歌使尔聞
送元二使安西

渭城朝雨裊輕塵客舍青青柳色春勸君更盡一杯
酒西出陽關無故人

一作依依楊柳春

奉送六舅歸陸渾

伯舅吏淮泗卓魯方喟然悠哉自不競退耕東臯田
條桑臘月下種杏春風前酌醴賦歸去共知陶令賢

送方尊師歸嵩山

仙官欲住九龍潭毛節朱幡倚石龕山壓天中半天
上洞穿江底出江南瀑布衫松常帶雨夕陽彩翠忽
成嵐借問迎來雙白鶴已曾衡岳送蘇耽

同崔興宗送瑗公

言從石菌閣新下穆陵關獨向池陽去白雲留故山
綻衣裏洗鉢古松間一施傳心法唯將戒定還

同前

崔興宗

行苦神亦秀泠然溪上松銅瓶與竹杖來自祝融峯
常願入靈岳藏經訪遺蹤南歸見長老且爲說心曾
送錢少府還藍田

草色日向好桃源人去稀手持平子賦目送老萊衣
每候山櫻發時同海鷺歸今年寒食酒應是返柴扉
留別錢起

早栖却得性每與白雲歸徇祿仍懷橘看山免采薇
暮禽先去馬新月待開扉霄漢時回首知音青瑣闥
送丘爲往唐州

宛洛有風塵君行多苦辛四愁連漢水百口寄隨人
槐色陰清晝楊花惹暮春朝端肯相送天子繡衣臣

留別丘爲

歸鞍白雲外，繚繞出前山。今日又明日，自知心不閑。
親勞簪組送，欲赴鶯花還。一步一迴首，遲遲向近關。

送元中丞轉運江淮

薄賦歸天府，輕徭賴使臣。歡霑賜帛老，恩及卷綃人。
去問珠官俗，來經石劫春。東南高亭上，莫使有風塵。

送別

下馬飲君酒，問君何所之。君言不得意，歸卧南山陲。
但去莫復問，白雲無盡時。

送張五歸山

送君盡惆悵，復送何人歸。幾日同携手，一朝先拂衣。

東山有茅屋，幸爲掃荆扉。當亦謝官去，豈令心事違。

齊州送祖三

相逢方一笑，相送還成泣。祖帳已傷離，荒城復愁入。
天寒遠山淨，日暮長河急。解纜君已遙，望君猶佇立。

送別

送君南浦淚如絲，君向東州使我悲。爲報故人顛顚願，
盡如今不似洛陽時。

送崔九興宗遊蜀

送君從此去，轉覓故人稀。徒御猶回首，田園方掩扉。
出門當旅食，中路授寒衣。江漢風流地，遊人何歲歸。

送熊九赴任安陽

魏國應劉後寂寥文雅空漳河如舊日之子繼清風
阡陌銅臺下閭閻金虎中送車盈灞上輕騎出關東
相去千餘里西園明月同

送崔興宗

己恨親皆遠誰憐友復稀君王未西顧遊官盡東歸
塞迥山河靜天長雲樹微方同菊花節相待洛陽扉

送縉雲苗太守

手疏謝名王曹章爲長吏方從會稽郊更發汝南騎
按節下松陽清江響饒吹露冕見三吳方知百城貴

送李太守赴上洛

商山包楚鄧積翠藹沈沈驛路飛泉灑關門落照深

野花開古戍行客響空林板屋春多雨山城晝欲陰
丹泉通號略白羽抵荆岑若見西山爽應知黃綺心

送從弟蕃遊淮南

讀書復騎射帶劍遊淮陰淮陰少年輩千里遠相尋
高義難自隱明時寧陸沈島夷九州外泉館三山深
席帆聊問罪卉服盡成擒歸來見天子拜爵賜黃金
忽思鱸魚膾復有滄州心天寒蒹葭渚日落雲夢林
江城下楓葉淮上聞秋砧送歸青門外車馬去駸駸
惆悵新豐樹空餘天際禽

送平澹然判官

不識陽關路新從定遠侯黃雲斷春色盡角起邊愁

瀚海經年到交河出塞流
湏令外國使知飲月支頭

送孫秀才

帝城風日好况復建平家
玉枕雙文簾金盤五色瓜
山中無魯酒松下飯胡麻
莫厭田家苦歸期遠復賒

送韋評事

欲逐將軍取右賢沙場走馬向居延
遙知漢使簫關外愁見孤城落日邊

送權二

高人不可有清論復何深
一見如舊識一言知道心
明時當薄宦解薛去中林
芳草空隱處白雲餘故岑
韓侯久攜手河岳共幽尋
悵別千餘里臨堂鳴素琴

送高道弟耽歸臨淮作

座上成

少年客淮泗落魄居下邳
遨遊向燕趙結客過臨淄
山東諸侯國迎送紛交馳
自尔厭遊俠閉户方垂帷
深明戴家禮頗學毛公詩
備知經濟道高卧陶唐時
聖主詔天下賢人不得遺
公吏奉纁組安車去茅茨
君王蒼龍闕九門十二達
羣公朝謁罷冠劍下丹墀
野鶴終踉蹌威鳳徒參差
或問理人術但致還山詞
天書降北闕賜帛歸東菑
都門謝親故行路日逶遲
孤帆万里外淼漫將何之
江天海陵郡雲日淮陰祠
杳冥滄洲上蕩漭無人知
緯蕭或賣藥出處安能期

送劉司直赴安西

學詩
絕域陽關道胡沙與塞塵三春時有鴈万里少行人
昔若隨天馬蒲陶逐漢臣當令外國懼不敢覓和親
送別

聖代無隱者英靈盡來歸遂令東山客不得顧采薇
既至金門遠孰云吾道非江淮度寒食京洛縫春衣
置酒臨長道同心與我違行當浮柱棹未幾拂荆扉
遠樹帶行客孤城當落暉吾謀適不用勿謂知音稀
靈雲池送從弟

金杯緩酌清歌轉畫舸輕移豔舞迴自歎鵲鴒臨水
別不同鴻鴈向池來

送趙都督赴代州 得青字

天官動將星漢沚柳條青万里鳴刀斗三軍出井陘
志身辭鳳闕報國取龍庭豈學書生輩窓中老一經
臨高臺送黎拾遺

相送臨高臺川原杳何極日暮飛鳥還行人去不息
送方城韋明府

遙思葭茨際遼落楚人行高鳥長淮水平蕪故郢城
使車聽雉乳縣鼓應雞鳴若見州從事無嫌手板迎
送李負外賢郎

少年無處去負米上銅梁借問阿戎父知爲童子郎
魚牋請詩賦撞布作衣裳薏苡扶衰疾歸來幸可將
送梓州李使君

萬壑樹參天，千山響杜鵑。山中一半雨，樹杪百重泉。
漢女輸檀布，巴人訟芋田。文翁翻教授，不敢倚先賢。
送楊少府貶郴州

明到衡山與洞庭，若爲秋月聽猿聲。愁看北渚三湘客，惡說南風五兩輕。青草瘴時過夏口，白頭浪裏出湓城。長沙不久留才子，賈誼何須弔屈平。

送張諲歸宣城

五湖千万里，況復五湖西。漁浦南陵郭，人家春穀溪。
欲歸江淼淼，未到草萋萋。憶想蘭陵鎮，可宜狹更啼。
送友人南歸

萬里春應盡，三江鴈亦稀。連天漢水廣，孤客郢城歸。

鄭國稻苗秀，楚人菰菜肥。懸知倚門望，遙識老萊衣。
送賀遂負外甥

南國有歸舟，荆門沂上流。蒼茫葭葦外，雲水與昭丘。
牆帶城烏去，江連暮雨愁。猿聲不可聽，莫待楚山秋。
送楊長吏赴果州

褒斜不容憶，之子去何之。鳥道一千里，猿啼十二時。
官橋祭酒客，山木女郎祠。別後同明月，君應聽子規。
送張舍人佐江州同薛璩十韻走筆成

束帶趨承明，守官唯謁者。清晨聽銀蚪，薄暮辭金馬。
受辭未嘗易，當是方知寡。清範何風流，高文有風雅。
忽佐江上州，當自潯陽下。逆旅到三湘，長途應百舍。

香爐遠峯出石鏡澄湖瀉董鳳杏成林陶潛菊誰把
范蠡常好之廬山我心也送君思遠道欲以數行灑
送韋大夫東京留守

人外遺世慮空端結遐心曾是巢許淺始知堯舜深
蒼生詐有物黃屋如喬林上德撫神運中和穆宸襟
雲雷康屯難江海遂飛沉人工寄人英龍袞瞻君臨
名器苟不假保釐固其任素質貫方領清景照華簪
慷慨念王室從容獻官箴雲旗蔽三川畫角發龍吟
晨揚天漢聲夕卷大河陰窮人業已寧逆虜遺之擒
然後解金組拂衣東山岑給事黃門省秋光正沉沉
壯心與身退老病隨年侵君子從相訪重玄其可尋

送邢桂州

銑吹喧京口風波下洞庭赭圻將赤岸擊汰復揚舠
日落江湖白潮來天地青明珠歸合浦應逐使臣星
送宇文三赴河西充行軍司馬

山中送別

橫吹雜繁笳邊風卷塞沙還聞田司馬更逐李輕車
蒲壘成秦地蒹丘屬漢家當令大戎國朝聘學良邪
山中相送罷日暮掩柴扉春草明年綠王孫歸不歸
資聖寺送廿二

浮生信如寄薄宦夫何有來往本無歸別離方此受
柳色蘆花春餘槐陰清夏首不學御溝上街悲執杯酒

送孫二

郊外誰相送夫君道術親書生鄒魯客才子洛陽人
祖席依寒草行車起暮塵山川何寂寞長望淚霑巾

送崔三往密州觀省

南陌去悠悠東郊不少留同懷扇枕戀獨念倚門愁
路繞天山雪家臨海樹秋魯連功未報且莫蹈滄州

送沈子歸江東

楊柳渡頭行客稀罟師盪漿向臨圻唯有相思似春
色江南北去送君歸

送丘為落弟歸江東

憐君不得意況復柳條春為客黃金盡還家白髮新

五湖三畝宅萬里一歸人知爾不能薦羞為獻納臣
留別山中溫古上人兄并示舍弟縉

解薜登天朝去師偶時哲豈唯山中人兼負松上月
宿昔同遊止致身雲霞末開軒臨潁陽臥視飛鳥沒
好依盤石飯屢對瀑泉渴理齊小狎隱道勝寧外物
舍弟官崇高宗兄比削髮荆扉但灑掃乘閑當過歇
觀音者

青青楊柳陌陌上別離人愛子遊燕趙高堂有老親
不行無可養行去百憂新切切委兄弟依依向四隣
都門障飲畢從此謝親賓揮涕逐前侶含悽動征輪
車徒望不見時見起行塵吾亦辭家久看之淚滿巾

別涕繒後登青龍寺望藍田山

陌上新別離蒼茫四郊晦登高不見君故山復雲外
遠木蔽行人長天隱秋塞心悲宜遊子何處飛征蓋

別輞川別業

依遲動車馬惆悵出松蘿忍別青山去其如綠水何

同前

王綰

山月曉仍在林風涼不絕殷勤如有情惆悵令人別

別弟妹二首

兩妹日成長雙鬢將及人已能持寶瑟自解掩羅巾
念昔別時少未知踈與親今來始離恨拭淚方殷動
小弟吏陔幼歸來不相識同居雖漸慣見人猶未覓

宛作越人語殊甘水鄉食別此最爲難淚盡有餘憶

崔九弟欲往南馬上口號與別

城隅一分首幾日還相見山中有桂花莫待花如霰

同前

裴迪

歸山深淺去須盡丘壑美莫學武陵人暫遊桃源裏

留別

崔興宗

駐馬欲分襟清寒銜溝上前山景氣佳獨往還惆悵

別綦母潛

端笏明光宮歷檢朝雲陛詔刊延閣書高議平津邸
適意輕偶人虛心削繁禮盛得江左風弥工建安躋
高張多絕絃截河有清濟嚴冬爽群木伊洛方清泚

渭水水下流潼關雪中啓荷篠幾時還塵纓待君洗

新晴野望

新晴原野曠極目無氛垢郭門臨渡頭村樹連溪口
白水明田外碧峯出山後農月無閑人傾家事南畝

漢江臨汎

楚塞三湘接荆門九派通江流天地外山色有無中
郡邑浮前浦波瀾動遠空襄陽好風月留醉與山翁
登辨覺寺

竹逕從初地蓮峯出化城窓中三楚盡林上九江平
輭草承趺坐長松響梵聲空居法雲外觀世得無生
涼州郊外遊望

野老纔三戶邊村少四隣婆娑依里社簫鼓賽田神
灑酒澆芻狗焚香拜木人女巫紛屢舞羅襪自生塵

觀獵

風勁角弓鳴將軍獵渭城草枯鷹眼疾雲盡馬蹄輕
忽過新豐市還歸細柳營迴看射鵰處千里暮雲平

遊化感寺

翡翠香煙合琉璃寶地平龍宮連棟宇虎穴傍簷楹
谷靜唯松響山深無鳥聲瓊峯當戶拊金澗透林明
郢路雲端迥秦川雨外晴鳳王銜菓獻鹿女踏花行
斗擲辭貧里歸依宿化城遶籬生野蕨空館發山櫻
香飯青菰米嘉蔬紫芋羹誓陪清梵未端坐學無生

遊悟真寺

聞道黃金地仍開白玉田
擲山移巨石咒嶺出飛泉
猛虎同三逕愁猿學四禪
買香燃綠桂乞火踏紅蓮
草色搖霞上松聲泛月邊
山河窮百二世界滿三千
梵宇聊憑視王城遂眇然
灞陵才出樹渭水欲連天
遠縣分朱郭孤村起白煙
望雲思聖主披露憶群賢
薄宦慙尸素終身擬尚玄
誰言草庵客曾和栢梁篇
寒食城東即事

清溪一道穿桃李演漾綠蒲涵
白芷溪上人家凡幾家
落花共落東流水蹴踘屢過飛鳥上
鞦韆競出垂楊裏
少年分日作遨遊不用清明兼上巳

春日上方即事

好讀高僧傳時看辟穀方
鳩形將刻杖龜殼用支牀
柳色春山映花明夕鳥藏
此窓桃李下閑坐但焚香

晦日遊大理寺韋卿城南別業

四聲次用各六韻

與世澹無事自然江海人
側聞塵外遊解驂輒朱輪
平野照暄景上天垂春雲
張組竟北早汎舟過東隣
故鄉信高會牢醴及佳辰
幸同擊壤樂心荷堯爲君
一作家目

外居杜陵下永日同攜手
人里靄川陽平原見峯首
園廬鳴春鳩林薄媚新柳
上卿始登席故老前爲壽
臨當游南陂約略執杯酒
歸歟絀微官惆悵心自各

冬中餘雪在墟上春流駛風日揚懷抱山川好天氣
彫胡先晨炊庖膾亦後至高情浪海嶽浮生寄天地
君子外簪纓埃塵良不啻所樂衡門中陶然忘其貴
高館臨澄陂曠然蕩心目澹淡動雲天玲瓏映墟曲
鵲巢結空林雉雉響幽谷應接無閑暇徘徊以躑躅
紆組上春堤側弁倚喬木弦望忽已晦後期洲應綠
冬日遊覽

步出城東門試騁千里目青山橫蒼林赤日圍平陸
渭北走邯鄲關東出函谷秦地万方會來朝九州牧
雞鳴咸陽中冠蓋相追逐丞相過列侯羣公餞光祿
相如方老病獨歸茂陵宿

汎前

秋空自明迥況復遠人間揚以沙際鸛兼之雲外山
登陂澹將夕清月皓方閑此夜任孤棹夷猶殊未還

遊李山人所居因題屋壁

世上皆如夢狂來或自歌問年松樹老有地竹林多
藥倩韓康賣門容尚子過翻嫌枕席上無那白雲何
與盧蘇二負外期遊方丈寺而蘇不至因有
是作

共仰頭陀行能忘世諦情迴看雙鳳闕相去一牛鳴
法向空林說心隨寶地平手中花艷淨香帔稻畦成
聞道邀同舍相期宿化城安知不來徃翻得似無生

登河北城樓作

井邑傳巖上客亭雲霧間高城眺落日極浦映蒼山
岸火孤舟宿漁家夕鳥還寂寥天地暮心與廣川閑
登裴秀才迪小臺

端居不出戶蒲目望雲山落日鳥邊下秋原人外閑
遙知遠林際不見此簷間好客多乘月應門莫上關

王摩詰文集卷第九

王摩詰文集卷第十

逆旅

雜題

哀傷

詩八十九首

曉行巴峽

除曉投巴峽餘春憶帝京晴江一女浣朝日衆雞鳴
水國舟中市山橋樹杪行登高万井出眺迥二流明
人作殊方語鴛鴦爲舊國聲賴諳山水趣稍解別離情
一本作衆禽鳴

出塞作

時爲監察塞上作

居延城外獵天驕白草連天野火燒暮雲空磧時驅
馬秋日平原好射鵰護羌校尉朝乘障破虜將軍夜
渡遼王靶角弓珠勒馬漢家將賜霍嫖姚



自大散已往深林密竹蹊道盤曲四五十里
至黃牛嶺見黃花川

危逕幾萬轉數里將三休迴環見徒侶隱映隔林丘
颯颯松上雨潺潺石中流靜言深溪裏長嘯高山頭
望見南山陽白露靄悠悠青臯麗已淨綠樹鬱如浮
曾是猷蒙密曠然消人憂一作南陽川

被出濟州

微官易得罪謫去濟州陰執政方持法明君無此心
閭閻河潤上井邑海雲深縱有歸來日多愁年鬢侵
休假還舊業便使

謝病始告歸依依入桑梓家人皆佇立相俟倚門裏

時輩皆長年成人舊童子上堂嘉慶畢顧與姻親盛
論舊忽餘悲目存且相喜田園轉蕪沒但有寒泉水
衰柳日蕭條秋光清邑里入門乍如客休騎非便止
中飲顧王程離憂從此始

早入滎陽界

汎舟入滎澤茲邑乃雄藩河曲閭閻隘川中煙火繁
因人見風俗入境聞方言秋野田疇盛朝光市井喧
漁商波上客雞犬岸傍村前路白雲外孤棹安可論

寒食汜上作

廣武城邊逢暮春汶陽歸客淚沾巾落花寂寂啼山
鳥楊柳青青渡水人

宿鄭州

朝與周人辭暮投鄭人宿他鄉絕儔侶孤客親僮僕
宛洛望不見秋霖晦平陸田父草際歸村童雨中牧
主人東臯上時稼遶茅屋虫思機杼悲雀喧禾黍熟
明當渡京水昨晚猶金谷此去欲何言窮邊食微祿
千塔主人

逆旅逢佳節征帆未可前
窓臨汴河水門渡楚人船
雞犬散墟落桑榆陰遠田所居人不見枕席生雲煙
使至塞上

單車欲問邊屬國過居延
征蓬出漢塞歸鴈入胡天
大漠孤煙直長河落日圓
蕭關逢候吏都護在燕然

渡河到清河作

汎舟大河裏積水窮天涯
天波忽開拆郡邑千万家
行復見城市宛然有桑麻
迴瞻舊鄉國淼漫連雲霞
苦熱

赤日滿天地火雲成山岳
草木盡焦卷川澤皆竭涸
輕紉覺衣重密樹苦陰薄
莞簞不可近絺綌再三濯
思出宇宙外曠然在寥廓
長風万里來江海蕩煩濁
卻顧身爲患始知心未覺
忽入甘露門宛然清凉藥

納涼

喬木萬餘株清流貫其中
前臨大川口豁達來長風
連漪涵白沙素鮪如遊空
偃卧盤石上翻濤沃微躬

漱流復濯足前對釣魚翁貪餌九幾許徒思蓮葉東
濟上四賢詠三首

崔錄事

解印歸田里賢哉此丈夫少年曾任俠晚節更爲儒
遁世東山下因家倉海隅已聞能狎鳥余欲共乘桴
成文學

寶劍千金裝登君白玉堂身爲平原客家有邯鄲倡
使氣公卿坐論心遊俠場中年不得志謝病客遊梁

鄭霍二山人

翩翩繁華子多出金張門幸有先人業早蒙明主恩
童年且未學肉食驚華軒豈乏中林士無人薦至尊

鄭公老泉石霍子安丘樊賣藥不二價著書盈萬言
息陰無惡木飲水必清源吾賤不及議斯人竟誰論
偶然作六首

楚國有狂夫茫然無心想散髮不冠帶行歌南陌上
孔丘與之言仁義莫能獎未能皆問天何事須擊壤
復笑采薇人胡爲乃長往

田舍有老翁垂白衡門裏有時農事閑斗酒呼鄰里
喧聒茅簷下或坐或復起短褐不爲薄園葵固足美
動則長子孫不曾向城市五帝與三王古來稱君子
干戈將揖讓畢音何者是得意苟爲樂野田安足鄙
且當忘懷去行行沒餘齒

日夕見太行沉吟未能去問君何以然世網嬰我故
小妹日成長兄弟未有娶家貧祿既薄儲畜非有素
幾迴欲奮飛踟躕復相顧孫登長嘯臺松竹有遺處
相去詎幾許故人在中路愛染日已薄禪寂日已固
忽呼吾將行寧俟歲云暮

陶潛任天真其性頗耽酒自從弃官來家貧不能有
九月九日時菊花空滿手中心切自思儻有人送否
白衣攜壺觴果來遺老叟且喜得斟酌安問升與斗
奮衣野田中今日嗟無有兀傲迷東西蓑笠不能守
傾倒強行行酣歌歸五柳生事不曾問肯愧家中婦
趙女彈箜篌復能邯鄲舞夫婿輕薄兒聞雞事齊主

黃金買歌笑用錢不復數許史相經過高門盈四牡
客舍有儒生昂藏出鄒魯讀書三十年夢間無尺組
被服聖人教一生自窮苦

老來懶賦詩唯有老相隨宿世謬詞客前身應畫師
不能捨餘習偶被世人知名字本皆是此知還不知

西施詠

艷色天下重西施寧父微朝爲越溪女暝作吳宮妃
賤日豈殊衆貴來方悟稀邀人傳脂粉不自着羅衣
君寵益嬌恣君憐無是非當時浣紗伴莫得同車歸
持謝鄰家子數顰安可希

李陵詠

時年十九

漢家李將軍三代將門子結髮有奇策少年成壯士
長驅塞上兒深入單于壘旌旗列相向簫鼓悲何已
日暮沙漠陲戰聲煙塵裏將令騎虜滅豈獨名王侍
既失大軍援遂嬰穹廬耻少小蒙漢恩何堪坐思此
深衷欲有報投軀未能死引領望子卿非君誰相理

燕子龕禪師詠

山中燕子龕路劇羊腸惡裂地競盤屈插天多峭崿
瀑泉吼而噴怪石看欲落伯禹訪未知五丁愁不鑿
上人無生緣生長居紫閣六時自槌磬一飲常帶索
種田燒白雲斫漆響丹壑行隨拾栗猿歸對巢松鶴
時許山神請偶逢洞仙博救世多慈悲即心無行作

周商倦積阻蜀物苦淹泊巖腹乍旁穿澗唇時外拓
橋因倒樹架柵值垂藤縛鳥道悉已平龍宮爲之涸
跳波誰揭厲絕壁免捫摸山木日陰陰結跏端舊林
一向石門裏任君春草深

息夫人

時年二十

莫以今時寵難忘舊日恩看花滿眼淚不共楚王言

班婕妤好三首

玉窻螢影度金殿人聲絕秋夜守羅帷孤燈耿不滅
宮殿生秋草君王恩幸疎那堪聞鳳吹門外度金輿
怪來粧閣閉朝下不相迎揔向春園裏花間語笑聲

晚春閨思

切校誤呂鈔作勿

從人疇不閫呂作歸

田訶相呂作植

霜雙又霜呂作霜

新粧可憐色落日卷羅帷爐氣清珍簾牆陰上玉墀
春虫飛網戶暮雀隱花枝向晚多愁思閑窗桃李時
羽林騎閨人

秋月臨高城城中管絃思離人堂上愁稚子堦前戲
出門復映戶望望青絲騎行人過欲盡征夫終不至
左右寂無言相看共垂淚

戲題示蕭氏外甥

憐了解臨池渠爺未學詩老夫何足似弊宅儻因之
蘆笋穿荷葉菱花冒鴈兒卻公不易勝莫著外家欺
冬夜書懷

冬宵寒且永夜漏宮中發草白霜繁霜木哀澄清月

麗服映頰顏朱燈照華髮漢家方尚少顧影慙朝謁
秋夜獨坐

獨坐悲雙鬢空堂欲二更雨中山菓落燈下草虫鳴
白髮終難變黃金不可成欲知除老病唯有學無生
不遇詠

北闕獻書寢不報南山種田時不登百人會中身不
預五侯門前心不能身投河朔飲君酒家在茂陵平
安否且以登山復臨水莫問春風動楊柳今人昨人
多自私成心不說君應知濟人然後拂衣去有作徒
尔一男兒

待緒光義不至

重門朝已啓，起坐聽車聲。要欲聞清珮，方將出戶迎。
晚鍾鳴上苑，疎雨過春城。了自不相顧，臨堂空復情。
聽宮鶯

春樹遶宮牆，宮鶯轉曙光。忽驚啼暫斷，移處弄還長。
隱葉棲承露，攀花出未央。遊人未應返，爲此思故鄉。
聽百舌

上蘭門外草萋萋，未央宮中花裏棲。亦有相隨過御苑，
不知若箇向金堤。入春解作千般語，拂曙能先百鳥啼。
萬戶千門應覺曉，建章何必聽鳴雞。

題友人雲母障子

君家雲母障，時向野庭開。自有山泉入，非因采畫來。

清如玉壺冰 京兆府試時年十九

藏水玉壺裏，水冰類方諸。未共消丹日，還同照綺疏。
抱明中不隱，會淨外疑虛。氣似庭霜積，光言砌月餘。
曉凌飛鵲鏡，霄映聚螢書。若向夫君比，清心尚不如。

劇朝史案

清風細雨濕梅花，驟馬先過碧玉家。正值楚王宮裏
至，門前初下七香車。
一本作適自楚王

紅牡丹

綠豔閑且靜，紅衣淺復深。花心愁欲斷，春色豈知心。

左掖梨花詠

閑灑階邊草，輕隨箔外風。黃鸝弄不足，銜入未央宮。

同前

止爲

冷豔全欺雪餘香乍入衣春風且莫定吹向玉階飛

同前

皇甫冉

巧解迎人笑偏能亂蝶飛春風特入戶幾片落朝衣
早朝二首

皎潔明星高蒼茫遠天曙槐霧語不開城鴉鳴稍去
始聞高閣聲莫辨更衣處銀燭已成行金門儼駟馭
柳暗百花明春深五鳳城城烏睥睨曉宮井轆轤聲
方朔金門侍班姬玉輦迎仍聞遣方士東海訪蓬瀛
菩提寺禁裴迪來相看說逆賊等疑碧池上
作音樂供奉人等舉聲便一時淚下私成口

号誦示裴迪

万户傷心生野煙百寮何日更朝天秋槐葉落空宮
裏凝碧池頭奏管絃

口号又示裴迪

安得捨塵網拂衣辭世喧悠然策黎杖歸向桃花源
春日直門下省早朝

騎省直明光雞鳴謁建章遙聞侍中珮闔識令君香
玉漏隨銅吏天書拜夕郎旌旗映閭闔歌吹滿昭陽
官舍梅初紫宮門柳欲黃願將遲日意同與聖恩長
一作令公

愚公谷三首

青龍寺與黎昕戲題

愚谷與誰去唯將黎子同非湏一處住不那兩心空
寧問春將夏誰論西復東不知吾與子若箇是愚公
吾家愚谷裏此谷本家平雖則行無跡還能響應聲
不隨雲色暗只待日光明緣底名愚谷都由愚所成
借問愚公谷與君聊一尋不尋翻到谷此谷不離心
行處曾無險看時豈有深寄言塵世客何處欲窺林

萬言二首

朱紱誰家子無乃金張孫驪駒從白馬出入銅龍門
問尔何功德多承明主恩闢雞平樂館射雉上林園
曲陌車騎盛高堂珠翠繁奈何軒冕貴不與布衣言
君家御溝上垂柳夾朱門列鼎會中貴鳴珂朝至尊

生死在八議窮達由一言湏識苦寒士莫矜孤白溫

雜詩五首

朝因折楊柳相見洛城隅楚國無如妾秦家自有夫
對人傳玉腕映燭解羅襦人見東方騎皆言夫婿殊
持謝金吾子煩君提玉壺

雙燕初命子五桃新作花王昌是東舍宋玉次西家
小小能織綺時時出浣紗親勞使君問南陌駐香車
家住孟津河門對孟津口常有江南舡寄書家中否
君自故鄉來應知故鄉事來日綺窓前寒梅着花未
已見寒梅發復聞啼鳥聲心心視春草畏向階前生
獻始興公 時拜右拾遺

寧棲野木林寧飲澗水流不用坐良肉崎嶇見王侯
鄙哉匹夫節布褐將白頭任智誠則短守仁固其優
側聞大君子安問黨與讎所不賣公器動爲蒼生謀
賤子跪自陳可爲帳下不感激有公議曲私非所求
上張令公
珥筆趨丹陛垂璫上玉除步簷青瑣闥方憶盡輪車
市閱千金字朝開五色書致君光帝典薦士滿公車
伏奏廻金駕橫經重石渠從茲能角岷且復幸儲胥
天統知堯後王章笑魯初匈奴遙俯伏漢相嚴簪裾
賈生非不遇汲黯自堪踈學易思求我言詩或起予
嘗從大夫後可惜隸人餘

崔興宗寫真詠

畫君年少時如今君已老今時新識人知君舊時好

山茱萸詠

朱實山下開清香寒更發幸與叢桂花窓前向秋月

涼州賽神

涼州城外少行人百尺烽頭望虜塵健兒擊鼓吹羌
笛共賽城東越騎神

哭殷遙二首

人生能幾何畢竟歸無形念君等爲死万事傷人情
慈母未及葬一女纔十齡決泚寒郊外蕭條聞哭聲
浮雲爲蒼茫飛鳥不能鳴行人何寂寞白日自淒清

憶昔君在時。問我學無生。勸君苦不早。令君無所成。
故人各有贈。又不及平生。負尔非一途。慟哭返柴荆。
送君返葬石樓山。松柏蒼蒼負馭還。埋骨白雲長已
矣。空餘流水向人間。

哭孟浩然
時爲殿中侍御史知南選至襄陽有作

故人不可見。漢水日東流。借問襄陽老。江山空蔡州。
哭褚司馬

妄識皆心累。浮生定死媒。誰言老龍吉。未免伯牛災。
故有求仙藥。仍餘遁俗杯。山川秋樹苦。窓戶夜泉哀。
尚憶青驪去。寧知白馬來。漢臣修史記。莫蔽褚生才。

過沈居哭沈居士

楊朱來此哭。桑扈返於真。獨自成千古。依然舊四鄰。
閑簷噓鳥雀。故榻滿塵埃。曙月孤鶯轉。空山五柳春。
野花愁對客。泉水咽迎人。善卷明時隱。黔婁在日貧。
逝川嗟尔命。丘井歎吾身。前後徒言隔。相悲詎幾晨。
哭祖六自虛
時年十八

否極常聞泰。嗟君獨不然。憫凶才穉齒。羸疾至中年。
餘力文章秀。生知禮樂全。翰留天帳覽。辭入帝宮傳。
國訝終軍少。人知賈誼賢。公卿盡虛左。朋識共推先。
不恨依窮轍。終期濟巨川。才雄望羔鴈。壽促背貂蟬。
福善聞前錄。殲良昧上玄。何辜鍛鸞鳳。何事至龍泉。

鵬起長沙賦麟終曲阜編城中君道廣海內我情偏
乍失疑猶見沈思悟絕緣生前不忍別死後向誰宣
爲此情難盡弥今憶更纏本家清渭曲歸葬舊塋邊
永去長安道徒開京兆阡旌車出郊甸鄉國隱雲天
定作無期別寧同舊日旋候門家屬苦行路國人憐
送客哀終進征途泥復前贈言爲挽曲奠席是離筵
念昔同攜手風期不暫捐南山俱隱逸東洛類神仙
未省音容間那堪生死遷花時金谷飲月夜竹林眠
蒲地傳都賦傾朝看藥舫群公咸厲目微物敢齊肩
謬合同人言而將玉樹連不期先挂釦長恐後施鞭
爲善吾無矣知音子絕焉琴聲縱不沒終亦斷悲絃

歎白髮二首

我年一何長鬢髮日已白俛仰天地間能爲幾時客
惆悵故山雲徘徊空日夕何事與時人東城復南陌
宿昔朱顏成暮齒須臾白髮變垂髫一生幾許傷心
事不向空門何處消

過始皇墓 時年十五

古墓成蒼嶺幽宮象紫臺星辰七曜隔河漢九泉開
有海人寧渡無春鴈不迴更聞松韻切疑是大夫哀
故太子太師徐公挽歌四首

功德冠群英弥綸有大名軒皇用風后傳說是星精
就地優遺老來朝詔不名留侯嘗辟穀何苦不長生

謀猷爲相國翊贊奉乘輿劍履升前殿貂蟬託後車
齊侯疏土宇漢室賴圖書僻處留田宅仍才十頓餘
舊里趨庭日新年置酒辰聞詩鸞磻客獻賦鳳樓人
北首辭明主東堂哭大臣猶思御朱輅不惜汗車茵
久踐中台座終登上將壇誰言斷車騎空憶盛衣冠
風日咸陽慘笳簫渭水寒尤人當便闕應罷太師官
故西河郡杜太守挽歌三首

天上去西征雲中護北平生擒白馬將連破黑雕城
忽見芻靈苦徒聞竹使榮空留左氏傳誰繼卜商名
返葬金符守同歸石窀妻卷衣悲盡翟持妾待鳴雞
洛衛都人慘山川駟馬嘶猶聞隴上客相對哭征西

塗芻去國門祕器出東園太守留金印夫人罷錦軒
旌旄轉衰水簫鼓上寒原墳樹應西靡長思魏闕恩
故南陽夫人樊氏挽歌二首

錦衣餘翟茀繡轂罷魚軒淑女詩長在天人法尚存
疑笳隨曉旆行哭向秋原歸去將何見誰能返戟門
石窀恩榮重金吾車騎盛將朝每贈言入室還相訢
累鼓秋城動縣旌寒日暎不言長不歸環珮猶將聽

王摩詰文集卷第十



右王摩詰文集十卷每卷有二泉主人聽松風
處子京項墨林鑒賞章宗本甲等印第五卷
有款云素裝觀及素氏尚之印今藏汪氏藝芸
書舍與前收讀書敏求記所載王右丞文集皆宗
本而迴乎不合予讀文獻通考引書錄解題云
建昌本與蜀本次序皆不同大抵蜀刻唐六家
集多異於他處本而此集編次尤無倫乃悟題摩
詰集者蜀本也題右丞集者建昌本也建昌本



前六卷詩後四卷文自是寶歷二年表進之舊而
蜀本第二以下全錯亂故直齋以為尤無倫也
又讀洪邁萬首絕句序云如王涯在翰林同學
士令狐楚張仲素所賦宮詞諸章乃誤入王維集
其王維詩後注云別本維又有遊春詞等十五篇
并五言十五篇皆王涯所作今以入涯詩中按蜀本第
一卷末有此各篇但詩前標翰林學士知制誥王
涯名蓋其始鈔綴於此而刻者不知刪去耳亦未

誤為維詩如洪所見之別本也若建昌本則固無
此矣至直齋所稱蜀本六十五家唐集世無完書大
興朱氏樹花吟所有如千家權載之五十卷嘉慶
某年刊行張說之三十卷江都汪孟慈為予寫
其副其餘聞尚有王子安等而未審他則李太白
三十卷康熙中繆氏刊之駱賓王十卷曾在小讀
書堆後刊於揚州二書真本俱歸藝芸云今又收
此獨於秘笈深有宿緣良可羨已去歲以建昌

本見借得影鈔一部茲承示蜀本遂加對勘除
次序外其為多寡異同亦互有短長擬合成定
本再奉質正也是為跋道光歲在戊子孟陬月
人日顧千里書時年六十有三



